

# রিক্তের বেদন

নজরুল ইসলাম



ডি. এম. লাইব্রেরী  
৪২নং কর্ণওয়ালিশ স্ট্রীট,  
কলিকাতা-৬



প্রকাশক কর্তৃক সর্বসত্ত্ব সংরক্ষিত  
দুই টাকা মাত্র

শ্রীগোপালদাস মজুমদার কর্তৃক ডি, এম, লাইব্রেরী ৪২, কর্ণওয়ালিশ  
স্ট্রিট, কলিকাতা ৬ হইতে প্রকাশিত ও বাণী-শ্রী প্রেস ৮৩-বি  
বিবেকানন্দ রোড, কলিকাতা ৬ শ্রীমুকুমার চৌধুরী কর্তৃক মুদ্রিত।

# রিক্তের বেদন

( ক )

—বীরভূম।—

আঃ! একি অভাবনীয় নতুন দৃশ্য দেখলুম আজ ?

জননী জন্মভূমির মঙ্গলের জন্তে সে-কোন্-অদেখা দেশের আগুনে প্রাণ আহুতি দিতে একি অগাধ-অসীম উৎসাহ নিয়ে ছুটেছে তরুণ বাঙালীরা,—আমার ভাইরা! থাকি পোষাকের স্নান আবরণে এ কোন্ আগুনভরা প্রাণ ছাপা রবেছে!—তাদের গলায় লাখে হাজার ফুলের মালা দোল্ খাচ্ছে, ও গুলো আমাদের মায়ের-দেওয়া ভাবী-বিজয়ের আশীষমালা,—বোনের-দেওয়া স্নেহ-বিজড়িত অশ্রুর গৌরবোজ্জ্বল-কমহার!

ফুলগুলো কত আর্দ্র-সমুজ্জ্বল! কি বেদনা-রাঙা মধুর! ও গুলোত ফুল নয়, ও যে আমাদের মা-ভাই-বোনের হৃদয়ের পূততম প্রদেশ হ'তে উজাড়-ক'রে দেওয়া অশ্রুবিন্দু! এই যে অশ্রু ঝরেছে আমাদের নয়ন গলে, এর মত শ্রেষ্ঠ অশ্রু আর ঝরেনি,—ওঃ সে কত যুগ হ'তে!

আজ ক্ষান্ত-বর্ষণ প্রভাতের অরুণ কিরণ চিরে নিমেষের জন্ত বৃষ্টি নেমে তাদের থাকি বসনগুলোকে আরো গাঢ়-স্নান করে দিয়েছিল! বৃষ্টির ঐ খুব মোটা মোটা ফোঁটাগুলো বোধ হয় আর কারুর ঝরা অশ্রু!

## বিস্তের বেদন

সেগুলো মায়ের অশ্রু-ভরা-শান্ত আশীর্বাদের মত তাদিগে কেমন অভিষিক্ত করে' দিলে !

তারা 'চলে' গেল ! একটা যুগবাহিত গৌরবের স্বার্থকতার  
রুদ্ধবক্ষঃ-বাম্পরথের বাম্পরুদ্ধ ফোঁস্ ফোঁস্ শব্দ' ছাপিয়ে আশার সে কি  
করণ গান দুলে' দুলে' ভেসে আসছিল,—

“বহুদিন পরে হইব আবার আপন কুটারবাসী,  
হেরিব বিরহ-বিধূর-অধরে মিলন-মধুর হাসি,  
শুনিব বিরহ-নীরব কণ্ঠে মিলন-মুখর বাণী,—  
আমার কুটার-বাণী সে যে গো আমার হৃদয়-বাণী ।

সমস্ত প্রকৃতি তখন একটা বুকভরা স্নিগ্ধতায় ভরে' উঠেছিল ।  
বাঙলার আকাশে, বাঙলার বাতাসে সে বিদায়-ক্ষণে ত্যাগের ভাস্বর  
অরুণিমা মূর্ত হয়ে ফুটে' উঠেছিল ! কে বলে মাটির মায়ের প্রাণ নেই ?

এই যে জল-ছলছল শ্রামোজ্জল বিদায় ক্ষণটুকু অতীত হ'য়ে গেল,  
কে জানে সে আবার কত যুগ বাদে এমনি একটা সত্যিকার বিদায়  
মুহূর্ত হয়ে আসবে ?

আমরা 'ইন্ডকনাগাদ' ত্যাগের মহিমা কীর্তন পঞ্চমুখে করে'  
আসছি, কিন্তু কাজে কতটুকু করতে পেরেছি ? আমাদের করার  
সমস্ত শক্তি বোধ হয় এই বলার মধ্য দিয়েই গলে যায় !

পারবে ? বাঙলার সাহসী যুবক ! পারবে এমনি করে' তোমাদের  
সবুজ, কাঁচা, তরুণ জীবগুণি জলন্ত আগুনে আহুতি দিতে দেশের  
এতটুকু স্নানামের জন্তে ? তবে এস ! 'এস নবীন, এস ! এস কাঁচা,  
এস !' তোমরাই ত আমাদের দেশের ভবিষ্যৎ আশা, ভরসা সব !  
বৃদ্ধদের মানা শুনোন' । তাঁরা মঞ্চে দাঁড়িয়ে স্নানাম কিনবার জন্তে

## রিস্কের বেদন

গুজস্থিনী ভাষায় বক্তৃতা দিয়ে তোমাদের উদ্বুদ্ধ করেন, আবার কোন মুঞ্চ যুবক নিজেকে ঐ রকম বলিদান দিতে আসলে আড়ালে গিয়ে হাসেন এবং পরোক্ষে অভিসম্পাত করেন! মনে করেন, 'এই মাথা গরম ছোকরাগুলো কি নির্বোধ!' ভেঙে ফেল, ভেঙে ফেল ভাই, এদের এ সঙ্কীর্ণ স্বার্থ-বন্ধন!

অনেকদিন পরে দেশে একটা প্রতিধ্বনি উঠছে "জাগো হিন্দুস্থান জাগো! হুশিয়ার!"

নাম্নর।—

মা! মা! কেন বাধা দিচ্ছ? কেন এ অবশ্যস্তাবী একটা অগ্ন্যুৎপাতকে পাথর চাপা দিয়ে আটকাবার বৃথা চেষ্টা করছ?—আচ্ছা মা! তুমি বি-এ পাশকরা ছেলের জননী হ'তে চাও, না বীর-মাতা হ'তে চাও? নিরুন্মঘুমের-আলশ্চের দেশে বীরমাতা হবার মত সৌভাগ্যবতী জননী কয়জন আছেন মা? তবে, কোনটা বরণীয় তা' জেনেও কেন এ অন্ধনেহকে প্রশ্রয় দিচ্ছ? গরীয়সী মহিমাধিতা মা আমার! ছেড়ে দাও, ছেড়ে দাও—তোমার এ জনম-পাগল ছেলেকে ছেড়ে দাও! হুশিয়ার সব কিছু দিয়েও এখন আমায় ধ'রে রাখতে পারবে না। আপুণ আমার ভাই—আমায় ডাক দিয়েছে। সে যে কিছুতেই আঁচলচাপা থাকবে না। আর, যে থাকবে না, সে বাঁধন ছিঁড়বেই। সে সত্যসত্যই পাগল, তার জন্তে এখনও এমন পাগ্লা গারদের নির্মাণ হয়নি, যা' তাকে আটকে রাখতে পারবে!

পাগল আজকে ভাঙ'রে আগল

পাগলা গারদের,

## রিস্কের বেদন

আর ও'দের

সকল শিকল শিথিল করে বেরিয়ে পালা বাইরে

দুশ'মন্ স্বজনের মত দিন দুনিয়ায় নাইরে !

ও তুই বেরিয়ে পালা বাইরে ॥

\* \* \* \*

আজ যুদ্ধে যাবার আদেশ পেয়েছি ! পাখী যখন শিকলি কাটে  
তখন তার আনন্দটা কি রকম বেদনা-বিজড়িত মধুর ।

আহ্, আমায় আদেশ দিয়ে শেষ আশীষ করবার সময় মা'র—  
গলার আওয়াজটা কি রকম আর্দ্র-গভীর হয়ে গিয়েছিল ! সে কি  
উচ্ছ্বসিত রোদনের বেগ আমাদের দু'জনকেই মুন্ডে দিচ্ছিল !... হাজার  
হোক্, মায়ের মন ত ।

আকাশ যখন তার সঞ্চিত সমস্ত জমাট-নীর নিঃশেষে ঝরিয়ে দেয়,  
তখন তার অসীম নিস্তরক বুকে সে কি একটা শাস্ত সজল স্নিগ্ধতার তরল  
কারুণ্য ফুটে' উঠে !

মা'র একমাত্র জীবিত সন্তান বি-এ পড়'ছিলুম ; মায়ের মনে যে  
কত আশাই না মুকুলিত পল্লবিত হ'য়ে উঠেছিল ! আমি আজ সে সব  
কত নিষ্ঠুরভাবে দ'লে দিলুম ! কি করি, এ দিনে এ রকম যে না  
ক'রেই পারি না ।

আমার পরিচিত সমস্ত লোক মিলে আমায় তিরস্কার করতে আরম্ভ  
করেছে যেন আমি একটা ভয়ানক অগ্নায় করেছি । সবাই বলছে,  
আমার সহায়সহলহীন মা'কে দেখ'বে কে !...হায়, আজ আমার মা  
যে রাজরাজেশ্বরীর আসনে প্রতিষ্ঠিতা, তা কাউকে বুঝতে পার'ব না !

কাকে বুঝাই যে, লক্ষপতি হয়ে দশ হাজার টাকা বিলিয়ে দিলে

## রিক্তের বেদন

তাকে ত্যাগ বলে না, সে হচ্ছে দান। যে নিজেকে সম্পূর্ণ রিক্ত করে' নিজের সর্বস্বকে বিলিয়ে দিতে না পারুল, সে ত ত্যাগী নয়। মা'র এই উঁচু ত্যাগের গগনস্পর্শী চূড়া কেউ যে ছুঁতেই পারবে না। তাঁর এ গোপন বরণ্য ত্যাগের মহিমা একা অন্তর্যামীই জানেন !

এই ত সেই সত্যিকারের মোস্লেম জননী, যিনি নিজ হাতে নিজের একমাত্র সন্তানকে যুদ্ধসাজে সাজিয়ে জন্মভূমির পায়ে রক্ত ঢালতে পাঠাতেন।

এ বিসর্জন না অর্জন ?

সালার ॥—

জননী আর জন্মভূমির দিকে কখনও আর এত স্নেহ এত ব্যথিত দৃষ্টিতে চেয়ে দেখিনি, যেমন তাঁদিগে ছেড়ে' আস্‌বার দিনে দেখেছিলুম। শেষ চাওয়া মাত্রেই বোধ হয় এমনি প্রগাঢ় করুণ।

নাঃ, আমাকে হয়রান্ করে ফেললে এদের অতি ভক্তির চোটে ! আমি যেন মহা-মহিমাম্বিত এক সম্মানাহ' ব্যক্তিবিশেষ আর কি ! দিন নেই, রাত নেই, লোক আসছে আর আসছে। যে-আমাকে তারা এইখানেই হাজার বার দেখেছে তারাও আবার আমাকে নতুন করে দেখছে। এ এক যেন তাজ্জব ব্যাপার। আমি আমার চির পরিচিত শৈশবসাপথী বন্ধুদের মাঝে থেকেও মনে করছি যেন 'আবু হোসেনে'র মত এক রাত্তিরেই আমি ঐ রকম একটা রাজা-বাদশা গোছ কিছু হয়ে পড়েছি ! সব চেয়ে বেশী দুঃখ হচ্ছে আমার অন্তরঙ্গ বন্ধুদের ভক্তি দেখে। বন্ধুরা যদি ভক্তি করে, তাহ'লে বন্ধুদের ঘাড়ে পড়ল একটা প্রকাণ্ড মুদগর ! তাদিগে যতই বলছি ভো ভো আহম্মকবন্দ, তোমাদের

## রিস্কেন্স বেদন

এ চোরের লক্ষণ; ওফে' অতিভক্তি সম্বরণ কর, ততই যেন তারা আমার আরো মহেশ্বের পরিচয় পাচ্ছে!....বাইরে ত বেরোনো দায়! বেরোলেই অম্নি স্ত্রী-পুরুষের ছোট বড় মাঝারি প্রাণী আমার দিকে প্রাণপণে চক্ষু বিস্ফারিত করে' চেয়ে থাকে, আর অগ্ৰকে আমার সবিশেষ ইতিবৃত্ত জ্ঞাত করিয়ে বলে, 'ঐ রে, ঐ লম্বা সুন্দর ছেলেটা যুদ্ধে যাচ্ছে।'

তারা কোন্টা দেখে আমার,—ভিতর—না বাহির?

( ২ )

রেলপথে,

অণ্ডালের কাছাকাছি।—

যাক্, এতক্ষণে লোকের ভক্তিশ্রদ্ধার আক্রমণ হ'তে রেহাই পাওয়া গেল!—উঃ, যুদ্ধের আগেই এও ত একটা মন্দ যুদ্ধ নয়, রীতিমত দ্বন্দ্ব যুদ্ধ! এখন একটু হাঁফ ছেড়ে বাঁচি!

একটা ভাল কাজ করে' যা' আনন্দ আর আশ্বপ্রসাদ মনে মনে লাভ করা যায়, তার অনেকটা নষ্ট করে দেয় বাইরের প্রশংসায়।

সব চেয়ে বেশী ভিড় হয়েছিল কলকাতায় আর হাবড়ার ষ্টেশনে।—  
ওঃ, সে কি বিপুল জনতা আর সে কি আকুল আগ্রহ আমাদের দিকে! আমরা মঙ্গলগ্রহ হ'তে অথবা ঐ রকমেরই স্বর্গের কাছাকাছি কোন একটা জায়গা হ'তে যেন নেমে আসছি আর কি! স্বীদের সঙ্গে কখনও আলাপ করবারও সুযোগ পাইনি, তাঁরাও আমাদের সঙ্গে কোলাকুলি করেছেন আর অশ্রু গদগদ কণ্ঠে আশীষ করেছেন।



## রিস্কের বেদন

—ঐ যে হাজার হাজার পুর মহিলার হৃদয় গলে' সহানুভূতির পূত অশ্রু  
ঝাঝে, ওতেই আমাদের ভবিষ্যৎ মঙ্গল সূচিত হচ্ছে।—সকলেরই দৃষ্টি  
আজ কত স্নেহ-আর্দ্র কোমল।

ষ্টেশনে ষ্টেশনে এই যে উপহারের আর বিদায়-সস্তাষণের ধুমধাম,  
এতে কিন্তু বডেটা বেশী ব্যতিব্যস্ত কবে ফেলেছে।—এ সব রাজ্যের  
জিনিষ খাবে কে?—আহা, না, না, এই রকম উপহাৰ দিয়েই যদি  
ওবা তুষ্ট হয়, একটা অশ্রময় গৌরবে বক্ষ ভরে' উঠে, তবে তাই  
হোক।

\*মন। বুঝে নাও কি জন্তে এত ভক্তি-শ্রদ্ধা। ভেবে নাও কি  
ঘোব দায়িত্ব মাথায় কব্ছ।

আমার কম্পিত বুকে থেকে থেকে এখনও সেই আৰ্ত্ত বন্দনার ঘন  
ঘন প্রতিধ্বনি হচ্ছে, “বন্দে মাতবম্ বন্দে মাতবম্।”

বেলগাড়ী,

নিশিভোর।—

কি সুন্দর জলে ধোওয়া আকাশ! কি স্নিগ্ধ নিরুন্ম নিশি ভোর।  
সারা প্রকৃতি এখনও তন্দ্রালস নঘনে গা এলিয়ে দিবে পড়ে' বয়েছে।  
গোলাবী রং-এর মসলিনের মত খুব পাতলা একটা আবছায়া তার  
ধুমভরা ক্লাস্ত দেহটায় জড়িয়ে রয়েছে! আব একটু পবেই এমন সুন্দর  
প্রকৃতি বিচিত্র অঙ্গভঙ্গি করে' জেগে' উঠবে, তারপরে সেই তেমন  
নিত্যকার গোলমাল।

## রিস্কের বেদন

ঐ, প্রত্যুষে।—

এখন বোধ-হচ্ছে যেন সমস্ত দেশটা এইমাত্র বিছানা ছেড়ে' উঠে, উদাস-অলস নয়নে তার চেয়েও উদার আকাশটার দিকে চেয়ে রয়েছে। এখনও তার আঁখির পাতায় পাতায় ঘুমের জড়িমা মাখানো! হাই-তোলার মত মাঝে মাঝে দম্কা বাতাস ছুটে আসছে!

পাকা তবল্‌চির মত রেলগাড়ীটা কি সুন্দর কারুফা বাজিয়ে যাচ্ছে, “পাঁটা কেটে ভাগ দিন—পাঁটা কেটে ভাগ দিন!” ইচ্ছা করছে রেল-চলার এই কারুফা তালের তালে তালে একটা ভৈরোঁ কি টোড়ী রাগিণী ভাঁজি, কিন্তু গান গাইবার মত এখন আদৌ স্থর নেই যেন আমার কণ্ঠে।

মধুপুর।—

নিশি শেষের গ্যাসের আলো পড়ে' আমাদের মুখগুলো কি করুণ ক্যাকাসে দেখাচ্ছে! ঐ ফ্যাকাসে আলোর পাণ্ডুর আভা-প্রতিভাত হয়ে আমার ঘুমন্ত নৈনিক-বন্ধুদের দিক্ত নয়ন-পল্লবগুলি কি রকম চক্‌চক্‌ করছে! ও কিসের অশ্রুবিন্দু! বিদায় ব্যথার?—কে জানে!....

আজ এই প্রভাতের গ্যাসের আলোর মতই পাণ্ডুর রক্তহীন একটি তরুণ মুখ ক্ষণে ক্ষণে আমার বুকের মাঝে ভেসে উঠছে! এখন যেন একটা বাষ্পময় কুয়াসার মত আধ-আলো আধ-আঁধার ভাব দেখা যাচ্ছে, ক'দিন ধরে' তার দৃষ্টিটিও ঠিক এই রকম বাপ্‌সা সজল হয়ে উঠেছিল! সে কিন্তু কখনও কিছু বলেনি—কিছু বলতে পারিনি—আমিও কখনও মুখ ফুটে' কিছু বলতে পারিনি—হাজার চেষ্ঠাতেও না! কি যেন একটা লজ্জামিশ্রিত কিছু আমায় প্রাণপণে চোখমুখ ঢেকে মানা করত

## রিক্তের বেদন

—না, না, না, তবু কি করে' আমাদের দু'টি প্রাণের গোপন-কথা হুজনেই জেনেছিলুম।—ওঃ, প্রথম যৌবনের এই গোপন ভালোবাসা-বাসির মাধুর্য্য কত গাঢ়! আমার বিদায় দিনেও আমি একটি মুখের কথা বলতে পারিনি তা'কে। শুধু একটা জমাট অশ্রুখণ্ড এসে, আমার বাকরোধ করে' দিয়েছিল! সেও কিছু বলেনি, যতদিন বাড়ীতে ছিলাম, ততদিন শুধু লুকিয়ে কেঁদেছে আর কেঁদেছে। তারপর বিদায়ের ক্ষণে তাদের ভাঙ্গা দেয়ালটা প্রাণপণে আঁকড়ে ধরে' রক্তভরা আঁখিতে ব্যাকুল বেদনায় চেয়েছিল! আর তার তরুণ স্তন্যর মুখটি এই ভোরের গ্যাসের আলোর মতই করুণ ফ্যাকাসে হয়ে' গিয়েছিল!—মা যেন আমার গোপন-ব্যথার রক্ত ক্ষরা দেখেই সেদিন বলেছিলেন, “মা বাপ একবার শহিদাকে দেখা দিয়ে আয়। সে মেয়ে ত কেঁদে কেঁদে একেবারে নেতিয়ে পড়েছে।”—আমি তখন জোর করে' বলেছিলুম, “না মা, মরুকগে সে, আমি কিছুতেই দেখা করতে পারব না।”—হায়রে খামখেয়ালির অহেতুক অভিযান!

আজ বড় দুঃখে আমার সেই প্রিয় গানটা মনে পড়ছে,—

“হু'জনে দেখা হ'ল মধু-যামিনীতে—

কেন কথা কহিল না—চলিয়া গেল ধীরে ?

নিকুঞ্জে দখিনাবায়, করিছে হায় হায়—

লতাপাতা ছলে' ছলে' ডাকিছে ফিরে ফিরে !—

হু'জনের আঁখিবারি গোপনে গেল ঝরে'—

হু'জনের প্রাণের কথা প্রাণেতে গেল মরে' ;

আর ত হ'লনা দেখা জগতে দৌহে একা,

চিরদিন ছাড়াছাড়ি যমুনা-তীরে !”—

## বিস্তার বেদন

উঃ, কি পান্সে উদাস আজকার ভোরের বাঙলাটা!—সগ্ন-স্বপ্নোখিত বনের বিহগের আনন্দ-কাকলী আজ যেন কি বকম অশ্র-জড়িত আর দীর্ঘ ব্যথিত।

এই গাড়ী ছাড়ার ঘণ্টার ঢং ঢং শব্দটা কত অরুস্তদ গভীর! ঠিক যেন গির্জায় কোন অতীত হতভাগার চিরবিদায়ের শেষ ঘণ্টাধ্বনি!

লাহোরের অদূরে

( নিশীথ )।

একটা বিরাট মহিষাসুরের মত কি একরোখা ছুট ছুটছে এই উন্মাদ বাষ্প-রথটা! ছোটো, ...ওগো আশু-আর-বাষ্প-পোরা-দানব, ছোটো! আর দোল্ দাও—দোল্ দাও এই তরুণ তোমার ভাইদের! ছোটো, ওগো, ক্ষাপা দৈত্য, ছোট,—আর পিষে দিয়ে যাও তোমার এই লৌহময় পথটাকে! তোমার পথের পাশে ঘুমিয়ে যারা, তাদের জাগিয়ে দিয়ে যাও তোমার এই ছোটোর শব্দে!...

নিশীথের জমাট অন্ধকার চিরে' শাস্ত বনশ্রীকে চকিত শঙ্কিত করে' কত জ্বরে ছুটছে এই খামখেয়ালি মাথাপাগলা রাক্ষসটা,—কিন্তু তার চেয়েও লক্ষ গুণ বেগে আমার মত উন্টোদিকে ছুটেছে—যেখানে আমার সেই গোপন আকাজ্জিতার বাষ্পরুদ্ধ চাপাকান্নার আকুলতা গ্রামের নিরীহ অন্ধকারকে ব্যথিত ছিন্নভিন্ন করে' দিচ্ছে! মন আমার তারি সাথে স্বাস ফেলাচ্ছে, যে হতভাগিনীর ফুলে'-ফুলে'-উঠা দীর্ঘশ্বাস সরল-মেঠো বাতাসটিকে নিষ্ঠুরভাবে আহত করছে! আলুথালু আকুল-কেশ, ধূলিলুপ্তিত শিথিল-বসন, 'উজাড় করে'-দেওয়া আঁশ'র ভেজা উপাধান,—সব যেন মনের চোখে দেখতে পাচ্ছি আর এই মধু-কল্পনার

স্বিধ্কাৰ্ণ্য আমার বৃকে কেমন একটি গৌরবের ছোঁওয়া দিয়ে যাচ্ছে!

সমস্ত শাল আর পিয়াল বন কাঁপিয়ে যেন একটা পুত্রশোকাতুরা দৈত্য-জননী ডুকরে' ডুকরে' কাঁদছে 'ওঁ—ওঁ—ওঁ!' আর মাতৃহারা দৈত্যশিশুর মত এই ক্ষ্যাপা গাড়ীটাও এপারে থেকে কাংরে' কাংরে' উঠছে, 'উ—উ—উঃ।'✓

( গ )

নৌশেরা।—

এস আমার বোবা সাথী, এস। আজ কতদিন পরে তোমায় আমায় দেখা! তোমার 'বৃকে এমনি করে' আমার প্রাণের বোঝা নামিয়ে না রাখতে পারলে এতদিন আমার ঘাড় হুমড়ে পড়ত!

আহ্ কি জালা! এত হাডভাঙ্গা পরিশ্রম, এত গাধাখাটুনির মাঝেও সেই একান্ত অন্ধস্মৃতিটার ব্যথা যেন বৃকের উপর চেপে' বসে' আছে!...আজ তাকে ঝেড়ে ফেলতে হবে! হৃদয়, শক্ত হও—বাঁধন ছিঁড়তে হবে। যে তোমার কখনো হয়নি, যাকে কখনো পাওনি,—যে তোমার হয়ত কখনো হবেনা, যাকে কখনো পাবেনা,—যার অজানা-ভালোবাসার স্মৃতিটাই ছিল—তোমার সারা বক্ষ বেদনায় ভরে', সেই শহিদার স্মৃতিটাকেও ধুয়ে মুছে ফেলতে হবে! উঃ!...তা'... পারবে? সাহস আছে? "না" বললে চলবে না, এ যে পারতেই হবে! মনে পড়ে কি আমাদের দেশের মা-ভাই-বোনের দেওয়া উপহার? বুঝেছিলে কি যে, ও গুলি তাঁদের দেওয়া দাহিস্বে, কর্তব্যের গুরুভার? আমাদের কাজের উপর আমাদের জাতির ভবিষ্যৎ নির্ভর

## রিক্তের বেদন

করছে। কষ্টপাথরের মত সহগুণ আমাদের থাকা চাই, তবে না জগতের লোকে যাচাই করে' নেবে যে, বাঙ্গালীরাও বীরের জাতি। এ সময় একটা গোপন স্মৃতি-ব্যথা বৃকে পুষে' মুসড়ে' পড়লে চলবে না। তাকে চাপা দিতেও পারবে না, নিঃশেষে বিসর্জন দিতে হবে। একেবারে বাইরের ভিতরের সব কিছু উজাড় করে' বিলিয়ে দিতে হবে, তবে না রিক্ততার—বিজয়ের পূর্ণরূপ ফুটে' উঠবে প্রাণে! অনেকে জীবন দিয়েছে, তবু এই প্রাণপণে-আঁকড়ে-ধরে'-থাকা মধু-স্মৃতি-টুকু বিসর্জন দিতে পারেনি! তোমাকে সেই অসাধ্য সাধন করতে হবে! পারবে? সাধনার সে জোর আছে? যদি না পার, তবে কেন নিজকে 'মুক্ত,' 'রিক্ত,' 'বীর' বলে' চেষ্টা করে' আকাশ ফাটাচ্ছ? ষার প্রাণের গোপনতলে এখনও কামনা জেগে রয়েছে, সে ভোগী-মিথ্যুক আবার ত্যাগের দাবী করে কোন্ লজ্জায়? সে কাপুরুষের আবার বীরের পবিত্র শিরশ্রাণের অবমাননা করবার কি অধিকার আছে? দেশের জন্ত প্রাণ দিবে যারা, তারা প্রথমে হবে ব্রহ্মচারী, ইন্দ্রিয়জিৎ!—

মাথার ওপর মা' আমার ভাবী-বিজয়ী বীর-সন্তানের মুখের দিকে আশা উৎসুক নয়নে চেয়ে রয়েছেন, আর পায়ের নীচে এক তরুণী তার অশ্রুসিক্তি ভরা ভাষায় সাধছে, "যেয়োনাগো প্রিয়, যেয়োনা!" কি করবে! নিশ্চয়ই পারবে! তুমি যে মায়ামমতাহীন কঠোর সৈনিক।

শক্ত হও হৃদয় আমার, শক্ত হও! আজ তোমার বিসর্জনের দিন! আজ ঐ কাবুল নদীর ধারের উষর প্রান্তরটার মতই বৃকটাকে রিক্ত শূন্য করে' ফেলতে হবে। তবে না তোমার সমস্ত তৃষ্ণা, সমস্ত স্নেহ-স্বপ্ন বৈরাগ্যের যজ্ঞকুণ্ডে আহুতি দিতে পূর্ণ রিক্ততার গান ধরবে,—

## রিস্তের বেদন

“ওগো কাঙাল, আমায় কাঙাল করেছে

আরো কি তোমার চাই ?

ওগো ভিখারী, আমার ভিখারী,—

পলকে সকলি ঈপিছে চরণে আর তো কিছুই নাই !

আরো কি তোমার চাই ?”

\* \* \*

কুর্দিস্তান !—

পেয়েছি—পেয়েছি ! ওঃ, আজ দীর্ঘ এক বৎসরের পরে আমার প্রাণ কেন পূর্ণ-রিক্ততায় ভরে' উঠেছে বলে' বোধ হচ্ছে !...এই এক বৎসর ধরে' সে কি ভয়ানক যুদ্ধ মনের সাথে ! এ সময়ে কত কিছুই না মারা গেল !...বাইরের যুদ্ধের চেয়ে ভিতরের যুদ্ধ কত দুঃস্বপ্ন দুর্বার ! রণজিৎ অনেকেই হ'তে পারে, কিন্তু মনজিৎ ক'জন হয় ? সে কেমন একটা প্রদীপ্ত কাঠিগু আমাকে ক্রমেই ছেয়ে ফেলছে ! সে কি সীমাহীন বিরাট শূন্য হয়ে গেছে হৃদয়টা আমার ! এই কি রিক্ততা ?...ভোগও নেই—ত্যাগও নেই ; তৃষ্ণাও নেই—তৃপ্তিও নেই ; প্রেমও নেই—বিচ্ছেদও নেই ;—এ যেন কেমন একটা নির্বিকার ভাব ! না ভাই, না, এমন তিক্ততা-ভরা রিক্ততা দিয়ে জীবন শুধু দুর্বিষহই হয়ে পড়ে ! এত কঠিন অকরণ মুক্তি ত আমি চাইনি ! এ যেন প্রাণহীন মর্ম্মর মন্দির !

তবু কিন্তু র'য়ে র'য়ে মর্ম্মরের শব্দ বৃকে শুক্লা চাঁদিনীর মত করুণ মধুর হয়ে সে কার স্নিগ্ধশাস্ত আলো হৃদয় ছুঁয়ে যায় ?—হায়, ছুঁয়ে যায় বটে, কিন্তু আর ত তেমন হুয়ে যায় না !...দেখেছ ? আমার অহঙ্কারী

## রিস্কের বেদন

মন তবু বলতে চায় যে, ওটা নিজেকে নিঃশেষ করে বিলিয়ে দেওয়ার একটা অথও আনন্দের এক কণা শুভ্র জ্যোতিঃ।—তবু সে বলবে না যে ওটা একটি বিসর্জিতা প্রতিমার প্রীতির কিরণ!

আঃ, আজ এই আরবের উল্কা প্রকৃতির বুকে মুখে মেঘমুক্ত শুভ্রজ্যোৎস্না পড়ে' তাকে এক গুরুবসনা সন্ন্যাসিনীর মতই দেখাচ্ছে! এদেশের এই জ্যোৎস্না এক উপভোগ করবার জিনিস! পৃথিবীর আর কোথাও বুঝি জ্যোৎস্না এত তীব্র আর প্রখর নয়। জ্যোৎস্নারাত্ৰিতে তোলা আমার ফটোগুলি দেখে' কেউ বিশ্বাস করবে না যে, এগুলি জ্যোৎস্না-লোকে তোলা ফটো। ঠিক যেন শরৎ প্রভাতের সোনালি রোদ্দুর।...

হাঁ,—এ'ত মস্ত আর এক মুস্কিলে পড়লুম দেখছি।...তালিম স্কুলের মতই সুন্দর রাঙা টুকটুকে একটি বেতুইন যুবতী পাক্‌ড়ে বসেছে যে, তাকে বিয়ে করতেই হবে! সে কি ভয়ানক জোর জবরদস্তি! আমি যত বলছি 'না', সে তত একরোখা ঝোঁকে বলে, 'হাঁ, নিশ্চয়ই হাঁ!' সে বলছে যে, সে আমাকে বড্ডো ভালোবেসে ফেলেছে, আমি বলছি যে, আমি তাকে একদম ভালোবাসিনি। সে বলছে, তাতে কিছু আসে যায় না,—আমাকে ভালোবেসেছে, আমাকেই তার জীবনের চিরসাথী ব'লে চিনে নিয়েছে—বাস্! এই ষথেষ্ট! আমার ওজর আপত্তির মানেই বোঝে না সে! আমি যতই তাকে মিনতি করে' বারণ করি সে ততই হাসির ফোয়ারা ছুটিয়ে বলে, "বাঃ—রে, আমি যে ভালোবেসেছি, তা তুমি বাসবে না কেন?"—হায় একি জুলুম!

ওরে মুক্ত! ওরে রিক্ত! তোরা ভয় নেই, ভয় নেই! এই যে



## রিক্তের বেদন

হৃদয়টাকে শুষ্ক করে' ফেলেছিল, হাজার বছরের বৃষ্টিপাতেও এতে ঘাস জন্মাবে না, ফুল ফুটবে না, এ বালি-ভরা নীরস সাহারায় ভালো-বাসা নেই।

যে ভালোবাসবে না তাকে ভালোবাসায় কে? যে বাঁধা দেবে না, তাকে বাঁধে কে?—“আমাকে যে বাঁধবে ধরে, এই হবে যার সাধন, সে কি অমনি হবে?”

কারবালা।—

এই সেই বিয়োগান্ত নিষ্করণ নাটকের রঙ্গমঞ্চ,—যার নামে জগতের সারা মোস্লেম নরনারীর আঁখি-পল্লব বড় বেদনায় সিক্ত হয়ে ওঠে। এখানে এসেই মনে পড়ে সেই হাজার বছর আগের ধর্ম আর দেশ রক্ষার জন্তে লক্ষ লক্ষ তরুণ বীরের হাতে হাতে ‘শহিদ’ হওয়ার কথা! তেমনি ব’য়ে যাচ্ছে সেই ফোঁরাত নদী, যার একবিন্দু জলের জন্ত দুধের ছেলে, ‘আস্গর’ কচিবুকে জহর-মাখা তীরের আঘাত খেয়ে বাবার কোলে তৃষ্ণার্জ্ব চোখ দু’টি চিরতরে মুদেছিল! ফোঁরাতের এই মরুময় কূলে কূলে না জানি সে কত পবিত্র বীরের খুন বালির সঙ্গে মাখানো রয়েছে! আঃ, এ বালির পরশেও যেন আমার অন্তর পবিত্র হয়ে গেল।

কয়েকটা পাষাণময় নিস্তরু গৃহ খাড়া রয়েছে জমাট হয়ে—উঁদার অসীম আকাশেরই মত বিব্রত মরুভূমি তার বালুভরা আঁচল পেতে চলেই গিয়েছে,—ছোট ছোট তৃষ্ণাতুর দুধা-শিশু ‘মা’ মা’ ক’রে চীৎকার করতে করতে ফোঁরাতের দিকে ছুটে আসছে,—শিশিবিন্দুর মত স্নন্দর কয়েকটি বড়স্ক বালিকা ফোঁরাতের এক হাঁটু জলে নেমে আঁজলা আঁজলা জল পান ক’রে ক্ষুন্নিবৃত্তির চেষ্টা করছে,—বালিতে

## রিস্কের বেদন

আর বাতাসে মাতামাতি,—এই সব মিলে কারবালার একটি করুণ চিত্র চোখের সামনে ফুটে উঠছে!....

কারবালা! কারবালা!! আজ তোমারই আকাশ, তোমারই বাতাস, তোমারই বক্ষের মত আমার আকাশ বাতাস বক্ষ সব একটা বিপুল রিক্ততায় পূর্ণ!

সেদিনও সেই বেহুইন্ যুবতী গুলের সঙ্গে দেখা হয়েছিল।—এই অবাধ্য অবুঝ তরুণী সে কি উদ্দাম উচ্ছ্বল আমার পিছু পিছু ছুটছে। আমি বাইরে বেরোলেই দেখতে পাই, সে একটা মস্ত আরবী ঘোড়ায় চড়ে ফোরাতের কিনারে কিনারে আনবী গজল গেয়ে বেড়াচ্ছে! সে স্বরের গিট্কারী কত তীব্র—কি তীক্ষ্ণ! প্রাণে যেন খেদং তীব্রের মত এসে বিঁধে!

আমি বললুম, “ছি গুল, একি পাগলামি করছ?”—আমার প্রাণে যে ভালোবাসাই নেই, তা ভালোবাসব কি করে?” সে ত হেনেই অস্থির। মানুষের প্রাণে যে ভালোবাসা নেই, তা সে নতুন গুলে।—আমি বিরক্ত হয়ে বললুম, “আমায় ভালোবাসবার তোমার ত কোন অধিকার নেই গুল!”—সে আমার হাতটা তার কচি কিশলয়ের মত কম্পিত ওঠপুটে ছুঁইয়ে আর মুখটা পাকা বেদানার চেয়েও লাল করে’ বললে, “অধিকার না থাকলে আমি ভালোবাসছি কি করে’ হাদিন্?”—এ সরল যুক্তির পরে কি আর কোন কথা খাটে?

( ঘ )

আজিজিয়া।—

কি মুন্সিল! কোথায় কারবালা আর কোথায় আজিজিয়া! আর সে কতদিন পরেই না এখানে এসেছি!.....তবু গুল এখানে এল কি করে?

শুন্ছি এদেশের সুন্দরীরা এমনি মুক্ত স্বাধীন আবার এমনি একগুঁয়ে। একবার যাকে ভালোবাসে, তা'কে আর চিরজীবনেও ভোলে না।—এদের এ সত্যিকারের ভালোবাসা! এ উদাম ভালো-বাসায় মিথ্যা নেই, প্রতারণা নেই।—কিন্তু আমি ত এ “সাপে-নেড়ুলে” ভালোবাসায় বিল্কুল রাজি নই!—তা হ'লে আমার এ রিক্ততার অহঙ্কারের মাথা কাটা যাবে যে!.....

কা'ল যখন গুল্ আমার পাশ দিয়ে ঘোড়াটা ছুটিয়ে চলে গেল, তখন তার ‘নরগেস্’ ফুলের মত টানা চোখ ছুটোয় কি একটা ব্যথা-কাতর মিনতি কেঁপে কেঁপে উঠছিল? তার সেই চকিত চাওবার মৌনভাষা ঘেন কেঁদে কেঁদে কয়ে গেল, “বহঃ দাগা দিয়া তু বেরহম্!”.....

আমি আবার বল্লুম, “আমি যে মুক্ত, আমায বাঁবতে পারবে না!.....আমি যে রিক্ত, আমি তোমায কি দিব?” সে তা'র কিরোজ্জা রঙ'এর উড়ানিটা দিয়ে আমার হাতহুটো এক নিমেষে বেঁধে ফেলে' বল্লে “এই ত বেঁধেছি!.....আর তুমি রিক্ত বল্ছ হাসিন্? তা হোক্, আমার কুস্তভরা ভালোবাসা হ'তে না হয় খানিক জেলে দিয়ে তোমার রিক্ত চিত্ত পূর্ণ করে' দোবো!”

আমি বল্ছি, ‘না—না’,—সে তত ইস্ছে আর বল্ছে, ‘মিথ্যক্, মিথ্যক্, বেরহম্!’

সতিহই ত, একি নতুন উন্মাদনা জাগিয়ে দিচ্ছ প্রাণে গুল্! কেন আমার শুষ্ক প্রাণকে মুঞ্জরিত করে' তুল্ছ—নাঃ, এখান হতেও সবে পড়্তে হবে দেখছি।—আমার কি একটা কথা মনে পড়্ছে “সকল গরব হায়, নিমেষে টুটে যায়, সলিল বয়ে যায় নয়নে!”

ওরে আকাশের মুক্ত পাখী, ওরে মুঞ্চ বিহগী! একি শিক্িলি

## রিস্কের বেদন

পরতে চাচ্ছি। তা তুই এখন কিছুতেই বুঝতে পারছিসনে — এড়িয়ে চল — এড়িয়ে চল সোণার শিকল... ‘মাঝস মরে মিঠাতে, পাখী মরে আঠাতে!’

\* \* \* \* \*

কুতল-আমরা।—

(শেষ বসন্তের নিশীথ রাত্রি) —

আঃ, খোদা! কেমন করে তুমি এমন দু’ দুটো আসন্ন বন্ধন হ’তে আমায় মুক্তি দিলে, তাই ভাবছি আর অবিশ্রান্ত অশ্রু এসে আমাকে বিচলিত করে তুলছে! এ মুক্তির আনন্দটা বড় নিবিড় বেদনায় ভরা! রিস্কের বেদন আমার মত এমনি বাঁধা আর ছাড়ার ছটানার মধ্যে না পড়লে কেউ বুঝতে পারবে না।.....হাঁ, এই সঙ্গে একটা নীরস হাসির বেগ কিছুতেই যেন সামলাতে পারছিনে এই দুটো ব্যর্থ-বন্ধনের নিষ্ঠুর কঠিন পরিণাম দেখে। তাই এই নিশীথে একটা পৈশাচিক হাঁসি হেসে গাইছি, “নিষ্ঠুর, এই করেছ ভালো! এমনি করে হৃদয়ে মোর ভীত দাহন জ্বালো! এই করেছ ভালো।” কি হয়েছে, তাই বলছি।—

সেদিন চিঠি পেলুম, শহিদার, আমার গোপন ঙ্গপিতার বিয়ে হয়ে গেছে,—সে স্বখী হয়েছে!...মনে হ’ল, যেন এক বন্ধন হ’তে মুক্তি পেলেম।—না, না, আর অসত্য বলব না আমার সেই সময় কেমন একটা হিংসা আর অভিমানে সারা বুক যেন আলোড়িত হয়ে উঠেছিল, তাই এই ক’দিন ধরে বড় হিংস্রের মতই ছুটে বেড়িয়েছি, কিন্তু শান্তি

পাইনি! এই আমাদের রক্তমাংসময় শরীর আর তারই ভিতরকার মনটা নিয়ে যতটা অহঙ্কার করি, বাইরে তার কতটুকু টিকে?—যেমন মনটাকে পিটিয়ে পিটিয়ে এক নিমেষের জন্ত ছরস্ত ক'রে রাখি, অমনি মনে হয় 'এই ত এক মস্ত দরবেশ হয়ে পড়েছি!' তারপরেই আবার কখন কোন ক্ষণে বে মনের মাঝে ক্ষুধিত বাসনা হাহাকার ক্রন্দন জুড়ে দেয়, তা আর ভেবেই পাই না। আবার, পেলেও সেটাকে মিথ্যা দিয়ে ঢাকতে চাই!—হায়রে মাহুষ! বুঝি বা এই বন্ধনেই সত্যিকার মুক্তি রয়েছে! কে জানে?.....ভুলে' যাও অভাগিনী শহিদা, ভুলে যাও—সকল অতীত, সব স্মৃতির বেদনা, সব গোপন আকাঙ্ক্ষা সব কিছু। সমাজের চারিদিক অন্ধকার খাঁচায় বন্দিনী থেকে' কেন হতভাগিনী তোমরা এমন করে' অ-পাওয়াকে পেতে চাও? কেন তোমাদের মুখ অবোধ হিয়া এমন করে' তারই পায়ে সব ঢেলে' দেয়, যাকে সে কখখনো পাবে না? তবে কেন এ অন্ধ কামনা?.....বিশ্বের গোপনতম অন্তরে অন্তরে তোমাদের এই ব্যর্থপ্রেমের বেদনা-ধারা ফল্গুনীর মত বয়ে যাচ্ছে, প্রাণপণে এই মুচ ভালোবাসাকে রাখতে গিয়ে তোমার হৃদয় ফেটে' চৌচির হয়ে যাচ্ছে আর সেই বিদীর্ণ হৃদয়ের খুনে সমাজের আবরণ লালে লাল হয়ে গেছে তবু সে তোমাদের এই আপনি-ভালো-বাসার, পূর্বরাগের প্রশ্রয় দেয়নি। তাই আজও পাথরের দেবতার মত বিশাল দণ্ডহস্তে সে তোমাদের সতর্ক পাহারা দিচ্ছে!

ভুলে যাও শহিদা, ভুলে যাও, নতুনের আনন্দে পুরাতন ভুলে' যাও! তোমাদের কোন ব্যক্তিত্বকে ভালোবাসবার অধিকার নেই, জোর করে' স্বামীত্বকে ভালোবাসতে হবেই!.....

আঃ, আজ কৃষ্ণপক্ষের প্রতিপদের চাঁদের ম্লান রশ্মি পাতলা মেঘের

## রিক্তের বেদন

বসন ছিঁড়ে কি মলিন করণ হয়ে ঝরুছে!—গত নিশির কথাটা মনে পড়ছে আর গুরুব্যাথায় নিজেই কেঁপে কেঁপে উঠছি!—

কাল রাত্তিরে এমনি সময়ে যখন এখানকার সাস্ত্রীদের অধিনায়করূপে রিভল্‌বার-হাতে চারিদিক পর্যবেক্ষণ করে বেড়াচ্ছি, তখন সুনলুম, পেছনের সাস্ত্রী একবার গুরুগম্ভীর আওয়াজে ‘চ্যালেঞ্জ’ করলে, “হন্ট, হু কামস্ দেয়ার?” আর একবার সে জোরে বললে, “কোন হায়? খাড়া রহো হিলো মৎ!—মাগো।—উঃ!” তারপর আর কোন আওয়াজ পাওয়া গেল না। শুধু একটা অব্যক্ত গোঙানি হাওয়ায় ভেসে এল! আমি উর্দ্ধ্বাসে ছুটে গিয়ে দেখলুম, লাল পোষাক পরা একটি আরব রমণী সাস্ত্রীর রাইফল্‌টা নিয়ে ছুটছে আর সাস্ত্রীর হিমদেহ নিস্পন্দ হয়ে পড়ে রয়েছে। আমার আর বুঝতে বাকী থাকল না কেন এতদিন ধরে’ আমাদের রাইফল্‌ চুরি যাচ্ছে আর সাস্ত্রী মারা পড়ছে! ওঃ কি দুর্ভিক্ষ-সাহসী এই বেহুইন রমণীরা! আমি পলকে স্থির হয়ে রমণীকে লক্ষ্য করে গুলি ছাড়লুম, তার গায়ে লাগল না। আর একটা গুলি ছাড়তেই বোধ হয় নিজের বিপদ ভেবেই সে সহসা আমার দিকে মুখ ফিরে দাঁড়াল, তার বিদ্রাঘেণে পাকা সিপাইএর মত রাইফল্‌টা কাঁধে করে নিয়ে আমার দিকে লক্ষ্য করল; খট করে “বোর্ট” বন্ধ করার শব্দ হ’ল, তারপর কিজানি-কেন হঠাৎ সে রাইফল্‌টা দূরে ছুড়ে দিয়ে কাঁপতে কাঁপতে বসে পড়ল!—আত্মরক্ষার্থে আমি ততক্ষণ “বোর্ট” বন্ধ করার সঙ্গে সঙ্গেই উপুড় হ’য়ে শুয়ে পড়েছিলুম। এই স্বযোগে এক লাফে রিভল্‌ভারটা নিয়ে দাঁড়িয়ে পড়তেই যা’ দেখলুম, তাতে আমারও হাতের রিভল্‌ভারটা এক পলকে খসে পড়ল।—তখন তা’র মুখের বোরকা খসে’ পড়েছে আর মেঘ ছিঁড়ে

## রিস্কের বেদন

পূর্ণিমা-শশীর পূর্ণ খেত জোছনা তার চোখে মুখে যেন নিঃশেষিত হয়ে পড়েছে! আমি স্পষ্ট দেখলুম, জাহ্নু পেতে বসে' বেড়ইন যুবতী গুল্। তার বিস্ময়চকিত চাউনী ছাপিয়ে জ্যোৎস্নার চেয়েও উজ্জ্বল অশ্রুবিদ্ধ গড়িয়ে পড়ছে! একটা বেদনাতুর আনন্দের আতিশয্যে সে থর থর করে কাঁপছিল। তার প্রাণের ভাষা তারই ঐ অশ্রুর আখরে যেন আঁকা যাচ্ছিল, “এতদিনে এমন করে দেখা দিলে নিষ্ঠুর! ছি, এত কাঁদানো কি ভালো।” পাথর কেটে সে কে যেন আমার চোখে অনেক দিন পরে দুর্ফোটা অশ্রু এনে দিল!

এ কি পরীক্ষায় ফেললে খোদা? আমার এ বিস্ময়মুগ্ধ ভাব কেটে যাবার পরই মনে হ'ল, কি করা উচিত? ভয় হ'ল আজ বুঝি সব সংযম, ত্যাগ-সাধনা এই মুগ্ধা তরুণীর চোখের জলে ভেসে যায়! —আবার এই সঙ্গে মনে পড়ল শহিদার কথা, এমনি একটি কচি অশ্রুস্নাত মুখ!.....

সমস্ত কুতল—আমরার মরুভূমি আর পাহাড়ের বৃকে দোল খাইয়ে কার জলদম্ভ্র আওয়াজ ছুটে এল, সেনানী—ছশিয়ার!

আবার আমি যেন দেখতে পেলুম, আশীষ-বারি মঙ্গল ঝারি আর অশ্রু সমুজ্জ্বল বিজয়মালা হস্তে বাংলা আমাদের দিকে আশা-উত্তেজিত দৃষ্টিতে চেয়ে রয়েছে!—প্রেমের চরণে কর্তব্যের বলিদান দেব? না, না কখখনো না!

আপ্না আপ্নি আমার কঠিন মুখ দিয়ে বেরিয়ে এল, ‘খোদা হৃদয়ে বল দাও! বাহুতে শক্তি দাও! আর কর্তব্যবুদ্ধি উবুদ্ধ কর প্রাণের শিরায় শিরায়!’.....

নিমেষে আমার সমস্ত রক্ত উষ্ণ হয়ে ভীমতেজে নেচে উঠল। আর

## রিক্তের বেদন

সঙ্গে সঙ্গে বজ্রমুষ্টিতে পিস্তলটা সোজা করে ধরলুম। সমস্ত স্তব্ধ প্রকৃতির বৃকে বাজপড়ার মত কড়্-কড়্-করে' কার হুকুম এল, 'গুলী করে!'

ক্রম্! ক্রম্!! ক্রম্!!!.....একটা যন্ত্রণা-কাতর কাৎরানি—“আম্মা!  
—মাঃ!! আঃ!!”...

তাপরেই সব শেষ।

\* \* \* \*

তারপরেই আমি আত্মবিশ্বত হ'য়ে পড়লুম!.....ছুটে গিয়ে গুলের এলিয়ে-পড়া দেহলতা আমার চিরতৃষিত অতৃপ্ত বৃকে বিপুল বলে চেপে ধরলুম! তারপর তার বেদনাফুরিত ওষ্ঠপুটে আমার পিপাসী ওষ্ঠ নিবিড়ভাবে সংলগ্ন ক'রে আর্ন্ত-কণ্ঠে ডাকলুম 'গুল্—গুল্, গুল্!'—প্রবল একটা জলো-হাওয়ার নাড়া পেয়ে শিউলি ঝরে পড়ার মত শুধু একরাশ্-বরা অশ্রু তা'র আমার মুখে বৃকে ঝাঁপিয়ে পড়্।

অবশ অলস তা'র ভুজলতা দিয়ে বড় কষ্টে সে আমার কণ্ঠ বেষ্টন ক'রে ধব্লে তারপর আরো কাছে—আরো কাছে সংলগ্ন হয়ে নিসাড় নিষ্পন্দ হয়ে পড়ে রইল!...মেঘের কোলে লুকিয়ে-পড়া চাঁদের পান্দে জ্যেৎশ্না তার ব্যথা-কাতর শুষ্ক মুখের সে কি একটা স্নিগ্ধ করুণ মহিমশ্রী ফুটিয়ে তুলেছিল!...সেই অকরুণ স্মৃতিটাই বুঝি আমার ভাবী জীবনের সম্বল, বাকী পথের পাথেয়!...অনেকক্ষণ পরে সে আন্তে চোখ খুলে আমার মুখের পানে চেয়েই চোখ বৃজে বললে “এই “আশেকের” হাতে “মাশুকের” মরণ বড় বাঞ্ছনীয় আর মধুর, নয় হাসিন্? আমি শুধু পাথরের মত বসে' রইলুম। আর তার মুখে এক



টুকুরা মলিন হাসি কেঁপে কেঁপে মিলিয়ে গেল! শেষের সে তৃপ্ত হাসি তার ঠোঁটে আর ফুটল না শুধু একটা ভূমিকম্পের মত কিসের ব্যাকুল শিহরণ সঞ্চরণ করে' গেল!...তার বৃকের লোহতে আর আমার আঁখের আঁশতে এক হয়ে বয়ে যাচ্ছিল! সে তখনও আমার নিবিড় নিষ্পেষণে আঁকড়ে ধরে' ছিল আর তা'র চোখে মুখে চিরবাহিত তৃপ্তির স্নিগ্ধ শাস্ত্রী ফুটে উঠেছিল।—এই কি সে চাচ্ছিল? তবে এই কি তার নারী জীবনের সার্থকতা?.....আর একবার—আর একবার—তার মৃত্যু-শীতল ওষ্ঠপুটে আমার শুষ্ক অধরোষ্ঠ প্রাণপণে নিষ্পেষিত করে' হুমড়ি পড়ে' ডাক দিলুম,—‘গুল, গুল, গুল! বাতাসে আহত একটা কঠোর বিদ্রূপ আমায় মুখ ভেংচিয়ে গেল, ‘ভুল—ভুল—ভুল!’

আবার সমস্ত মেঘ ছিন্ন করে চাঁদের আলোর যেন ‘কিং’ ফুটছিল। গুলের নিরুন্ন দেহটা সমেত আমি মূচ্ছিত হয়ে পড়েছিলুম, এমন সময় বিপুল ঝঞ্ঝার মত এসে এক প্রৌড়া বেহুইন মহিলা আমার বক্ষ হ'তে গুল্কে ছিনিয়ে নিলে এবং উন্মাদিনীর মত ডাক ছেড়ে কেঁদে উঠল, ‘গুল্—আম্মা,—গুল্!’

\* \* \* \*

প্রৌড়া তার মৃত্যু কণ্ঠকে বৃকে চেপে ধরে আর একবার আর্তনাদ করে' উঠতেই আমি তার কোলে মূচ্ছাতুরের মত ঝাঁপিয়ে পড়ে ডাকলুম, “আম্মা—আম্মা!” মা'র মত গভীর স্নেহে আমার ললাট চুঘন করে প্রৌড়া কেঁদে উঠল, ‘ফরজন্দ—ফরজন্দ!’ কাবেরী জলপ্রপাতের চেয়েও উদ্দাম একটা অশ্রুশ্রোত আমার মাথায় ঝ'রে পড়ল।...

আঃ, কত নিদারুণ সে কণ্ঠাহীনা মার কান্না!

\* \* \* \*

## বিস্তের বেদন

আমি আবার প্রাণপণে গা বেড়ে উঠে কাংরে উঠলুম, “আম্মা—  
আম্মা—মা”!—একটা রুদ্ধ কণ্ঠের চাপা কান্নার প্রতিধ্বনি পাগল  
হাওয়ায় ব’য়ে আনলে—‘ফরজন্দ!.....’

অনেক দূরে.. পাহাড়ের ওপার হ’তে, সে কোন্ শোকাতুরা  
মাতার কাঁদনের রেশ্ ভেসে আসছিল, ‘আহ্—আহ্ আহ্!’... আরবী  
ঘোড়ার উর্দ্ধ্বাসে ছোট্টার পাষণে আহত শব্দ শোনা গেল—খট্ খট্  
খট্!!!

( ৩ )

করাচি।—

( মেঘমান সন্ধ্যা,—সাগর বেলা )—

আমি আজ কান্দাল না রাজাধিরাজ? বন্দী না মুক্ত? পূর্ণ না  
বিস্ত...

একা এই ম্লান মৌন আরব সাগরের বিজন বেলায় বসে’ তাই  
ভাবছি আর ভাবছি। আর আমার মাথার ওপর মুক্ত অকাশ  
বেয়ে মাঝে মাঝে বৃষ্টি ঝরছে—রিম্ ঝিম্ ঝিম্।

---

বাউগেলের আত্মকাহিনী

---



# বাউশেলের আত্মকাহিনী

( ক )

[ বাঙ্গালী পন্টনের একটি বওয়াটে যুবক আমার কাছে তাহার কাহিনী বলিয়াছিল নেশার ঝাঁকে : নীচে তাহাই লেখা হইল। সে বোগদাদে গিয়া মারা পড়ে।—]

“কি ভায়া! নিতান্তই ছাড়বে না? একদম এঁটেল মাটির মত লেগে থাকবে? আরে, ছোঃ! তুমি যে দেখছি চিটে গুড়ের চেয়েও চাম্‌চিটেল! তুমি যদিও হচ্ছ আমার এক প্লাসের ইয়ার, তবুও সত্যি বলতে কি, আমার সে সব কথাগুলো বলতে কেমন যেন একটা অস্বস্তি বোধ হয়। কারণ খোদা আমায় পয়দা করবার সময় মস্ত একটা গলদ করে বসেছিলেন, কেন না চামড়াটা আমার ক’রে দিলেন হাতীর চেয়েও পুরু, আর প্রাণটা করে দিলেন কাদার চেয়েও নরম! আর কাজেই দু’ চার জন মজুর লাগিয়ে আমার এই চামড়ায় মুণ্ডর বসালেও আমি গোঁপে তা দিয়ে বলব, “কুচ্পরওয়া নেই”, কিন্তু আমার এই ‘নাজোক্’ জানটায় একটু আঁচড় লাগলেই ছোট্ট মেয়ের মত চৈচিয়ে উঠবো! তোমার ‘বিরানী দশ আনা’ ওজনের কিলগুলো আমার এই স্থূল চর্মে স্নেফ্ আরাম দেওয়া ভিন্ন আর কোনো ফলোৎপাদন করতে পারে না, কিন্তু যখনই পাকড়ে বস, “ভাই তোমার সকল কথা খুলে বলতে হবে,” তখন আমার অন্তরাঙ্গা ধুকধুক ক’রে ওঠে,—পৃথিবী

## রিক্তের বেদন

ঘোরার ভৌগলিক সত্যটা তখন হাড়ে হাড়ে অনুভব করি। চক্ষেও যে সর্ষপ পুষ্প প্রস্ফুটিত হ'তে পারে বা জোনাকী পোকা জলে' উঠতে পারে' তা আমার মত এই রকম শোচনীয় অবস্থায় পড়লে তুমিও অস্বীকার করবে না।

( ধ )

“ঈ, আমার ছোটকালের কোন কথা বিশেষ ইয়াদ হয় না। আর আবছায়া রকমের একটু একটু মনে পড়লেও তাতে তেমন কোন রস বা রোমান্স ( বৈচিত্র্য ) নেই!—সেই সরকারী রাম-শায়ের, মত পিতা-মাতার অত্যধিক স্নেহ, পড়ালেখায় নবডকা, বুল্বাপ্পুর ডাণ্ডাগুলি খেলায়, দ্বিতীয় নাস্তি, দুষ্টামি-নষ্টামিতে নন্দদুলাল কৃষ্ণের তদানীন্তন অবতার, আর ছেলেদের দলে অপ্রতিহত প্রভাবে আলেকজাণ্ডার-দি-গ্রেটের ক্ষুদ্র সংস্করণ! আমার অনুগ্রহে ও নিগ্রহে গ্রামের আবাল-বৃদ্ধ-বৃন্দিতা বিশেষ খোশ ছিলেন কি না, তা আমি কারুর মাথায় হাত দিয়ে বলতে পারি না; তবে সকলেই আমার পরমার্থ কল্যাণের জন্ত যে সকাল সন্ধ্যা প্রার্থনা করত সেটা আমার তীক্ষ্ণ শ্রবণেন্দ্রিয় নাওয়াকেফ্ ছিল না। একটা প্রবাদ আছে, “উৎপাত করলেই চিৎপাত হ'তে হয়।” স্মতরাং এটা বলাই বাহুল্য যে, আমার পক্ষেও উক্ত মহাবাক্যটির ব্যতিক্রম হয় নি, বরং ও কথাটা ভয়ানক ভাবেই আমার উপর খেটে-ছিল; কারণ ঘটনাচক্রে যখন আমি আমার জননীর কক্ষচ্যুত হয়ে সংসারের কর্ণবহুল ফুটপাতে চিৎপাত হ'য়ে পপাত হলাম, তখন কত শত কর্ণবাস্তু সবুট-ঠ্যাং যে অহম-বেচারার ব্যথিত পাজরের উপর দিয়ে চলে' গেল, তার হিসেব রাখতে শুভকর দাদাও হার মেনে যায়।—থাক,

আমার সে সব নীরস কথা আউড়িয়ে তোমার আর পিত্তি জ্বালাব না ।  
স্বনবে মজা ?

একদিন পাঠশালায় বসে' আমি বন্ধিমবাবুর মুচিরাম গুড়ের অহুকরণে  
ছেলেদের মজলিস্ সর-গরম করে' আবৃত্তি কর্ছিলুম, "মাননীয় রাধে !  
একবার বদন তুলে গুড়ুক খাও !" এতে শ্রীমতী রাধার মানভঙ্গন  
হয়েছিল কি না জানবার অবসর পাইনি, কারণ নেপথ্যে ভুজঙ্গ প্রয়াত  
ছন্দে "আরে রে দুর্ভ ত পামর" বলে' হুঙ্কার ক'রে আমার ঘাড়ে এসে  
পড়লেন—সশরীরে আমাদের আর্কমার্কা পণ্ডিত মশাই ! যবনিকার  
অস্তুরালে যে যাত্রার ভীম মশাইয়ের মত ভীষণ পণ্ডিত মশাই অবস্থান  
কর্ছিলেন, এ নাবালকের একেবারেই জানা ছিল না ।—তার ক্রোধ-বহি  
যে দুর্ভাসার চেয়েও উদ্দীপ্ত হয়ে উঠেছিল তা আমি বিশেষ রকম উপলব্ধি  
করলুম তখন, যখন তিনি একটা প্রকাণ্ড মেঘের মত এসে আমার নাতি-  
দীর্ঘ শ্রবণেন্দ্রিয় ছুটি ধরে' দেওয়ালের সঙ্গে মাথাটার বিষম সংঘর্ষণ আরম্ভ  
করলেন । তখনকার পুরোদস্তুর সংঘর্ষণের ফলে কোন নূতন বৈজ্ঞানিক  
ক্রিয়ার উদ্ভাবন হয়নি সত্য, কিন্তু আমার সর্ব শরীরের 'ইলেকট্রিসিটি'  
যে সাংঘাতিক রকম ছুটাছুটি করেছিল, সেটা অস্বীকার করতে পারব  
না । মা'র খেয়ে খেয়ে ইটপাটকেলের মত আমার এই শক্ত শরীরটা  
যত না কষ্ট অনুভব করেছিল, তাঁর সালঙ্কার গালাগালির তোড়ে তার  
চেয়ে অনেক কষ্ট অনুভব করেছিল আমার মনটা । আদৌ মুখরোচক  
নয় এরূপ কতকগুলো অথাৎ তিনি আমার পিতৃপুরুষের মুখে দিচ্ছিলেন,  
এবং একেবারেই সম্ভব নয় এরূপ কতকগুলো ঘনিষ্ঠ সম্পর্কের দাবী  
আমার কাছে করেছিলেন । তাঁর পাঁচপোয়া পরিমিত চৈতন্য চুটকিটা ভেঙ্ক-  
ছানা-সম শিরোপরি অস্বাভাবিক রকমের লক্ষবাক্ষ প্রদান কর্ছিল ।

## বিস্তের বেদন

সঙ্গে সঙ্গে খুব হাসিও পাচ্ছিল, কারণ 'চৈতন তেরে উঠার' নিগূঢ় অর্থ সেদিন আমি সম্যক্রূপে হৃদয়ঙ্গম করেছিলুম! ক্রমে যখন দেখলুম, তাঁর এ প্রহারের কবিতায় আদৌ যতি বা বিরামের চিহ্ন দেখা যাচ্ছে না, তখন আর বরদাস্ত হ'ল না! জানত, 'পুরুষের রাগ আনাগোনা করে,' আমিও তাই, ঐখানেই একটা হেস্টনেস্ট করে' দেবার অভিপ্রায়ে তাঁর খাঁড়ার মত নাকটায় বেশ মাঝারি গোছের একটা ঘুসি বাগিয়ে দিয়ে বীরের মত সটান স্বগৃহাভিমুখে হাওয়া দিলুম। বাড়ী গিয়েও আমি নিজেকে নিরাপদ মনে করলুম না। তাই পিতৃভয়ে সৈধলাম গিয়ে একেবারে চালের মরাইএ; উদ্দেশ্য, এরূপ নিভৃত স্থান হ'তে কেউ আর সহজে আবিষ্কার করতে পারবেন না—কি জানি কখন কি হয়! খানিক পরে—আমার দেই গুপ্তপুর হ'তেই শুনতে পেলুম, পণ্ডিত মশাই ততক্ষণে সালঙ্কারে আমার জন্মদাতার কাছে প্রাঞ্জল ব্যাখ্যা করে' বুঝাচ্ছিলেন যে, আমার মত দুর্দ্বর্ষ বাউণ্ডেলে ছোকরার লেখা পড়া ত "ক" অক্ষর গোমাংস, তদুপরি গুরুমহাশয়ের নাসিকায় গুরুপ্রহার ও গুরুপত্নীর নিন্দাবাদ অপরাধে আপাততঃ এই দুনিয়াতেই আমাকে লোখুঠুটোর মত চাটু হস্তে মাছি মারতে হ'বে, অর্থাৎ কুষ্ঠব্যাধি হবে, তারপর নরকে যাতে আমার 'স্পেশাল' ( বিশেষ ) শাস্তির বন্দোবস্ত হয়, তার জন্তেও নাকি তিনি ঈশ্বরের কাছে প্রার্থনা করে ঠিকঠাক করতে পারেন! প্রথমতঃ অভিশাপটার ভয়ে একটু বিচলিত হয়ে পড়েছিলুম। গুরুপত্নীর নিন্দাবাদ কথাটা আমি প্রথমে বুঝতে পারিনি, পরে অবগত হলুম, পণ্ডিত মশাইয়ের অর্দ্ধাঙ্গিনীর নামও নাকি শ্রীমতী রাধা,—আর তাঁর এক-আধটু গুড্ডুক খাওয়ারও নাকি অভ্যাস আছে, অবিশ্বি সেটা স্বামী দেবতার অগোচরেই সম্পন্ন



## রিক্তের বেদন

হয়,—আমি নাকি তাই দেখে এসে ছেলেদের কাছে স্বহস্তে গুড়ুক সেজে অভিমানিনী শ্রীমতী রাখার মানভঙ্গনার্থ করুণ মর্মস্পর্শী স্বরে উপরোধ করছিলুম,—“মানময়ী রাধে একবার তুলে গুড়ুক খাও”— আর পণ্ডিত মশাই অভ্যুরালে থেকে সব শুনছিলেন।—আমার আর বরদাস্ত হলো না, চালের মরাইএ থেকেই উস্খুস করতে লাগলুম, ইতিমধ্যে গরমেও আমি রীতিমত গলদঘর্ম হয়ে উঠেছিলুম। আমি মোটেই জানতুম না পণ্ডিত মশাইয়ের গিন্নীর নাম শ্রীমতী রাখা—আর তিনি বে গুড়ুক খান্ তা ত বিল্কুলই জানতুম না। কাজেই এতগুলো সত্যের অপলাপে আমি আর মাথা ঠিক রাখতে পারলুম না, তুড়ুক করে চালের মরাই হ’তে পিতৃসমীপে লাফিয়ে পড়ে’, আমার নিদোষিতা প্রমাণ করবার জন্য অশ্রু গদগদ-কণ্ঠে অকাট্য যুক্তি প্রমাণ প্রয়োগ ক’রতে লাগলুম, কিন্তু ততক্ষণ ক্রোধাক্ষ পিতা আমার আপিল অগ্রাহ্য ক’রে ঘোড়ার গোগালচির মত আমার সামনের লম্বা চুলগুলো ধরে দমাদম প্রহার জুড়ে দিলেন। বাস্তবিক সে রকম প্রহার আমি জীবনে আশা করিনি।—চপেটাঘাত, মুঠাঘাত, পদাঘাত ইত্যাদি চারহাত পায়ের যত রকম আঘাত আজ পর্যন্ত আবিষ্কৃত হয়েছে, সব যেন রবিবাবুর গানের ভাষায় “শ্রাবণের ধারার মত” পড়তে লাগল আমার মুখের ‘পরে—পিঠের ‘পরে। সেদিনকার পিটুনি খেয়ে আমার পৃষ্ঠদেশ বেশ বুঝতে পেরেছিল যে তার “পিঠ” নাম সার্থক হয়েছে! একেই আমাদের ভাষায় বলে, “পেদিয়ে বৃন্দাবন দেখিয়ে দেওয়া।” বৃন্দাবন না দেখি তার পরদিনই কিন্তু বাবা আমায় বর্দ্ধমান এনে ‘নিউস্কুলে’ ভর্তি করে দিলেন! কি করি আমি নাচারের মত সব সহ্য করতে লাগলুম—কথায় বলে “ধরে, মারে না, সয় ভাল।”

( গ )

“প্রথম প্রথম সহরে এসে আমার মত পাড়াগেঁয়ে গোঁয়ারকে বিষম বিব্রত হয়ে উঠতে হ’য়েছিল, বিশেষ ক’রে সহরে ছোকরাদের দৌরত্তিতে । সে ব্যাটারা পাড়াগেঁয়ে ছেলেগুলোকে যেন ইঁদুর-প্যাঁচার মত পেয়ে বসে । যা হোক অল্পদিনেই আমি সহরে কায়দায় কেতাভূরস্ত হয়ে উঠলুম । ক্রমে ‘অহম’ পাড়াগেঁয়ে ভূতই আবার তাদের দলের একজন হুমরো চুম্বরো ওস্তাদ ছোকরা হয়ে পড়ল । সেই—আগেকার পগেয়া—খচ্চর ছেলেগুলোই এখন আমায় বেশ একটু সমীহ করে’চলতে লাগলো । —বাবা, এ শর্মার কাছে বেঁড়ে-ওস্তাদি, এ ছেলে হচ্ছে অষ্টধাতু দিয়ে তৈরী ! দেখতে দেখতে পড়ালেখায় যত না উন্নতি করলুম, তার’ চেয়ে বহুল পরিমাণে উন্নতি করলুম রাজ্যের যত দুষ্টোমীর গবেষণায় । তখন আমায় দেখলে বর্দ্ধমানের মত পবিত্র স্থানও তটস্থ হয়ে উঠত । ক্রমে আমাদের মস্ত একটা দল পেকে উঠল । পুলিশের ঘাড়ে দিনকতক এগার-ইঞ্চি ঝাড়তেই তারা আমাদের সঙ্গে গুপ্ত সন্ধি করে ফেললে । এইরূপে ক্রমেই আমি নিচুদিকে গড়িয়ে যেতে লাগলুম—তাই ব’লে যে আমাদের দিয়ে কোন ভাল কাজ হয়নি, তা বলতে পারবে না । মিশন, কুষ্ঠরোগ, দুর্ভিক্ষ প্রভৃতিতে আমাদের এই বগুয়াটে ছেলেদের দল যা করেছে তার শতাংশের একাংশও করে উঠতে পারেনি ঐ গোবেচারী নিরীহ ছাত্রের দল । তারা আমাদের মত অমন অদম্য উৎসাহ ক্ষমতা পাবে কোথায় ? তারা শুধু বইএর পোকা । বর্দ্ধমান যখন ডুবে যায়, তখন আমরাই সহরের সিকি লোককে বাঁচিয়েছিলুম, সে সময় আমাদের দলের অনেকে নিজের জীবন উৎসর্গ করে, আর্ন্তের

জীবন রক্ষা করেছিল। কনফারেন্সের সভা-সমিতির চাঁদা আদায়ের প্রধান উদ্যোগ আয়োজনের প্রধান পাণ্ডা ছিলুম আমরা। আমাদেরই চেপ্টায় ‘স্পোর্টস’, ‘জিমনাস্টিক’, ‘দার্কাস’, ‘থিয়েটার’, ‘ক্লাব’ প্রভৃতির আড্ডাগুলির অস্তিত্ব অনেক দিন ধরে লোপ পায়নি।

পিতার অবস্থা খুব সচ্ছল না হলেও মাসহারাটা ঠিক রকমেই পাঠাতেন। তিনি ত আর আমার এতদূর উন্নতির আশা করেন নি, আর এত খবরও রাখতেন না। কারণ কোন ক্লাশে আমার ‘প্রমোশন’ ষ্টপ্ হয় নি। বহু গবেষণার ফলেও হেডমাষ্টার মহাশয় আবিষ্কার করতে পারেন নি—আমার মত বওয়ালে ছেলেরা কি করে পাসের নম্বর রাখে—ভায়া, ঐ খানেই ত geniusএর (প্রতিভার) পরিচয়!—“চুরি বিত্তা বড় বিত্তা যদি না পড়ে ধরা।” পরীক্ষার সময় চার পাঁচ জোড়া অল্পনিকিৎস দৃষ্টি আমার পেছনে লেগে থাকতই, কিন্তু ব্রহ্মা, বিষ্ণু, মহেশ্বর যার কূল কিনারা পান না, তাকে ধরবেন ‘পদার ভাই গৌরীশঙ্কর!’ তা ছাড়া খালি চুরি বিত্তায় কি চলে? এতে অনেক মাথা ঘামাতে হয়। পরীক্ষকের ঘর হ’তে তার ছেলে বা অল্প কোন ক্ষুদ্র আত্মীয়ের থু দিয়ে রক্ত চক্রের বিনিময়ে খাতাটি বেমানুম বদলে কেলা, প্রেম হ’তে প্রণ চুরি, প্রভৃতি অনেক বুদ্ধিই এ শর্মার আয়ত্ত ছিল। সে সব শুনলে তোমার চক্ষু চড়কগাছ হয়ে উঠবে!—যা হোক, এই রকমেই ‘যেন তেন প্রকারেণ’ খার্ডক্লাশের চোকাঠে পা দিলুম গিয়ে।

বাড়ী খুব কম যেতুম, কারণ পাড়ারগা তখন আর ভাল লাগত না। পিতাও বাড়ী না গেলে দুঃখিত হতেন না, কারণ তাঁর বিশ্বাস ছিল, আমি এইবার একটা কিছু না হয়ে যাই না। আমাদের গ্রামের কুলে আমিই

## রিক্তের বেদন

পড়তে এসেছিলুম ইংরেজী স্কুলে, তার উপর আমি নাকি পাসগুলো পশ্চীরাজ ঘোড়ার মত তড়াত্তর ডিঙ্গিয়ে যাচ্ছিলুম! কেবল একজনের আঁখি দুটা সর্কদাই আমার পথপানে চেয়ে থাকত, তিনি আমার স্নেহময়ী জননী! মায়ের মন ত অত শত বোঝে না, তাই দুমাস বাড়ী না গেলেই মা কেঁদে আকুল হোতেন। সংসারে মার কাছ ভিন্ন আর কারুর কাছে একটু স্নেহ আদর পাইনি! ছুট বদমায়েস ছেলে বলে' আমায় যখন সকলেই মারত ধম্‌কাত, তখন মা'ই কেবল আমায় বুকে করে সাঙ্ঘনা দিতেন। আমার এই ছুটোমিটাই যেন তাঁর সব চেয়ে ভাল লাগত। আমার পিঠে প্রহারের দাগগুলোয় তেল মালিশ করে দিতে দিতে কতদিন তাঁর চোখ দিয়ে অশ্রু নদী বয়ে গেছে।

যখন থার্ড ক্লাশে উঠলুম, তখন বোধ হয় মায়ের জিদেই বাবা আমায় চতুষ্পদ করে' ফেললেন, অর্থাৎ বিয়ে দিলেন। আমি 'কটিদেশ বন্ধন পূর্বক' নানা ওজর আপত্তি দেখাতে লাগলুম, কিন্তু মায়ের আদালতে ও তাঁর অশ্রুজলের ওকালতিতে আমার সমস্ত ওজর বাতিল ও নামাজুর হয়ে গেল। কি করি, যখন শুভদৃষ্টি হয়ে গেল, তখন ত আর কথাই নাই! তা ছাড়া, কনে'টি মন্দ ছিল না, আজকালকার বাজারে পাড়ারগায়ে ও-রকম কনে' শ'য়ে একটি মেলে না। বয়সও বার তের হয়েছিল। ঐ বার তের বছরের কিশোরীটিকেই মা নাকি সোমথ মেয়ে দেখে বউ করবার জন্মে উঠে পড়ে লেগেছিলেন। আমারও বয়স তখন উনিশের কাছাকাছি, এতেই নাকি মেয়েমহলে মাকে কত কথা শুনতে হোত। প্রথম প্রথম কনে' বৌ একটি পুঁটুলিরই মত জড়সড় হয়ে তার নির্দিষ্ট একটি কোণে চূপ করে' বসে থাকত। নব-বধূদের নাকি চোখ তেড়ে চাইতে নেই, তাই সে প্রায়ই চোখ বুঁজে

থাকত। কিন্তু অনবরত চোখ বুজ থাকাক, সেও এক বীভৎস ব্যাপার, তাই সে দু-একবার অগ্নের অলক্ষ্যে ভয়-চকিত দৃষ্টিতে চারিদিকে তাকিয়ে নিত, যদি এই বেহায়াপনা কেউ দেখে ফেলে, তা' হলেই মহাভারত অশুদ্ধ আর কি! আমাকে দেখলে ত আর কখাই নেই নিজেকে কাছিমের মত তৎক্ষণাৎ সাড়ী ওড়না প্রভৃতির ভিতর ছাপিয়ে ফেলতো। তখন একজন প্রকাণ্ড অহুসন্ধিংস্র লোকের পক্ষেও বলা দুঃসাধ্য হয়ে উঠতো, গুটা মাহুঘ, না কাপড়ের একটা বোঁচকা! তবে এটা আমার দৃষ্টি এড়াত না যে আমি অগ্নিকে চাইলেই সে তার বেনারসী সাড়ীর ভিতর থেকে চুরি করে' আমার দিকে চেয়ে দেখত, কিন্তু আমি তার দিকে চাইতে না চাইতেই সে সটান চোখ দুটোকে বুজে ফেলে গস্তীর হবে বসে' থাকত, যেন আমার দেখবার তার আদৌ গরজ নাই। আমি মুখ টিপে হাসতে হাসতে পালিয়ে এলে বাড়ীময় উঠেঃস্বরে বউয়ের লজ্জাহীনতার কথা প্রকাশ করে' ফেলতুম। না ত হেসেই অস্থির। বলতেন "হাঁরে, তুই কি জনম এই রকম ঝ্যাপাই থাকবি?" আমার ভগ্নিগুলি কিন্তু কিছুতেই ছাড়বার পাত্র নন, তাঁরা বউএর কাছে রীতিমত কৈফিয়ৎ তলব করতেন। সে বেচারির তখনকার বিপদটা ভেবে আমার খুব আনন্দ হোত, আমি হেসে লুটোপুটি যেতুম। যাহোক, এ একটা খেলা মন্দ লাগছিল না। ক্রমে আমি বুঝতে পারলুম, কিশোরী কেনে' আমায় ভালবাসতে আরম্ভ করেছে। আমি কিন্তু পারতপক্ষে তাকে জ্বালাতন করতে ছাড়তুম না। আমার পাগলামীর ভয়ে সে বেচারী আমার সঙ্গে চোখাচোখি হতে পারত না, কিন্তু দরজার ফাঁক দিয়ে সে যে আমার পানে তার পটলচেরা চোখ দুটির ভাসা ভাসা করুণ দৃষ্টি দিয়ে হাজার বার চেয়ে দেখত,

## রিস্কের বেদন

তা আমি স্পষ্টই বুঝতে পারতুম, আর গুণ গুণ স্বরে গান ধরে  
দিতুম—

“সে যে করুণা জাগায় সক্রুণ নয়ানে,  
কেন, কি বলিতে চায়, না বলিয়া যায় সে।”

ক্রমে আমারও ভালবাসা এই ছেলেমির মধ্যে দিয়ে এক আধটু  
করে’ বেরিয়ে পড়তে লাগল। তারপর পরীক্ষা নিকট দেখে শুভাকাঙ্ক্ষী  
পিতা আমার আর বাড়ীতে থাকা নিরাপদ বিবেচনা করলেন না।  
আমি চলে’ আসার দিনে আর জ্যাঠামি দিয়ে হৃদয় লুকিয়ে রাখতে  
পারিনি। হাসতে গিয়ে অশ্রুজলে গাঙস্থল প্লাবিত করেছিলুম। সজল  
নয়নে তার হাত দুটা ধ’রে ব’লেছিলুম “আমার সকল দুষ্টোমি ক্ষমা  
করো লক্ষ্মীটি, আমায় মনে রেখো”। সে মুখ ফুটে কিছু বলতে পারলে  
না, কিন্তু তার ঐ চোখের জলই যে বলে দিলে সে আমায় কত ভালবেসে  
ফেলেছে। আমি ছেড়ে দেবার পর সে বিছানায় উপুড় হয়ে পড়ে’  
অব্যক্ত স্বরে কাঁদতে লাগল। আমি চোখে রুমাল চেপে কোন রকমে  
নিজের দুর্বলতাকে সম্বরণ করে ফেললুম। কে জানত, আমার  
সেই প্রথম সম্ভাষণই শেষ বিদায়-সম্ভাষণ—আমার সেই প্রথম  
চুম্বনই শেষ চুম্বন! কারণ, আর তা’কে দেখতে পাইনি।  
আমি চলে’ আসবার মাস দুই পরেই পিত্রালায়ে সে আমায় চিরজনমের  
মত কাঁদিয়ে চলে’ যায়। প্রথম যখন সংবাদটা পেলুম, তখন আমার  
কিছুতেই বিশ্বাস হ’ল না। এত বড় দুঃখ দিয়ে সে আমার চলে’  
যাবে? আমার এই আহত প্রাণ চীৎকার ক’রে কাঁদতে লাগল,  
‘না গো না, সে মরতেই পারে না! স্বামীকে না জানিয়ে সে এমন  
ক’রে চলে’ যেতেই পারে না। সব শত্রু হ’য়ে তোমার বিরুদ্ধে মিথ্যা কথা

জানিয়েছে।’ আমি পাগলের মত রাবেয়াদের বাড়ী গিয়ে হাজির হলুম। আমায় দেখে তা’দের পুরাণে শোক আবার নূতন করে’ জেগে উঠল। বাড়ীময় এক উচ্চ ক্রন্দনের হাহাকার রোল আমার হৃদয়ে বজ্রের মত এসে বাজল। আমি মূচ্ছিত হ’য়ে পড়লুম।—ওগো, আর তা’র মৌন অশ্রুজল আমার পাষণ বক্ষ সিক্ত করবে না? একটি কথাও যে বলতে পারেনি সে! সে যাবে না, কখনও যাবে না, না। “হায় অভিমানিনি! ফিরে এস! ফিরে এস!”

সে এল না, যখন নিঝুম রাত্তির, কেউ জেগে নেই কেবল একটা ‘ফের’ ফেউ ফেউ চীৎকার করে’ আমার বক্ষের স্পন্দন দ্রুততর ক’রে তুলছিল, তখন একবার তার গোরের উপর গিয়ে উপুড় হয়ে পড়লুম,— “রাবেয়া! প্রিয়তমে! একবার উঠ আমি এসেছি, সকল ছুঁটোমি ছেড়ে এসেছি। আমার সারাবক্ষ জুড়ে যে তোমারই আলেখ্য আঁকা তাই দেখতে এই নিভৃত গোরস্থানে নীরব যামিনীতে একা এসেছি। ওঠ, অভিমানিনি রাবেয়া আমার, কেউ দেখবে না, কেউ জানবে না।” কবর ধ’রে সমস্ত রাত্তির কাঁদলুম, রাবেয়া এল না। আমার চারিদিকে একটা ঘূর্ণিবায়ু হুহু করে কেঁদে ফিরতে লাগল, ছোট্ট শিউলী গাছ থেকে শিরিশসিক্ত ফুলগুলো আমার মাথায় ঝরে পড়তে লাগল। ও আমার রাবেয়ার অশ্রুবিন্দু, না কারুর সাস্বনা? ছ’ একটা ধসে-যাওয়া কবরে দপ্ দপ্ করে আলোয়ার আলো জ্বলে উঠতে লাগল। আমি শিউরে উঠলুম। তখন ভোর হয়ে গেছে। একটা দীর্ঘশ্বাস ফেলে সর্কাক্ষে তার কবরের মাটা মেখে আবার ছুটে এলুম বর্ধমানে। হায়, সে ত চলে গেল, কিন্তু আমার প্রাণে স্মৃতির যে আগুন জ্বলে গেল সে ত আর নিবল না। সে আগুন যে ক্রমেই বেড়ে চলেছে, আমার বুক যে পুড়ে

## রিক্তের বেদন

ছাব্বিয়ার হয়ে গেল। এই প্রাণ-পোড়ানো স্মৃতির আগুন ছাড়া একটা কোন নিদর্শন যে সে রেখে যায় নি, যা'তে করে, আমার প্রাণে এতটুকু সান্ধনা পেতুম।

সেই যে আঘাত পেলুম, তাতেই আমার বৃকের পাজর ভেঙ্গে চূর্ণ করে' দিল। আমি আর উঠতে পারলুম না।

(ঘ)

“দিন যায়, থাকে না। আমারও নীরস দিন গুলো কেটে যেতে লাগল কোন রকমে। ক্রমে ফাষ্টক্লাশে উঠলুম। তখন অনেকটা শুধরেছি। ইতিমধ্যে বর্ধমান “নিউ স্কুল” উঠে যাওয়ায়, তা ছাড়া অল্প জায়গায় গেলে কতকটা প্রকৃতিস্থ হতে পারব আশায়, আমি রাণীগঞ্জে এসে পড়তে লাগলুম। আমাদের ভূতপূর্ব হেড মাষ্টার রাণীগঞ্জের সিয়ারসোল্ রাজ স্কুলের হেড মাষ্টারি পদ পেয়েছিলেন। তাঁর পুরাণো ছাত্র বলে' তিনি আমায় স্নেহের চক্ষে দেখতে লাগলেন, আমিও পড়া লেখায় একটু মন দিলুম। কিন্তু ইতিমধ্যে আর একটা বিল্ডার্ট বেধে গেল, আমার আবার বিয়ে হয়ে গেল! তুমি, শুনে আশ্চর্য হবে, আমি এ বিয়েতে কোন ওজর আপত্তি করিনি। তখন আমার মধ্যে সে উৎসাহ, সে একগুঁয়েমি আর ছিল না। রাবেয়ার মৃত্যুর সঙ্গে আমি যেন একেবারেই পরনির্ভরশীল বালকের মত হয়ে পড়লুম। যে যা বলত তাতে উদাসীনের মত ‘হাঁ’ বলে' দিতুম। কোন জিনিস তলিয়ে বুঝবার বা নিজের স্বাধীন মত প্রকাশ করবার ক্ষমতা যেন তখন আমার আদৌ ছিল না। আমার পাগলামি, হাসি



## রিস্কের বেদন

সব শুকিয়ে কাঠ হয়ে গিয়েছিল। এই সব দেখেই বোধ হয় মা আমার আবার বে' দেবার জগ্গে পাগল হয়ে গিয়েছিলেন। তা ছাড়া আমি আরও ভেবেছিলুম হয়ত এই নবোঢ়াব মধৌই আমার রাবেয়াকে ফিরে পা'ব, আর তা'র স্নেহকোমল স্পর্শ হয়ত আমার বৃকের দারুণ শোক যন্ত্রণার মধ্যে শান্তি আনতে পারবে। কিন্তু হায়! যার জীবন চিরকালই এই রকম বিষাদময় হ'বে ব'লে বিধাতার মন্তব্য বহিতে লিখিত হ'য়ে গেছে, তার 'সবর' ও 'শোকর' ভি 'নাগ্নগতি'। তার কপাল চিরদিনই পড়বে। নববধু সখিনা দেখতে শুন্তে মন্দ নয়, তাই বলে ডানাকাটা পরীও নয়; আর আমার নিজের চেহারার গুণ বিচার না করে' ওরকম একটি পরীর কামনা করাও অছায় ও ধুষ্টতা। গুণও আমার তুলনায় অনেক বেশী, সে সব বিষয়ে কোথাও খুঁৎ ছিল না। আজকালকার ছোকরার নিতান্ত বেহায়ার মত নিজে বৌ পছন্দ ক'রে আনেন। নিজের শরীর যে আবলুস কাঠের চেয়েও কাল বা কেঁদ কাঠের চেয়েও এব্ড়া খেব্ড়া সে দিকে দৃষ্টি নেই, কিন্তু বৌটির হওয়া চাই দস্তুর মত ছুখে আলতার রং, হরিণের মত নয়ন, অন্ততঃ পটলচেরা ত চাই ই, সিংহের মত কটিদেশ, চাঁদের মত মুখ, কোকিলের মত কর্ণস্বর, রাজহংসীর মত গমন; রাতুল চরণ কমল, কারণ মানভঙ্গনের সময় যদি 'দেহি পদবল্লবম্ উদারম্ বলে' তাঁর চরণ ধরে' ধরা দিতে হয়, আর সেই যে চরণ যদি God forbid (খোদা না করেন) গদাধরের পিসীর ঠ্যাংএর মতই শক্ত কাঠপারা হয়, তাহ'লে বেচারী একটা আরাম পাওয়া হ'তে যে বঞ্চিত হয়' আর বেজায় রসভঙ্গও হয়। তৎসঙ্গে আরও কত কি কবি প্রসিদ্ধির চিজবস্ত, সে সময় আমার আর এখন ইয়াদ নেই। এই সব বোকারা ভুলেও ভাবে না যে, মেয়েগুলো

## রিক্তের বেদন

নিতান্ত সতীলক্ষ্মী গোবেচারার জাত হলেও তাদের একটা পছন্দ আছে। তারাও ভাল বর পেতে চায়। আমরা যত সব পুরুষ মানুষ বেজায় স্বার্থপর বলে' তাদের কোন কষ্ট দেখেও দেখিনে। মেয়েদের “বুক ফাটে ত মুখ ফোটে না” ভাব আমি বিলকুল না পছন্দ করি। অন্ততঃ যার সঙ্গে সারা জীবনটা কাটাতে হবে, পরোক্ষেও যদি তার সম্বন্ধে বেচারীরা কিছু বলতে কইতে না পায়, তবে তাহাদের পোড়াকপালী নাম সার্থক হয়েছে বলতে হবে। থাক, আমার মত চুনোপুটির এ সব ছেঁদো কথায় বিজ্ঞ সমাজ কেয়ার ত করবেনই না, অধিকন্তু হয়ত আমার মস্তক লোমশূণ্য করে' তা'তে কোন বিশেষ পদার্থ ঢেলে দিয়ে তাঁদের সীমানার বাইরে তাড়িয়ে দিবেন। অতএব আমি নিজের কথাই বলে যাই।

নব পরিণীতা সখিনার এ সব গুণ থাকা সত্ত্বেও আমি তাকে ভালবাসতে পারলুম না। অনেক ‘রিহাস্ত্রীল’ দিলুম কিছুতেই কিছু হলো না। হৃদয় নিয়ে এ ছিনিমিনি খেলার অভিনয় যেন আর ভাল লাগছিল না। তা ছাড়া তুমি ব'ল্লে হয় ত বিশ্বাস করবে না বাবেয়া যেন আমার হৃদয় জুড়ে রাণীর মত সিংহাসন পেতে বসেছিল সেখানে অন্য কারুর প্রবেশাধিকার ছিল না। একনিষ্ঠ প্রেমে মানুষকে একটা আত্মহারা যদি না করে' ফেলতে তবে ‘কায়েস’ মজলু' হয়ে লায়লীর জন্ম এমন করে বনে, পাহাড়ে ছুটে বেড়াত না, ফরহাদের গুরকম পরিণাম হ'ত না। সখিনা কত ব্যথা পাচ্ছে, বুঝতে পারতুম, কিন্তু হয় বুঝেও কিছু করতে পারতুম না। বিবাহিতা পত্নীর প্রতি কর্তব্যের অবহেলা আমার বৃকে কাঁটার মত বিধ্ব ছিল! মা ক্ষুণ্ণ হ'লেন, বোনেরা বউকেই দোষী সাব্যস্ত ক'রে, তামিল করতে লাগল। কিন্তু

কোথায় কি ফাঁক রয়েছে গেল জানি না, কিছুতেই তার হৃদয়ের সঙ্গে আমার হৃদয়ের মিশ খেল না। সে কেঁদে মাটি ভিজিয়ে দিলে, তবু আমার মন ভিজল না। অল্পশোচনার ও বাক্যজালার যন্ত্রণায় বাড়ী ছেড়ে পালিয়ে এলুম। রাবেয়া আমার বুকে যে আঘাত করে গিয়েছিল, তাই সহিতে পারছিলুম না, তার উপর—খোদা, একি করলুম নিতান্ত অর্কাচীনের মত? এ হতভাগিনীর জীবন কেন আমার সঙ্গে এমন করে জড়িয়ে ফেললুম? অসহ্য এই বৃশ্চিক যন্ত্রণা কাঁটার ছুরির মত আমার আগেকার আঘাতটায় খোঁচা মারতে লাগল। আমি পাগল হয়ে যাবার মত হলুম। এরই মধ্যে রাণীগঞ্জে এসে ‘টেস্ট একজা-মিনেশন দিলুম।’ সমস্ত বছর হট্টগোলে কাটিয়েছি। পাশ করব কোথেকে? আগেকার সে চুরি বিছায়ও প্রবৃত্তি ছিল না,—অর্থাৎ এখন সাফ বুঝতে পাচ্ছি যে, ( টেস্টে এলাউ ) হইনি, স্ততরাং ওটা উল্লেখ করা নিশ্চয়োজন। এই শুভসংবাদ বাবার কর্ণগোচর হ’বা মাত্র তিনি কিঞ্চিদধিক এক দিন্তা কাগজ খরচ ক’রে আমার বিচিত্র সম্ভাষণের উপসংহারে জানিয়ে দিলেন যে আমার মত কুপুত্রুরের লেখা পড়া ঐ খানেই খতম হবে তা’ তিনি বহু পূর্বেই আন্দাজ করে’ রেখেছিলেন,—অনর্থক এক রাশ টাকা জলে ফেলে ছিলেন ইত্যাদি। আমার জানটা তেতবেরক্ত হয়ে উঠল। “ছত্তোর” বলে’ দফতর গুটালুম পরে, যা মনে আসতে লাগল তাই ক’রতে লাগলুম। লোকে আমায় বহরমপুর যাবার জগ্গ বিনা ফি-তে যেচে উপদেশ দিতে লাগল। আমি তাদের কথায় ‘ড্যামকেয়ার’ ক’রে দিনরাত বোঁ হয়ে রইলুম। ছ’ চার দিন সহিতে সহিতে শেষে একদিন বোডিং স্পারিটেগেণ্ট্ মশাই শুভস্বপ্নে আমায় অর্দ্ধচন্দ্র দিয়ে বিদায় দিলেন। আমি ফের বর্ধ্বমানে

## রিক্তের বেদন

চলে এলুম। আমাদের ছাত্রভঙ্গদলের ভূতপূর্ব গুণাগণ আমায় সাদরে বরণ করে' নিল। পিতা সব শুনে আমায় ত্যজ্য পুত্র ক'রলেন। এক বৎসর পরে খবর এল, সখিনা আমায় নিষ্ঠুর উপহাস করে' অজানার রাজ্যে চলে গেছে। মরবার সময়ও নাকি হতভাগিনী আমার মত পাপিষ্ঠের চরণ ধূলোর জন্তে কৈদেছে, আমার ছেঁড়া পুরাণে একটা ঝটো বুক ধ'রে মরেছে। ক্রমেই আমার রাস্তা ফসাঁ হতে লাগল। আরো ছয় মাস পরে মা-ও চলে গেলেন। আমি তখন অট্টহাসি হেসে বোতলের পর বোতল উড়া'তে লাগলুম। তারপর শুভক্ষণে পন্টনে এসে সৈদিয়ে পড়লুম বোম কেদার নাথ বলে! আর এক গ্লাস জল দিতে শার ভাই?

---

মে হে র-নে গা র

---



## মেহের-নেগার

( ক )

ঝিল্ম ।

বাঁশী বাজছে আর এক বুক কান্না আমার গুম্বরে উঠছে ! আমাদের ছাড়াছাড়ি হ'ল তখন, যখন বৈশাখের গুমোট-ভরা উদাস-নদীর সন্ধ্যায় বেদনাতুর পিলু—বারোঁয়া রাগিণীর ক্লান্ত কান্না হাঁপিয়ে হাঁপিয়ে বেরুচ্ছিল। আমাদের দুজনাবই যে এক-বুক ক'রে ব্যাথা, তার অনেকটা প্রকাশ পাচ্ছিল ঐ সরল-বাঁশের বাঁশীর সুরে। উপুড়-হয়ে-পড়ে-থাকা সমস্ত স্তব্ধ ময়দানটার আশে পাশে পথ হারিয়ে গিয়ে তারই উদাস প্রতিধ্বনি ঘুরে মরুচ্ছিল। ছুঁছুঁ দয়িতকে খুঁজে খুঁজে বেচারী কোকিল যখন হয়রান পেরেশান্ হয়ে গিয়েছে আর অশান্ত অশ্রুগুলো আর্চ'কে রাখবার ব্যর্থ চেষ্টায় বারম্বার চোখ দুটোকে ঘ'সে ঘ'সে কলিজার মত রক্ত-লোহিত ক'রে ফেলেছে, তখন তরুণী কোয়েলিটা তার প্রণয়ীকে এই ব্যথা দেওয়ার বোধ হয় বাস্তবিকই ব্যথিত হয়ে উঠেছিল,—কেননা তখনই কলামোচার আম গাছটার আগ'ডালে কচি আমের থোকর আড়ালে থেকে মুখ বাড়িয়ে সকৌতুকে সে কুকু দিয়ে উঠল 'কু—কু—কু।' বেচারী শ্রান্ত কোকিল তখন রুদ্ধকণ্ঠে তার এই পাওয়ার আনন্দটা জানতে আকুলি বিকুলি করে চোঁচিয়ে উঠল

## রিক্তের বেদন

কিন্তু ডেকে ডেকে তখন তার গলা বসে' গিয়েছে তবু অশোক গাছে থেকে ঐ ভাঙ্গা গলাতেই তার যে চাপ বেদনা আটকে আটকে যাচ্ছিল, তারই আঘাত খেয়ে সাঁজের বাতাস ঝিলম্ তীরের কাশের বনে মুহুমূহুঃ কাঁপন দিয়ে গেল।

আমি ডাক দিলুম, “মেহের-নেগার।” কাশের বনটা তার হাজার শুভ্রশীষ ছুলিয়ে বিক্রপ করলে, “...আ...বু।” ঝিলমের ওপারের উঁচু চরে আহত হয়ে আমারই আহ্বানে কেঁদে ফেললে, আর সে রুদ্ধশ্বাসে ফিরে এসে এইটুকু বলতে, পারলে, “মেহের—নেই—আর।!”

পশ্চিমে সূর্যের চিতা জ্বলল এবং নিবে এল। বাঁশীর কাঁদন থামলো। মলয়-মারুত পারুল বনে নামলো বড় বড় শ্বাস ফেলে! পারুল বললে, ‘উ-হু’—মলয় বললে “আ—হু—আঃ!”

আমি বুক ফুলিয়ে চুল ছুলিয়ে মনটাকে খুব একচোট বকুনি দিয়ে আনন্দ-ভৈরবী আলাপ করতে করতে ফিরলুম—আমার মত অনেক হতভাগারাই ঐ ব্যথা-বিজড়িত চলার পথ ধরে। এমন সাধা গলাতেও আমার স্বরটার কলতান শুধু হোঁচট খেয়ে খেয়ে লজ্জায় ম’রে যাচ্ছিল। আমার কিন্তু লজ্জা হচ্ছিল না। আমার বন্ধু তানপুরাটা কোলে করে তখন শ্রীরাগ ভাঁজছেন দেখলুম। তিনি হেসে বললেন, কি যুসোফ্।” এ আসন্ন সন্ধ্যা বুঝি তোমার আনন্দ-ভৈরবী আলাপের সময়? তুমি যে দেখছি অপরাধ বিপরীত!” আমার তখন কান্না আসছিল। হেসে বললুম, “ভাই তোমার শ্রীরাগেরও ত সময় পেরিয়ে গেছে।” সে বললে “তাইত! কিন্তু তোমার হাসি আজ এত করুণ কেন,—ঠিক পাথর-খোদা মূর্তির হাসির মত হিম-শীতল আর জমাট?” আমি উণ্টো দিকে মুখ ফিরিয়ে খুব তাড়াতাড়ি চলতে লাগলুম।



আদরিণী অভিমানী বধূর মত সন্ধ্যা তার মুখটাকে ক্রমশই কালিপানা-  
 আধার ক'রে তুলছিল। এমন সময় কৃষ্ণপঙ্কের দ্বিতীয় তিথির এক-  
 আকাশ তারা তাকে ঘিরে বললে “সন্ধ্যারাগী। বলি এত মুখভার  
 কিসের? এত ব্যস্ত হস্নে লো,—ঐ—চন্দ্রদেব এল বলে!” অপ্রতিভ  
 বেচারী সন্ধ্যার মুখে জোর করে’ হাসার সলজ্জ-মগ্নিন ঈষৎ আলো ফুটে’  
 উঠল। চাঁদ এল মদখোর মাতালের মত টলতে টলতে, চোখ মুখ লাল  
 করে’ এসেই সে জোর করে’ সন্ধ্যাবধূর আবরু ঘোমটা খুলে দিলে সন্ধ্যা  
 হেসে ফেললে। লুকিয়ে-দেখা বৌঝির মত একটা পাগী বকুল গাছে  
 থেকে লজ্জারাপা হয়ে টিটকারী দিয়ে উঠল, ‘ছি—ছি!’ তারপর চাঁদে  
 আর সন্ধ্যায় অনেক বাগড়াবাটি হয়ে সন্ধ্যার চিবুক আর গাল বেয়ো খুব  
 খানিক শিশির বাববার পর সে বেশ খুসি মনেই আবার হাসি-খেলা  
 করিতে লাগল। কতকগুলো বেহায়া তাবা ছাড়া অধিকাংশকেই আর  
 দেখা গেল না।

আমার বিজন কুটীরে ফিরে এলুম। চাঁদ উঠেছে, তাই আর  
 প্রদীপ জাললুম না। আর, জালালেও দীপশিখার ঐ ম্লান ধোঁয়ার  
 রাশটা আমার ঘরের বুকভরা অন্ধকারকে একেবারে তাড়াতে পারবে  
 না। সে থাকবে লুকিয়ে পাতার আড়ালে, ঘরের কোণে, সব জ্বিনিষেরই  
 আড়ালে; ছায়া হয়ে আমাকে মধ্যে রেখে ঘুরবে আমারই চারিপাশে!  
 চোখের পাতা পড়তে না পড়তে হুঁপা বানের মত হুঁপ ক’রে আবার সে  
 এসে পড়বে—যেই একটু সরে যাবে এই দীপশিখাটা!—ওগো আমার  
 অন্ধকার! আর তোমায় তাড়াব না।—আজ হ’তে তুমি আমার সাথী,  
 আমার বন্ধু, আমার ভাই!—বুঝলে ভাই আধার, এই আলোটার  
 পেছনে থাম্খা এতগুলো বছর ঘুরে মবলুম!—

## রিক্তের বেদন

আমি বল্লুম, “ওগো মেহের-নেগার ! আমার তোমাকে চাই-ই ।  
নৈলে যে আমি বাঁচব না !—তুমি আমার । নৈলে এত লোকের মাঝে  
তোমাকে আমি নিতান্ত আপনার ব’লে চিন্লুম কি করে’ ?—তুমিই ত  
আমার স্বপ্নে পাওয়া সাথী !—তুমিই আমার, নিশ্চয়ই আমার !”—চলতে  
চলতে থম্কে দাঁড়িয়ে সে আমার পানে চাইলে, পলাশ ফুলের মত ডাগর  
টানাটানা কাজোল-কালো চোখ দুটির গভীর দৃষ্টি দিয়ে, আমার পানে  
চাইলে ! কলসিটি-কাঁখে ঐ পথের বাঁকেই অনেকক্ষণ স্তব্ধ হয়ে সে রইল ।  
তারপর বললে, “আচ্ছা,—তুমি পাগল ?”—আমি ঢোক গিলে, একরাশ  
অশ্রু ভিতর দিকে ঠেলে দিয়ে মাথা হুলিয়ে বল্লুম, “হঁ ।” তার  
আঁখির ঘনকৃষ্ণপল্লবগুলিতে আঁছু উথলে এল ! তারপর সে তাড়াতাড়ি  
চলে যেতে যেতে বললে “আচ্ছা আমি তোমারই !”

একটা অসম্ভব আনন্দের জোর ধাক্কায় আমি অনেকক্ষণ মুস্ফে  
পড়েছিলুম । চম্কে উঠে চেয়ে দেখ্লুম সে পথের বাঁক ফিরে অনেক  
দূরে চ’লে যাচ্ছে’ ।

আমি দৌড়ুতে দৌড়ুতে ডাক্লুম, “মেহের-নেগার !” সে উত্তর  
দিল না । কলসিটাকে কাঁখে জড়িয়ে ধরে ডান হাতটাকে তেমনি ঘন  
ঘন হুলিয়ে সে যাচ্ছিল । তারপর তাদের বাড়ীর সিঁড়িতে একটা পা  
থুয়ে আমার দিকে তিরস্কার-ভরা মলিন চাওয়া চেয়ে চলে গেল । আর  
বলে গেল, “ছি ! পথে ঘাটে এমন ক’রে নাম ধরে ডেকো না !—কি মনে  
ক’রবে লোকে ।” পথ না দেখে দৌড়ুতে গিয়ে ছমড়ি খেয়ে একবার  
পড়ে গেছিলুম, তা’তে আমার নাক দিয়ে তখনও ঝরঝর করে খুন  
ঝরছিল ! আমি সেটা বাঁ-হাত দিয়ে লুকিয়ে বল্লুম, “আঃ, তাইত !—  
আর অমন ক’রে ডাক্ব না ।”

## রিক্তের বেদন

বুঝলে সখা আঁধার! যে জন্মান্ত, তার তত বেশী যাতনা নেই,  
যত বেশী যাতনা আর দুঃখ হয়—একটা আঘাত পেয়ে যার চোখ ছুটো  
বন্ধ হয়ে যায়! কেন না জন্মান্ত ত কখনও আলোক দেখেনি।  
কাজেই এ জিনিসটা সে বুঝতে পারে না আর যে জিনিস সে বুঝতে  
পারে না তা' নিয়ে তার তত মর্মান্বহত হবারও কোন কারণ নেই। আর,  
এই একবার আলো দেখে' তারপর তা হ'তে বঞ্চিত হওয়া,—ওঃ কত  
বেশী নির্দম্ম নিদারুণ!

তোমায় ছেড়ে চ'লে যাওয়ার যে প্রতিশোধ নিলে তুমি, তা'তে ভাই  
আঁধার, আর যেন তোমায় ছেড়ে না যাই! তোমায় ছোট ভেবে  
এই যে দাগা পেলাম বৃকে ওঃ তা,—

সেদিন ভোরে ঝিলম্ নদীর কূলে তার সঙ্গে আবার দেখা হ'ল।  
সে আস'ছিল একা নদীতে স্নান করে'। কালো কশকশে' ভেজা চুলগুলো  
আর কিরোজা রঙের পাংলা উড়ানিটা ব্যাকুল আবেগে তার দেহ-  
লতাকে জড়িয়ে ধরেছিল। আকুল কেশের মাঝে সগঃস্নাত সুন্দর মুখটি  
তার দীঘির কালোজলে টাট্কা ফোটা পদ্মফুলের মত দেখাচ্ছিল। দূরে  
একটা জলপাই গাছের তলার বনে সরল রাখাল বালক গাচ্ছিল,—

গৌরী ধীরে চলো, গাগরি ছলক নাহি যায়—

শিরোপরি গাগরি, কোমর মে ঘড়া,

পাংরি মকরিয়া তেরি বলখ না যায়, আহা টুটু না যায় ;—

গৌরী ধীরে চলো !.৭

আমিও সেই গানের প্রতিবনি তুলে' বল্লুম, “ওগো গৌরবর্ণা কিশোরি,  
একটু ধীরে চল,—ধীরে—তোমার ভরা কুম্ভ হ'তে জল ছলকে পড়বে  
যে। অত সুস্বাদু তোমার কটদেশ ভরা গাগরি আর ঘড়ার ভারে মুচ্কে

## রিক্তের বেদন

ভেঙ্গে যাবে যে ! ওগো তব্বী গোঁরী, ধীরে একটু ধীরে চল !” আমায় দেখে তার কাণের গোড়াটা সিঁদুরের মত লাল হয়ে উঠল। আমার দিকে সরম-অল্পযোগভরা কটাক্ষ হেনে সে বললে, “ছি ছি সরে’ যাও। একি পাগ্লামি করছ ?”—আমি ব্যথিত কণ্ঠে ডাকলুম, “মেহের-নেগার !” সে একবার আমার রক্ষ কেশ, ব্যথাতুর মুখ, ধূলিলিপ্ত দেহ আর ছিন্ন মলিন বসন দেখে কি মনে করে’ চুপটি করে’ দাঁড়াল। তারপর স্নান হেসে বললে “ও হোলো ! আমার নাম ‘মেহের-নেগার’ কে বললে ?—আচ্ছা, তুমি আমায় ও নামে ডাক কেন ! সে তোমার কে ?” আমি দেখলুম, কি একটা ভীতি আর বিস্ময় তার স্বরটাকে ভেঙ্গে টুকুরো টুকুরো করে’ দিয়ে গেল ! তার শঙ্কাকুল বৃকে ঘন-স্পন্দন মূৰ্ত্ত হয়ে ফুটল ! আমারও মনে অমনি বিস্ময় ঘনিয়ে এল। দৃষ্টি ক্রমেই ঝাপসা হয়ে আসছিল, তাই তার গায়ে হেলান দিয়ে বললুম, “আহ্ ! তুমি তবে সে নও ? না—না, তুমিই ত সেই আমার—আমার মেহের-নেগার ! অমনি ছবছ মুখ, চোখ,—অমনি ভুরু, অমনি চাউনি, অমনি কথা !—না গো না, আর আমার প্রতারণা করো না। তুমি সেই ! তুমি—”। সে বললে, “আচ্ছা মেহের-নেগারকে কোথায় দেখেছিলে ?” আমি বললুম, “কেন, ‘খোওয়াবে’ !” তার মুখটা এক নিমেষে যেন দপ করে জলে উঠল। তার সাদা মুখে আবার রক্ত দেখা গেল। সে ঝরঝর মত ঝরঝর করে’ হাঁসির ঝরা ঝরিয়ে বললে, “আচ্ছা, তুমি কবি না চিত্রকর ?” আমি অপ্রতিভ হয়ে বললুম, “চিত্র ভালবাসি, তবে চিত্রকর নই। আমি কবিতাও লিখি, কিন্তু কবি নই।” সে এবার হেঁসে যেন লুটোপুটি খেতে লাগল।

আমি বললুম, “দেখ তুমি বড্ড ছুঁছুঁ!” সে বললে, “আচ্ছা আমি আর হাঁসব না!—তুমি কিনের কবিতা লেখ?” আমি বললুম, “ভালবাসার!” সে ভিজা কাপড়ের একটা কোণ নিঙ্ড়াতে নিঙ্ড়াতে বললে, “ও তাই,—তা কাকে উদ্দেশ্য ক’রে?” আমি সেইখানেই সবুজ ঘাসে বসে পড়ে বললুম, “তোমাকে—মেহার-নেগার! তোমাকে উদ্দেশ্য করে।” আবার তার মুখে যেন কে এক খাবা আবীর ছড়িয়ে দিলে! সে কল্‌সিটা কাঁখে আর একবার সামলে নিয়ে বললে, “তুমি কদিন হতে এ রকম কবিতা লিখছ?” আমি বললুম “যেদিন হতে তোমায় খোঁওয়াবে দেখেছি।” সে বিশ্বব-পুলকিত নেত্রে আমার দিকে একবার চাইলে, তারপর বললে, “তুমি এখানে কি কর?” আমি বললুম “খা সাহেবের কাছে।” সে খব উৎসাহের সঙ্গে বললে “একদিন তোমার গান শুনবখন।—শুনাবে?” তারপর চলে যেতে যেতে পিছন ফিরে বললে, “আচ্ছা তোমার ঘর কোন্‌ খানে?” আমি বললুম, “ওয়াজিরিস্থানের পাহাড়।” সে অবাক্‌ বিশ্বসে ডাগর চক্ষু দিয়ে অনেকক্ষণ আমার দিকে চাইলে তারপর স্নিগ্ধকণ্ঠে বললে, “তুমি তাহলে এদেশের নও? এখানে নূতন এসেছ?”—আমি তার চোখে চোখে রেখে বললুম, “হঁ আমি পরদেশী।”……সে চূপি চূপি চলে গেল, আর একটিও কথা কইলে না।……আমার গলায় তখন বডেডা বেদনা, কে যেন টুঁটি চেপে ধরেছিল। পেছন হতে ঘাসের শামল বৃকে লুটিয়ে পড়ে, আবার ডাকলুম তাকে। কাঁথের কল্‌সি তার ডিপ করে পড়ে ভেঙ্গে গেল। সে আমার দিকে একটা আর্ন্তদৃষ্টি হেনে বললে, “আর ডেকোনা অমন করে!” দেখলুম তার দুই কপোল দিয়ে বেয়ে চলেছে দুইটি দীর্ঘ অশ্রু-রেখা!

## রিক্তের বেদন

\* \* \* \*

প্রাণপণে চেষ্টি করেও সেদিন স্বরবাহারটার স্বর বাঁধতে পারলুম না। আহুঁরে মেয়ের জেদ-নেওয়ার মত তার ঝঙ্কারে শুধু একরোখা বেথাপ্পা কান্না ছুঁকরে উঠছিল। আমার হাতে আমার এই প্রিয় যন্ত্রটি আর কখনও এরূপ অশাস্ত অবাধ্য হয়নি, এমন একজিঁদে কান্নাও কাঁদেনি। আদর আবদার দিয়ে অনেক করেও মেয়ের কান্না থামাতে না পারলে মা যেমন সেই কাঁদুনে মেয়ের গালে আরও ছুতিন থাপ্পড় বসিয়ে দেয়, আমিও তেমনি করে স্বরবাহারের তারগুলোতে অত্যাচারীর মত হাত চালাতে লাগলুম। সে নানান রকমের মিশ্রস্বরে গোঙানি আরম্ভ করে দিলে! ওস্তাদজি আঙ্গুরগালা মদিরার প্রসাদে খুব খোশ মেজাজে ঘোর দৃষ্টিতে আমার কাণ দেখছিলেন। শেষে হাঁসতে হাঁসতে বললেন, “কি বাচ্চা, তোর তবিয়ত আজ ঠিক নেই,—না? মনের তার ঠিক না থাকলে বীণার তারও ঠিক থাকে না। মন যদি তোর বেস্বর বাজে, তবে যন্ত্রও বেস্বর বাজবে, এ হচ্ছে খুব সাজা আর সহজ কথা।—দে আমি স্বর বেঁধে দিই!’, ওস্তাদজী বেয়াদব স্বরবাহারটার কাণ ধরে বার কতক মোলায়েম ধরণের কাণুটি দিতেই সে শাস্তশিষ্ট ছেলের মত দিব্যি স্বরে এল। সেটা আমার হাতে দিয়ে, সামনের প্লেট হ’তে দুটো গরম গরম সিক কাবাব ছুরি দিয়ে ছাড়াতে ছাড়াতে তিনি বললেন “আচ্ছা একবার বাগেশ্রী রাগিণীটা আলাপ কর ত বাচ্চা হাঁ,—আর ও স্বরটা ভাঁজবারও সময় হয়ে এসেছে। এখন কত রাত হবে? হাঁ, আর দেখ বাচ্চা, তুই গলায় আর একটু গমক খেলাতে চেষ্টি কর, তাহলেই স্বন্দর হবে।” কিন্তু সেদিন যেন কণ্ঠভরা বেদনা! স্বরকে আমার গোর দিয়ে এসেছিলুম ঐ বিলম্ব দরিয়ার তীরের বালুকার

## রিস্তের বেদন

তলে। তাই কষ্টে যখন অতিতারের কোমল গান্ধারে উঠলুম তখন আমার কণ্ঠ যেন দীর্ঘ হয়ে গেল তার তা ফেটে বেরুল শুধু কণ্ঠভরা কান্না। ওস্তাদজী ড্রাগ্‌সের নেশায় “চড়্ বাচ্চা আর ছুঁপরদা পঞ্চমে—” বলতে বলতে হঠাৎ থেমে গিয়ে সাঙ্ঘনাভরা স্বরে কইলেন, “কি হয়েছে আজ তোমার বাচ্চা? দে আমায় ওটা।” বাগেশ্রীর ফেঁপিয়ে ফেঁপিয়ে-কান্না ওস্তাদজীর গভীর কণ্ঠ সঞ্চরণ করতে লাগল অল্পলোমে বিলোমে—সাধা গলার গমকে মীড়ে! তিনি গাইলেন, “বীণা-বাদিনীর বীণ আজ আর রোয়ে রোয়ে বনের বৃকে মুহুমূর্ভঃ স্পন্দন জাগিয়ে তুলছে না। আঁছু এসে তার কণ্ঠ চেপে ধরেছে। তাই পূর্ণ হয়ে বেরোচ্ছে না ওগো, তার যে খাদের আর অতিতার দুইটি তার ছিন্ন হবে গেছে?” আমার তখন ওদিকে মন ছিল না। আমার মন পড়ে ছিল সেই আমার স্বপ্নে-পাওয়া তরুণীটির কাছে।

ওঃ, সে স্বপ্নের চিন্তাটা এত বেশী তীব্র মধুর, তাতে এত বেশী মিঠা উন্মাদনা যে দিনে হাজার বার মনে করেও আমার আর তৃপ্তি হচ্ছে না। সে কি অতৃপ্তির কণ্টক বিঁধে গেল আমার মর্ষতলে, ওগো আমার স্বপ্ন-দেবী! ওই কাঁটা যে হৃদয়ে বিঁধেছে, সেইটেই এখন পেকে সারাবুক বেদনায় টনটন্ করছে! ওগো আমার স্বপ্নলোকের ঘুমের দেশের রাণী! তোমার সে আকাশ-ঘেঁসা ফুল, আর পরাগ-পরিমলে ভরা দেশ কোথায়? সে জ্যোৎস্না-দীপ্ত কুটীর যেখানে পায়ের আলতা তোমার রক্ত রাগে পাতার বৃকে ছোপ দিয়ে যায়,—সে কুটীর কোন্ নিকুঞ্জের আড়ালে, কোন্ তড়াগের তরঙ্গ-মর্ষরিত তীরে।

সে স্বপ্নচিহ্নটা কি স্মন্দর!—

সেদিন সাজে অনেকক্ষণ কুস্তি করে খুব ক্লান্ত হয়ে যেমনি বিছানায়

## রিক্তের বেদন

গা দিয়েছি, অম্নি যেন রাজ্যের ঘুম এসে, আমার শারা দেহটাকে নিষ্কম্প অলস করে ফেললে,—আমার চোখের পাতায় তার সোহাগ-ভরা ছোঁয়ার আবেশ দিয়ে। শীঘ্রই আমার চেতনা লুপ্ত করে' দিলে সে যেন কার শিউরে' উঠা কোমল অধরের উন্মাদনা-ভরা চুখন-মদিরা।…… হঠাৎ আমি চমকে উঠলুম!……কে এসে আমার দুইটি চোখেই স্নিগ্ধ কাজ্জাল বুলিয়ে দিলে! দেখলুম যেখানে আস্‌মান আর দরিয়া চুমোচুমি করছে, সেইখানে একটি কিশোরী বীণা বাজাচ্ছে; বরফের ওপর পূর্ণচাঁদের চাঁদনি পড়লে যেমন সুন্দর দেখায়, তাকে তেমনি দেখাচ্ছিল, সূক্ষ্ম রেশমী নীল পেশোয়াজের শাসন টুটে বীণাবাদিনীর কৈশোর মাধুর্য্য ফুটে বেরুচ্ছিল—আস্‌মানের গোলাবি-নীলিমায় জড়িত প্রভাত অরুণশ্রীর মত মহিমশ্রী হয়ে। সে আমায় হাতছানি দিয়ে ডাকলে। আমার চোখে ঘুমের রঙিন কুয়ানা মসলিনের মত একটা ফিন্‌ফিনে পরদা টেনে দিলে। বীণার চেয়েও মধুর বীণাবাদিনীর মঞ্জু গুঞ্জন প্রেয়সীর কাণে-কাণে-কওয়া গোপন কথার মত আমায় কয়ে গেল, “ঐ যে চাঁদের আলোয় বিলম্বিত করছে দরিয়ার কিনার ঐখানে আমার ঘর। ঐখানে আমি বীণা বাজাই। তোমার ঐ সরল বাঁশীর সহজ স্বর আমার বুকে বেদনার মত বেজেছে, তাই এসেছি! আবার আমাদের দেখা হবে সূর্য্যাস্তের বিদায়-স্নান শেষ আলোক-তলে। আর মিলন হবে এই উদার আকাশের কোলে এমনি এক অরুণ-অরুণিমা-রক্ত নিশি-ভোরে—যখন বিদায় বাঁশীর ললিত বিভাসের কান্না তরল হয়ে ঝরে পড়বে।” আমি আবিষ্টের মত তার আঁচল ধরে জিজ্ঞাসা করলুম, “কে তুমি স্বপ্নরাগী?” সে বললে, “আমায় চিনতে পারলে না যুসোক? আমি তোমারই মেহের-নেগার।”…অচিন্ত্য অপূর্ব্ব অনেক কিছু



## রিক্তের বেদন

পাওয়ার আনন্দে আমার বুক ভরে' উঠেছিল। আমি রুদ্ধকণ্ঠে কইলুম "তুমি আমায় কি করে' চিন্লে?—হাঁ, আমি তোমাকেই চাইছিলুম— তবে তোমার নাম জানতুম না। আর তোমায় নাকি অনেকেই জীবনের এমনি ফাগুন-দিনে ডাকে? তবে শুধু কি আমায়ই দেখা দিলে, আর কাউকে না?" সে তার তাশ্বলরাগ-রক্ত পাপড়ির মত পাংলা ঠোঁট উল্টিয়ে বললে, "না—আমি তোমায় কি ক'রে চিন্বে?— এই হাল্কা হাওয়ায় ভেসে আমি সব জায়গাতেই বেড়াই; কাল মাঝে তাই এদিক দিয়ে পেরিয়ে যেতে যেতে শুনলুম তুমি আমায় বাঁশীর স্বরে কামনা করছ! তাই তোমায় দেখা দিলুম...আর, হাঁ—যারা তোমার মত এমনি বয়সে এমনি করে' তাদের অজানা অচেনা প্রেয়সীর জন্য কেঁদে মরে, কেবল তাকেই দেখা দিয়ে শ্বাই।...তবু আমি তোমারই!"... মেঘের কোলে সে কিশোরীর কম-মূর্ত্তি বাপসা হয়ে এল।

[ আমার ধুম ভাঙল। কোকিল ডাকলে, 'উ—হু—উ!' পাণিয়া শুধালে, 'পিউ কাঁহা?' বুলবুল ঝুঁটি ছলিয়ে গলা ফুলিয়ে বললে, 'জা—নি—নে!' ঝাঝা-হেনার শেষ স্বেবাস আর পীত-পরাগ-লিপ্ত ভোরের বাতাস আমার কাণের কাছে শ্বাস ফেলে গেল, 'হু—হু... হু!'

### ( গ )

আমার স্নেহের বাঁধনগুলো জোব বাতাসে পালের দীর্ঘ দড়ির মত পটুপটু করে ছিঁড়ে গেল। তারপর ঢেউএর মুখে ভাসতে ভাসতে খাপছাড়া—ঘরছাড়া আমি এই ঝিলমে এলুম!—প্রথম দেখলুম এই হিন্দুস্থানের বীরের দেশ পাঁচটা দরিয়ার তরঙ্গ-সঙ্কল পাঞ্জাব, যেখানের

## ১. রিক্তের বেদন

প্রতি বালুকণা বীরের বৃকের রক্ত জড়ানো—যেখানের লোকের তৃষ্ণা  
মিটিতে দেশদ্রোহী আর—দেশ-শত্রু ‘জিগরের খুন’।

\* \* \* \* \*

যে ডাল ধরতে গেলুম, তাই ভেঙ্গে আমার মাথায় পড়ল। তাই  
নিরাশ্রয়ের কুটোখরার মত অকেজোর কাজ এই সঙ্গীতকেই আশ্রয়  
করলুম আমার কাজ আর সান্তনারূপে।

ওঃ আমার এই বলিষ্ঠ মাংসপেশী-বহুল শরীর, মায়ামমতাহীন—  
লৌহ কব্বাটের মত শক্ত বক্ষঃ, তাকে আমি চেষ্টা করেও উপযুক্ত ভাল  
কাজে লাগাতে পারলুম না খোদা! দেশের মঙ্গলের জ্ঞান এর ক্ষয় হ'ল  
না!—প্রিয় ওয়াজিরিস্থানের পাহাড় আমার! তোমার দেহটাকে  
অক্ষত রাখতে গিয়ে যদি আমার এই বৃকের উপর তোমার অনেকগুলো  
পাথর পড়ে' পাঁজরগুলো গুঁড়ো করে' দিত, তা'হলে সে কত স্বপ্নের  
মরণ হ'ত আমার! ওই ত-হ'ত আমার হতভাগ্য জীবনে শ্রেষ্ঠ সার্থকতা  
—আমার জগ্জে কেউ কাঁদবার নেই বলে হয়ত তাতে মাহুয কেউ  
কাঁদত না, কিন্তু তোমার পাথরে—মরুতে—উষ্ণমরুতে—শুকনো  
শাখায় একটা আকুল অব্যক্ত কম্পন উঠত! সেইত দিত আত্মা  
আমার পূর্ণ তৃপ্তি! আহ, এমন দিন কি আসবে না জীবনে!

আচ্ছা—ওগো অলক্ষ্যের মহান স্রষ্টা! তোমার সৃষ্ট পদার্থে এত  
মধুর জটিলতা কেন? পাহাড়ের পাথরবৃকে নির্বারের শ্রোত বইয়েছে,  
আর আমাদের মত পাষণের বৃকেও প্রেমের ক্ষীণ ফল্লধারা লুকিয়ে  
রেখেছে!.....আর তুমি যদি ভালোবাসাই সৃষ্টি করলে, তবে আলোর  
নিচের ছায়ার মত তার আড়ালে নিরাশাকে সন্ধান রাখলে কেন?

আমাকে সব চেয়ে ব্যথিয়ে তুলছে গত সন্ধ্যার কথাটা!—

## রিক্তের বেদন

আবার সহসা তার সঙ্গে দেখা হ'ল সন্ধ্যাবেলার খানিক আগে। তখন ঝিলমের তীরে তীরে ঝিঁ ঝিঁ পোকাকার ঝিঁঝিঁট রাগিণীর বাম্ ঝামানি ভ'রে উঠেছিল। সে ঠিক সেই স্বপ্নে দেখা কিশোরীর মতই হাত-ছানি দিয়ে আমার ডাকলে, “এখানে এস!”...আমি শুধোলুম’ “মেহের নেগার, স্বপ্নের কথা কি সত্যি হয়?” সে বললে, “কেন?” আমি তাকে আমার সেই স্বপ্নের কথা জানিয়ে বললুম, “তুমিই ত সেদিন নিশি-ভোরে আমার অমন করে’ দেখা দিয়ে এসেছিলে আর তোমার নামও বলে এসেছিলে। তুমি যে আমার!” একটা চাপা দীর্ঘশ্বাস বয়ে’ গেল তার বকের বসনে দোল দিয়ে! সে বললে, “ঘুসোফ, আমি ত মেহের-নেগার নই, আমি—গুল্শন্!” সে কেঁদে ফেললে।...আমি বললুম, “তা হোক, তুমিই সেই। আমি তোমাকে মেহের-নেগার বলেই ডাকব।”...সে বললে, “এস, সেদিন গান শুনাবে বলেছিলে না?” আমি বললুম, “তুমিই গাও, আমি শুনি।” সে গাইলে,—

“ফারাকে জানা মে হাম্নে সাকি লোহ পিয়া হেয় শারাব

করকে !

তপে আলম নে জেগব্ কো ভুনা উয়ো হাম্নে খায়া কবাব

কবুকে ॥”

আহ্! এ কোন্ দন্ধ হৃদয়ের ছটফটানি?—প্রিয়তমের বিচ্ছেদে আমার নিজের খুনকেই শারাবের মত ক’রে পান করেছি, আর ব্যথার তাপে আমার হৃদপিণ্ডটাকে পুড়িয়ে কাবাব ক’রে খেয়েছি!—ওগো সাকি, আর কেন? এস্রাজের বন্ধার থামাতে অনেক সময় লাগল।

আমি গাইলুম, “ওগো, সে যদি আমার কথা শুধায়, তবে বলো যে, শরাজনম অপেক্ষা ক’রে ক’রে ক্লাস্ত হয়ে সে আজ বেহেশতের বাইরে

## রিক্তের বেদন

তোমারই প্রতীক্ষায় বসে আছে!” সে কেঁদে, আমার মুখটা চেপে ধরে’ বললে, “না—না, এমন গান গাইতে নেই!” তারপর বললে, “আচ্ছা, এই গান বাজনায়ে তোমার খুব আনন্দ হয়,—না?” আবার সে কোন্ অজানা-নিষ্ঠুরের প্রতি অভিমানে আমার বক্ষে ক্রন্দন গুম্বরে উঠল! আমি গাইলুম—

“শান্তি কোথায় মোর তরে হয় বিশ্বভুবন মাঝে ?

অশান্তি যে আঘাত করে তাইতে বীণা বাজে !

নিত্য রবে প্রাণ-পোড়ানো গানের আগুন জ্বালা,

এই কি তোমার খুসী, আমায় তাই পরালে মালা

স্বরের গন্ধ ঢালা ?”

বিদায়ের ক্ষণে সে হাঁসতে গিয়ে কেঁদে ফেলে’ বললে, “আচ্ছা, তুমি আমার ভালোবাস, তাই আমি একটা ভিক্ষা চাইছি।... বল, আর আমায় ভালোবাসবে না, আমায় চাইবে না।” সে উপর হ’য়ে আমার পায়ের পড়ল!...চাঁদের সমস্ত আলো এক লহমায় নিবে গেল বিরাট একটা জলোমেবের কালো ছায়ার আড়ালে পড়ে’!...আমি কষ্টে উচ্চারণ করতে পারলুম, “কেন?” সে একটু থেমে’, চোখছুটো আঁচল দিয়ে চেপে বললে, “দেখ পবিত্র জিনিসের পূজা পবিত্র জিনিস দিব্যেই হয়। কলুষ যা’, তা’ দিয়ে পূতকে পেতে গেলে পূজারীর পাপের মাত্রা চরমে গিয়ে পৌঁছে!.....এই যে তোমার ভালোবাসা,—হোকনা তা’ মাদকতা আর উন্মাদনার তীব্রতায় ভরা,—তা’ অকৃত্রিম আর প্রগাঢ়-পবিত্র! তা’কে অবমাননা করতে আমার যে একবিন্দু সামর্থ্য নেই!... আমাকে চেন না? এই সহরে যে খুরশেদজান বাইজির নাম শুন, আমি তরই মেয়ে।” বলেই সে সোজা হ’য়ে দাঁড়াল, তার সারা অঙ্গ

কাপ্তে লাগল। সে বললে, রূপজীবিনীর কন্যা আমি ঘৃণ্য অপবিত্র।  
ওগো আমার শিরায় শিরায় যে অপবিত্র, পঙ্কিল রক্ত প্রবাহিত হচ্ছে!  
কেটে দেখ, সে লহ রক্তবর্ণ নয়, বিষজর্জরিত মুমূর্ষু মত তা নীল  
শিয়াহ।” দেখলুম, তার চোখ দিয়ে আগ্রনের ফিন্কার মত জালাময়ী  
অশ্রু নির্গত হচ্ছে। বুঝলুম, এত ম্লান গৈরিক নিবার নয়, এ যে আগ্নেয়-  
গিরির উদ্ভঙ্গ দ্রবময়ী শ্রোতের বিপুল নিঃশ্রাব!

বিছার কামড়ের মত কেমন একটা দংশন-জালা বৃকের অন্তরতম  
কোণে অলুভব করলুম। ভাবলুম স্বভাব-দুর্গন্ধ যে ফুল, সে দোষ ত  
সে ফুলের নয়। সে দোষ যদি দোষ হয়, তবে তা শ্রুতার। অথচ  
তার বৃকেও যে স্বেদ আসছে, তা’ বিশ্লেষণ করে’ দেখতে পারে  
অসাধারণ যে, সে-ই; সাধারণে কিন্তু তার নিকটে গেলেই মুখে কাপড়  
দেয়, নাক সিঁটকায়.....আমি ছিন্নকঠ বিহগের মত আহত  
স্বরে বললুম, “তা’—তা’ হোক মেহের-নেগার! সে দোষ ত তোমার  
নয়। তুমি ইচ্ছা করলে কি পবিত্র পথে চলতে পার না? শ্রুতার সৃষ্টিতে  
ত তেমন অবিচার নেই। আর বোধ হয় এমনই ভাগ্য-হত যা’রা  
তাদের প্রতিই তাঁর করুণা অন্ততঃ সহানুভূতি একটু বেশী পরিমাণেই  
পড়ে, এ যে আমরা না ভেবেই পারিনে!...আর তুমি ত আমায় সত্য  
করে ভালোবেসেছ! এ ভালোবাসায় যে কৃত্রিমতা নেই, তা আমি যে  
আমার হৃদয় দিয়ে বুঝতে পারছি। আর এ প্রেমের আসল নকল  
দু’টি হৃদয় ছাড়া সারা বিশ্বের কেউ বুঝতে পারবে না।...হাঁ, আর  
ভালোবাসায় জীব যখন কাঁদতে পারে, তখন সে অনেক উঁচুতে উঠে  
যায়। নীচের লোকেরা ভাবে, ‘এ লোকটার অধঃপতন নিশ্চিত!’  
অবশ্য একটু পা পিছলে গেলেই যে সে অত উঁচু হ’তে একেবারে পাতালে

## রিক্তের বেদন

এসে পড়বে, তা' সেও বোঝে। তাই সে কারুর কথা না শুনে সাবধানে অম্মি উঁচুতেই উঁঠতেই থাকে।.....না মেহের-নেগার, তোমাকে আমার হতেই হবে!" সে স্থির হ'য়ে বসল, তারপর মুচ্ছাতুরের মত অস্পষ্ট কণ্ঠে কইলে, "ঠিক বলেছ' য়ুসোফ আমার সাম্মনে অনেকেই এল অনেকেই ডাকল; কিন্তু আমি কোন দিন ত এমন করে কাঁদিনি। যে আমার সাম্মনে এসে তার' ভরা অর্ঘ্য নিয়ে দাঁড়িয়েছে, মনে হতো আহা, একেই ভালবাসি। এখন দেখছি তা, ভুল। সময় সময় যে অমন হয় আজ বুঝেছি তা, ক্ষণিকের মোহ আর প্রবৃত্তির বাইরের উত্তেজনা। কিন্তু যে দিন তুমি এসে বললে, তুমি আমারই, সে দিন আমার প্রাণমন সব কেন একযোগে সাড়া দিয়ে উঠল, হাঁগো হাঁ, আমার সব তোমারই। ওঃ সেকি অনাবিল গভীর প্রশান্ত প্রীতির জোয়ার ছুটে গেল ধমনীর প্রতি রক্ত-কণিকায়! সে এমন একটা মধুর স্নন্দর ভাব, যা মাহুযে জীবনে একবার মাত্র পেয়ে থাকে,—সেটা আমি ঠিক বুঝতে পারছিনে! আমাদের এই ভালবাসায় আর দরবেশের প্রেমে সমান গভীরতা এ আমি নিশ্চয় ক'রে বলতে পারি, যদি সেই ভালোবাসা চিরন্তন হয়।"....ক্লাস্ত কান্তার মত সে আমার স্বন্ধে মাথাটা ভর ক'রে আস্তে আস্তে কইলে, "তোমাকে পেয়েও যে এই আমি তোমাকে তাড়িয়ে দিচ্ছি, এ তোমাকে ভালোবাসতে,—প্রাণ দিয়ে ভালোবাসতে পেরেছি বলে!...আমার—আমার বুক ভেঙে যাচ্ছে য়ুসোফ, তবে তোমাকে পাবার আশা আমাকে জোর করে' ত্যাগ কর্তেই হবে। যাকে ভালবাসি তার'ই অপমান ত কর্তে পারিনে আমি! এইটুকু ত্যাগ, এ আমি খুব সহিতে পারব। অভাগিনী নারী জাতি আমাদের এর চেয়েও যে অনেক বড় ত্যাগ

স্বীকার করতে হয়। তোমরা যাই'ই ভাব, আমাদের কাছে এ কিছুমাত্র অস্বাভাবিক নয় আর কঠিনও নয়।...ওঃ কেন তুমি আমার পথে এলে? কেন তোমার শুভ্র শুচি প্রেমের সোনার কাঠির পরশ দিয়ে আমার অ-জাগ্রত ভালবাসায় জাগিয়ে দিলে?—না, তোমাকে না পেলেও তুমি থাক্বে আমারই। তবু আমাদের ছ'জনকে ছ'দিকে শ'রে যেতে হ'বে। যে বৃকে প্রেম আছে সেই বৃকেই কামনা ওং পে'তে পে'তে ব'সে আছে। আমাদের নারীর মনকে বিশ্বাস নেই য়্‌সোফ, সে যে বড়ই কোমল, সময়ে :একটু তাপেই গলে পড়ে। কে জানে এমন ক'রে থাক্লে কোন্ দিন আমাদের এই উঁচু জায়গা হ'তে অধঃপতন হ'বে।...না, না, প্রিয়তম, আর এই কলুষবাপ্শে তোমার স্বচ্ছ দর্পণ বাপ্শা ক'রে তুল'ব না।...আর হয়ত আমাদের দেখা হবে না যদি হয়, তবে আমাদের মিলন হ'বে ঐ—ঐখানে যেখানে আকাশ আর দরিয়া ছই উদার অসীমে কোলাকুলি করুছে।—বিদায় প্রিয়তম! বিদায়!!” বনেই সে আমার হস্ত চুম্বন ক'রে উন্মাদিনীর মত ছুটে বেরিয়ে গেল।

ঝড় বইছিল শন্—শন্—শন্। আর অদূরের বেণুবনে আতত হয়ে তারই কান্না শোনা যাচ্ছিল আহ্—উহ্—আহা! স্নায়ুছিন্ন হওয়ার মত কট্ কট্ ক'রে বেদনা-আর্ত বঁশগুলোর গি'টে গি'টে শব্দ হচ্ছিল।

এক বৃক বাথা নিয়ে ফিরে এলুম! ফিরতে ফিরতে চোখের জলে আমার মনে পড়'ল—সেই আমার স্বপ্নরানীর শেষ কথা! সেও ত এর মতই বলে'ছিল, “আমাদের মিলন হ'বে এই উদার আকাশের কোলে এম্‌নি এক অরুণ অরুণিমা রক্ত নিশিভোরে যখন বিদায় বাঁশীর সুরে সুরে ললিত বিভাসের কান্না তরল হয়ে ক্ষরবে!”

## রিস্কের বেদন

( ঘ )

সে দিন যখন আমরা একেবারে বিশ্বয়-পুলকিত আর চকিত ক'রে সহসা আমার জন্মভূমি-জননী আমার বৃকের রক্ত চাইলে, তখন আমার প্রাণ যে কেমন ছটফট করে' উঠল তা' কইতে পারব না!...শুনলুম আমাদের স্বাধীন পাহাড়িয়া জাতিটার উপর ইংরেজ আর কাবুলের আমির দুজনাই লোলুপ দৃষ্টি পড়ে'ছে। আর কয়েকজন দেশদ্রোহী শয়তান দু'ভাগে বিভক্ত হয়ে দেশটাকে অস্ত্রের হাতে তুলে দিতে যাচ্ছে। তা'রা ভুলে যাচ্ছে যে, আমাদের এই ঘরবাড়ীহীন পাঠানদের বশে আনতে কেউ কখনও পারবে না। আমরা স্বাধীন—মুক্ত। সে যেই হোকনা কেন, আমরা কেন তা'র অধীনতা স্বীকার করতে যাব? শিকল সোনার হ'লেও তা শিকল!—না, না, যতক্ষণ এই যুসোফ খাঁর এক বিন্দু রক্ত থাকবে গায়ে আর মাথাটা ধড়ের সঙ্গে লাগা থাকবে ততক্ষণ কেউ, কোন অত্যাচারী সম্রাট আমার জন্মভূমির এককণা বালুকাও স্পর্শ করতে পারবে না। ওঃ একি ছুনিয়াভরা অবিচার আর অত্যাচার খোদা তোমার এই মুক্ত সাম্রাজ্যে? এই সব ছোট মনের লোকেই আবার নিজেদের 'উচ্চ' 'মহান' 'বড়' বলে নিজেদের ঢাক পিটায়।—ওঃ যদি তাই হয়, তা'হলে আমাদের অবস্থা কেমন হ'বে যেমন আকাশের অনেকগুলো পাখীকে ধ'রে এনে চারিদিকে লোহার শিক দেওয়া একটা খাঁচার ভিতর পুরে দিলে হয়। ওঃ আমার সমস্ত স্নায়ু আর মাংসপেশীগুলো ফুলে ফুলে উঠছে! আরও শুনছি দু'পক্ষেই আমাদের রীতিমত ভয় দেখান হচ্ছে। হাঃ হাঃ হাঃ। গাছের পাখীগুলোকে বন্দুক দেখিয়ে শিকারী যদি বলে, "সব এসে আমরা



## রিক্তের বেদন

হাতে ধরা দেও, নৈলে গুলি ছাড়লুম।” তাহ’লে কি পাখীরা এসে তা’র হাতে ধরা দেবে? কখনই না, তারা মরবে তবুও ধরা দেবে না—দেবে না। এ শিকারীদের বৃকে যে ছুরি লুকানো আছে, তা, পাখীরা আপনিই বোঝে। এ তা’দের শিথিয়ে দিতে হয় না। হাঁ আর যদিই যোগ দিতে হয়, তবে নিজের স্বাধীনতা অক্ষুণ্ণ রেখে যেখানে অন্য় দেখবে সেইখানেই আমাদের বজ্রমুষ্টির ভীম তরবারির আঘাত পড়বে! আমার জন্মভূমি কোন বিজয়ীর চরণ স্পর্শে কখনও কলঙ্কিত হয়নি আর হবেও না। ‘শির দিব, তবু স্বাধীনতা দিব না।’

তোমার পবিত্র নামের শপথ ক’রে এই যে তরবারি ধরলুম খোদা, এ আর আমার হাত হ’তে খসবে না। তুমি বাহুতে শক্তি দাও!—এই তরবারির তৃষ্ণা মিটাব—প্রথমে দেশদ্রোহী শয়তানদের জিগেরের খুনে, তারপর দেশ-শত্রুর কলুষ রক্তে।—আমিন!

\* \* \*

হাঁ, আমার মনে হচ্ছে হয়ত আমার দেশের ভাই-ই আমায় হত্যা করবে জন্মাদ হয়ে!...তা’হোক, তবুও স্থখে মরতে পারব কেন না আমার এ ক্ষুদ্র প্রাণ দেশের পায়েই উৎসর্গীকৃত হ’বে!—খোদা। আমার এ দান যেন তুমি কবুল করো।”

\* \* \*

বেশ হয়েছে! খুব হয়েছে!! আচ্ছা হয়েছে!!!

আমার এই চিরবিদায়ের সময় কেন কাল মনে হ’ল, সে অভাগীকে একবার দেখে যাই। কেন সে ইচ্ছাকে কিছুতেই দমন করতে পারলুম না।...গিয়ে দেখলুম তার ত্যক্ত বাড়ীটা ধূলি আর জঙ্ঘলময় হয়ে’ সন্মুখিধবা নারীর মত হাহাকার করছে!...আর—আর ও

## রিক্তের বেদন

কি?...ঘরের আঙ্গিনায় ও কা'র কবর? যেন কা'র একবুক বেদনা উপুড় হ'য়ে পড়ে' রয়েছে। কার পাহাড়পারা ব্যথা জমাট হয়ে যেন মূর্ছিত হ'য়ে মাটি আঁকড়ে রয়েছে!...কবরের শিরানে কা'র বুকের রক্ত দিয়ে মর্মর ফলকে লেখা, "অপবিত্র জঠরে জন্ম নিলেও ওগো পথিক, আমায় ঘৃণা করো'না! একবিন্দু অশ্রু ফেলো' আমার কল্যাণ কামনা করে,—আমি অপবিত্র কিনা জানিনা, কিন্তু পবিত্র ভালোবাসা আমার এই বুকে তার পরশ দিয়েছিল!...আর ওগো স্বামিন্! তুমি যদি কখনও এখানে আস,—আঃ তা আসবেই—তবে আমায় মনে ক'রে কেঁদোনা। যেখানেই থাকি প্রিয়তম, আমাদের মিলন হবেই। এমন আকুল প্রতীক্ষার শেষ অবসান এই ছুনিয়াতেই হ'তে পারে না! খোদা নিজে যে প্রেমময়!—অভাগিনী—গুল্শন্!"

আমার একবুক অশ্রু ঝরে' মর্মর ফলকের মলিন রক্ত লেখা গুলিকে আরও অরুণোজ্জ্বল ক'রে দিলে!...

বিলম্বের ওপার হ'তে কা'র আর্ন্ত আর্দ্র স্বর এপারে এসে আছাড় খাচ্ছিল,

আগরু মেয় বাগ'বাঁ হোতে, তো গুল্শন কো

লুটা দেতো।

পাকড়্ কবুদন্তে বুলবুল কো চমন সে জাঁ

মেলা দেতে ॥

হায়রে অবোধ গায়ক! তুই যদি মালী হতিস্, তা' হ'লে বুলবুলের হাত ধ'রে ফুলের সঙ্গে মিলন করিয়ে দিতিস্?—

অসম্ভব রে তা' অসম্ভব! খোদা হয়ত তোকে সে শক্তি দেননি, কিন্তু যা'দের সে শক্তি আছে ভাই, তাঁরা ত-কই এমন করা ত দু'বের

## বিক্ৰম বেদন

কথা, একবার তোর এই কথা মুখেও আনতে পারে না! তোরই এই  
ক্ষমতা থাকলে হয়ত তুই এ গান গাইতে পারতিনে!....

\* \* \* \*

তবু আমার চিরবিদায়ের দিনে ঐ গানটা বড্ৰে মৰ্মস্পৰ্শী মধুর  
লেগেছিল।





---

সাঁ জে র বা তি  
সাঁ জে র বা তি

---



## সাঁজের তারা

সাঁজের তারার সাথে যেদিন আমার নূতন করে' চেনা-শোনা, সে এক বড় মজার ঘটনা।

আরব-সাগরের বেলার ওপরে একটি ছোট্ট পাহাড়। তার বুক রঙ্ বেরঙ্-এর শাঁখের হাড়ে ভরা। দেখে মনে হয়, এটা বুঝি একটা শঙ্খ-সমাধি। তাদেরই ওপর একলা পা ছড়িয়ে বসে যে কথা ভাবছিলাম সে কথা কখনো বাজে উদাস পথিকের কাঁপা গলায়, কখনো শুনি প্রিয়-হারা ঘুঘুর উদাস ডাকে; আর ব্যথাহত কবির ভাষায় কখনো কখনো তার আচম্কা। একটি কথা-হারা কথা—উড়ে-চলা পাখীর মিলিয়ে-আশা ডাকের মত শোনায়।

সে-দিন পথ চলার নিবিড় শ্রান্তি যেন আমার অণুপরমাণুতে আসল-ছোঁওয়া বুলিয়ে দিয়ে যাচ্ছিল। ঘুঘুর দেশের রাজকুমারী আমার কুখু-চুলের গোড়াগুলি তার রজনীগন্ধার কুঁড়ির মতন আঙুল দিয়ে চোখের ওপর হ'তে তুলে' দিতে দিতে বললে, “লক্ষ্মীটি এবার ঘুমাও!” ব'লেই সে তার বৃকের কাছটিতে কোলের ওপর আমার ক্লান্ত মাথাটি তুলে নিলে। তার সহৃদের কণ্ঠে বীণার স্বর উঠ'ছিল—

“অশ্রু নদীর স্রূদূর পারে

ঘাট দেখা যায় তোমার দ্বারে।”

আমার পরশ-হরষে সন্ত-বিধবার কাঁদনের মত একটা আহত-ব্যথা টোল খাইয়ে গেল। আমি ঘুম-জড়ানো কণ্ঠে কণ্ঠ-ভরা মিনতি এনে বললাম, “আবার ঐটে গাইতে বল না ভাই!” গানের স্বরের পিছু পিছু আমার পিপাসিত চিত্ত হাওয়ার পারে কোন্ দিশেহারা উত্তরে

## বিস্তার বেদন

ছুটে চললো। তারপর...কেউ কোথাও নেই। একা—একা—শুধু একা! ওগো কোথায় আমার অশ্রু-নদী? কোথায় তার সুদূর পার? কোথায় বা তার ঘাট, আর সে কার দ্বারে? দিকহীন দিগন্ত সারা বিশ্বের অশ্রুর অতলতা নিয়ে আরেক সীমাহারার পানে মৌন ইঙ্গিত করতে লাগলো,—“ঐ—ঐ দিকে গো ঐ দিকে!”...হায়! কোথায় কোন্ কে কী ইঙ্গিত করে?

অলস-ঐাখির উদাস-চাওয়া আমার সারা অঙ্গে বুলিয়ে মলিন কর্তে কে এসে বিদায়-ডাক দিলে,—“পথিক উঠ! আমার যাবার সময় হয়ে এল।” আমি ঘুমের দেশের বাদশাজাদির পেশোয়াজ-প্রাস্ত জু'-হাত দিয়ে মুঠি করে ধরে 'বললাম, “না না, এখনও ত আমার ষষ্ঠবার সময় হয় নি।...কে তুমি ভাই? তোমার সব কিছুতে এত উদাস কান্না ফুটে উঠছে কেন?” তার গলার আওয়াজ একদম জড়িয়ে গেল। ভেজা কর্তে সে বললে, “আমার নাম শান্তি, আজ আমি তোমায় বড্ডো 'নিবিড় করে' পেয়েছিলাম।...এখন আমি যাই, তুমি উঠ! আয় সহি ঘুম, ওকে ছেড়ে দে!”

জেগে দেখি, কেউ কোথাও নেই, আমি একা! তখন মাজের রাণীর কালো ময়ূরপঙ্খী ডিঙিখানা ধূলি-মলিন পাল উড়িয়ে সাগর বুকে নেমেছে।...জানটা কেমন উদাস হয়ে গেল!...যারা আমার স্থপতির মাঝে এমন 'করে' জড়িয়ে ছিল, তাদের চেতনার মাঝে হারালাম কেন? এই জাগরণের একা-জীবন কী দুর্কিসহ বেদনার ঘায়ে ক্ষতবিক্ষত, কী নিষ্করণ শুষ্কতা তিত্ততায় ভরা। সেইদিন বুঝলাম, কত কষ্টে ক্লাস্ত পথিকের ব্যর্থ সন্ধ্যা-পথে উদাস পূরবীর অলস ক্রন্দন এলিয়ে এলিয়ে যায়—



“বেলা গেল তোমার পথ চেয়ে,  
শুগ্ধ ঘাটে একা আমি পার করে’  
নাও খেয়ার নেয়ে !”

হায়রে উদাসীন পথিক ! তোর সব ব্যর্থ ভাই, সব ব্যর্থ !  
কোথায় খেয়ার নেয়ে ভাই ? কোন্ অচিন্ত্য মাঝিকে এমন বুক-ফাটা  
ডাক ডাকিস্ তুই ? কোথায় সে ? কার পথ চেয়ে তোর বেলা  
গেল ? কে সে তোর জন্ম-জন্ম-ধরে’-চাওয়া না-পাওয়া ধন ? কোন্  
ঘাটে তুই একা বসে এই সুরের জল বুনছিস্ ? এ ঘাটে কি কোন  
দিন সে তার কলসিটি-কাঁখে চলতে গিয়ে ছু’হাতে ঘোমটা ফাঁক করে  
তোর মুখে চোপে বধূর আধখানা পুলক-চাওয়া খুঁষে গিয়েছিল ? না—  
কি—সে তার কমল-পায়ের জল-ভেজা পদচিহ্ন দিয়ে তোর পথের  
বুকে স্মৃতির আল্পনা কেটে গিয়েছিল ? কখনো কাউকে জীবন ভরে’  
পেলিনে বলেই কি তোর এত কষ্ট ভাই ? হায় ও-পারের যাত্রী, তোমার  
সেই “কবে-কখন-একটুখানি-পাওয়া” হৃদয়-লক্ষ্মীর চরণ ছোঁওয়া একটি  
ধূলি-কণাও আজ তোমার জগ্গে পড়ে’ নেই। বৃথাই সে রেণু-পরিমল  
পথে পথে খোঁজা ভাই, বৃথা—বৃথা !

অবুঝ মন ও-সব কিছু শুন্তে চায় না, বুঝতে চায় না। তার মুখে  
ক্ষ্যাপা মনসুরের একটি কথা “আনন্ হক্-এর মত যুগযুগান্তের ওই  
একই অতৃপ্ত শোর উঠছে, হায় হায় হারানো লক্ষ্মী আমার ! হায়  
আমার হারানো লক্ষ্মী !”

ঘুমিয়ে বরং থাকি ভালো। তখন যে আমি স্বপনের মাঝে আমার  
না-পাওয়া লক্ষ্মীকে হাজার বার হাজার রকমে পাই। তাকে এই যে  
জাগরণের মধ্যে পাবার একটা বিপুল আকাঙ্ক্ষা,—বুকে বুকে মুখে মুখে

## রিস্কের বেদন

চেপে নিতে, সেই তার উষ্ণ-পাওয়াকে আমি ঘূমের দেশে স্বপনের বাগিচায় বড় নিবিড় করেই পাই। মানুষের মন মস্ত প্রহেলিকা। মন নিক্তির মতন যখন যেদিকে ভার বেশী পায়, সেই দিকেই ছুয়ে পড়ে। ভাই কখনো মনে করি পাওয়াটাই বড়, পাওয়াতেই সার্থকতা। আবার পরক্ষণেই মনে হয়, না—না-পাওয়াটাই পাওয়া, ওই না-পাওয়াতেই সকল পাওয়া স্তম্ভ রয়েছে। এ সমস্তার আর মীমাংসা হ'ল না। অথচ দুই পথেরই লক্ষ্য এক! দুই শ্রোতেরই লক্ষ্য সাগর-প্রিয়ার সীমা-হারা বুকে নিজের সমস্ত বেগ সমস্ত গতি সমস্ত শ্রোত একেবারে শেষ করে ঢেলে' দেওয়া, তারপর নিজের অস্তিত্ব ভুলে যাওয়া—শুধু এক অন্নর এক! কিন্তু এই “প্রতি অঙ্গ লাগি কাঁদে প্রতি অঙ্গ মোর” কথাটার এমন একটা নেশা আর মাদকতা রয়েছে, যেটা অনবরত আমার মনের কামনা-কিশোরীকে শিউরিয়ে তুলেছে এবং বলছে, “বন্ধনেই মুক্তি,”— এই যে মানব-মনের চিরস্তনী বাণী, সেটা কি মিথ্যা? না, এ সমস্তার সমাধান নেই।

আবার মনটা গুলিয়ে যাচ্ছে!

আমার মনের ভোগ আর বৈরাগ্যের একটা নিষ্পত্তিও হ'ল না। আর তাই কাউকে জীবন ভ'রে পাওয়াও হ'ল না।

তবে?.....

কাউকে না পেয়েও আমার মনে এ কোন্ আদিম-বিরহী ভুবনভরা বিচ্ছেদ-ব্যথায় বুক পুরে' মূলুকে মূলুকে ছুটে বেড়াচ্ছে? ক্ষ্যাপার পরশ-মণি খোঁজার মতন আমিও কোন্ পরশ-মণির ছোঁওয়া পেতে দিকে দিকে দেশে দেশে ঘুরে মরছি? কোন্ লক্ষ্মীর আঁচল-প্রান্তে বাঁধা রয়েছে সে মাণিক? কোন্ তরুণীর গলায় রক্ষা-কবচ হয়ে ঝুলে সে পাথর?

ভাবতে ভাবতে চোখে জল গড়িয়ে এল। সেই জলবিন্দুতে সহস্র  
কার ছুটু হাসির চপল কিরণ ছল্-ছলিয়ে উঠলো। আমি চমকে সামনে  
চাইতেই দেখলাম, আকাশের মুক্ত আড়িনায় নলাটের আধফালি  
ঘোমটায় ঢেকে প্রদীপ-হাতে শাজের তারা দাঁড়িয়ে তার চোখের  
কিনারায, মুখের রেখায়, অধরপুটের কোণে কোণে ছুটুমীর হাসি  
লুকোচুরি খেলচে। বারে বারে উছলে-উঠা নিলাজ হাসি ঠোঁটের কাঁপন  
দিয়ে লুকোবার ব্যর্থ চেষ্টায় তার হাতের মঙ্গল-প্রদীপ কেঁপে কেঁপে  
লোলুপ শিখা বাড়িয়ে সুন্দরীর রাড়া গালে উষ্ণ চুম্বন এঁকে দেওয়ার  
ক্ষম আকুলি বিকুলি করছে। পাগলা হাওয়া বাবেবাবে তার বুকেব  
বসন উড়িয়ে দিয়ে বেচারীকে আরো অসম্মত, আরো বিব্রত ক'রে  
তুলছে।

অনেকক্ষণ ধরে সেও আমার পানে চেয়ে রইল, আমিও তার পানে  
চেয়ে রইলাম। আমার কণ্ঠ তখন কথা হারিয়ে ফেলেছে।

সে ক্রমেই অন্তপারের-পথে পিছু হেঁটে যেতে লাগলো। তার  
চোখের চাওয়া ক্রমেই মলিন সজল হয়ে উঠতে লাগলো। বড় বড়  
নিঃশ্বাস ফেলানোর দরুণ তার বুকের কাঁচলি বায়ুর মুখে কচিপাতার  
মত খরখর করে' কাঁপতে লাগলো। যতই সে আকাশ-পথ বেয়ে  
অন্ত-পল্লীর পথে চলতে লাগলো, ততই তার মুখ চোখ মুচ্ছাত্বরের  
মতন হলে' ফ্যাকাসে' হয়ে যেতে লাগলো। তারপর পথের শেষ-বীকে  
দাঁড়িয়ে সে তার শেষ অচপল অনিমেষ চাওয়া চেয়ে আমায় একটি  
ছোট্ট সেনাম করে' অদৃশ্য হয়ে গেল।

হিয়ায় হিয়ায় আমার শুধু একটি কাতর মিনতি মুঁড়ের মত না-কওয়া  
ভাষায় ধনিত হচ্ছিল—হায় সন্ধ্যা-লক্ষ্মী আমার হায় !”

## বিস্তার বেদন

হঠাৎ আমার মনে হ'ল, আমি কত বছর ধরে' যে এই রকম করে' রোজ সন্ধ্যা-লক্ষীর পানে চেয়ে চেয়ে আসছি তা কিছুতেই স্বরণ হয় না! শুধু এইটুকু মাত্র মনে পড়ে যে, সে-কোন-যুগে যেন আমি আজিকার মতনই এমনি করে প্রভাতের শুকতারাটির পানে শুধু উদয়-পথে তাকিয়ে থাকতাম। আমার সমস্ত সকাল যেন কোন প্রিয়তমার আসার আশায় নিবিড় স্নেহে ভরে' উঠতো। রোজ প্রভাতে উদয়-পথে মুষ্টি-মুষ্টি করে' ফাগ-মাখা ধূলি-রেণু ছড়াতে ছড়াতে সে আসতো। তারপর আমার পানে চেয়েই সলজ্জ তৃপ্তির হাসি হেসে যেন বারে-বারে আড়-নয়নের বাঁকা চাউনি হেনে বলতো, "ওগো পথ-চাওয়া বন্ধ আমার, আমি এসেছি!" আমি তার চোখের ভাষা বুঝতে পারতাম, তার চাওয়ার কওয়া শুনতে পেতাম।...তারপর অরুণদেব তাঁর রক্ত-চক্ষু দিয়ে আমাদের পানে চাইলেই সে ভীতা বালিকার মত ছুটে আকাশ-আড়িনা বেয়ে উর্ধ্বে—উর্ধ্বে আরো উর্ধ্বে উধাও হয়ে যেত। ছুটেতে ছুটেতেও কত হাসি তার! সারাদিন আমি শুনতে পেতাম তার ঐ পালিয়ে-যাওয়া পথের বৃকে তার কটি-কিঙ্কীর রিণিঝিনি, হাতের পাম্মার চুড়ির রিণিঝিনি আর পায়ের গুজ্জরী পাইজোরের রুম্বুমু। এমন করে' দিন যায়। একদিন আমি বললাম, "তুমি কি আমার পথে নেমে আসবে না প্রিয়?" সে আমার পানে একটু তাকিয়েই সিঁহুরে' আমের মত রেঙে উঠে' আধ-ফোটা কথায় কেঁপে বললে, "না প্রিয়, আমায় পেতে হ'লে তোমাকে এই তারারই একটি হ'তে হবে। আমি নেমে যেতে পারি নে, তোমাকে আমার পথেই উঠে আসতে হবে।" বলবার সময় অনামিকা অঙ্গুলি দিয়ে তার বেনারসি চেলীর আঁচলপ্রান্ত যেমন সে আনমনে জড়িয়ে যাচ্ছিল, তার চোখের চাওয়া মুখের কথা সেদিন যেন তেমনি

করেই অসহ ব্যথা-পুলকে জড়িয়ে জড়িয়ে যাচ্ছিল। বুঝলাম, সে বিশ্বের চিরন্তন ধারাটি বজায় রেখেই আমার সঙ্গে মিলতে চায়। আমার সৃষ্টিছাড়া-পথে বেরিয়ে পড়তে তার কোমল বৃকে সাহস পাচ্ছে না। যতই ভালোবাসুক না, আমার পথ-হারা পথে চলতে-আমার বিপুল ভার বয়ে সেই অজানা ভয়ের পথে চলতে—সে যেন কিছুতেই পারবে না।

কিন্তু তাই কি ?

হয়ত তা' ভুল। কেননা একদিন যেন সে বলেছিল, “প্রিয়তম, এ যে তোমার ভুলের পথ, এ পথ ত মঙ্গলের নয়। আঘাত দিয়ে তোমায় এ পথ হতে ফিরাতেই হবে। তোমায় কল্যাণের পথে না আনতে পারলে ত আমি তোমার লক্ষ্মী হতে পারিনে!” সে কথা যেন আজকের নয়, কোন্ অজানা নিশীতে আমি ঘুমের কানে শুনেছিলাম। তখন তা কিন্তু বুঝতে পারিনি।

আমি যেমন কিছুতেই তার চিরন্তন ধারাটির একগুঁয়েমি সহিতে পারলাম না, সেও তেমনি নীচে নেমে আমার পথে এল না।

বিদায় নেবার দিনও সে তেমনি করে হেসে গেছে। তেমনি করেই তার দুই চটুল চাউনি দিয়ে সে আমায় বারে বারে মিষ্টি বিক্রপ করেছে। শুধু একটা নতুন কথা শুনিয়ে গেছল, আর এ পথে আমাদের দেখা হবে না প্রিয়, এবার নতুন করে নতুন পথে নতুন পরিচয় নিয়ে আমরা আমাদের পূর্ণ করে চিন্বে।”

তার বিদায়-বেলার যে দীঘল শ্বাসটি শুনেও শুনি নি, আজ আমি সারা বাতাসে যেন সেই ব্যথিত কাঁপুনিটুকু অনুভব করছি। এখন সে বাতাস নিতেও কষ্ট হয়।...কবে আমার এ নিশ্বাস-প্রশ্বাসে-টেনে নেওয়া বায়ুর আয়ু চিরদিনের মত ফুরিয়ে যাবে প্রিয়? তার বিদায়-

## বিস্তার বেদন

চাওয়ার যে ভেজা দৃষ্টিটুকু আমি দেখেও দেখিনি, আজ সারা আকাশের কোটি কোটি তারার চোখের পাতায় সেই অশ্রুকাণ্ডাই দেখতে পাচ্ছি ! এখন তারা হাসলেও মনে হয়, শুধু কান্না আর কান্না ।

তারপর রোজ আসি রোজ যাই, কিন্তু উদয়-পথে আর তার রাঙা চরণের আলতার আলপনা ফুটলো না ! এখন অরুণ রবি আসে হাসতে হাসতে । তার সে হাসি আমার অসহ । পাখীর কণ্ঠের বিভাস সুর আমার কাণে যেন পূর্ববীর মত করুণ হয়ে বাজে ।...

আমি বললাম, হায় প্রিয়তম, তোমায় আমি হারিয়েছি !” দেখলাম আকাশ বাতাস আমার সে কান্নায় বোগ দিয়ে বুলছে, “তোমায় হারিয়েছি !” তখন সন্ধ্যা—ঐ দিহু-বেলায় ।

হঠাৎ ও’ কার চেনা-কঠ শুনি ? ও’ কার চেনা-চাওয়া দেখি ? ও’ কে রে, কে ?”

বললাম, “আজ এ বধুর বেশে কোথায় তুমি প্রিয় ?” সে বললে “অস্ত-পথে !

সে আরও বলে’ গেছে যে, সে রোজই তার স্নানমূর্তি নিয়ে এই অস্ত-গাঁয়ের আকাশ-আঙিনায় সন্ধ্যা-প্রদীপ দেখাতে আসবে । আমি যেন আর তার দৃষ্টির সীমানায় না আসি ।

বুঝলাম সে ষতদিন অস্ত-পারের দেশে বধু হয়ে থাকবে, ততদিন তার দিকে তাকাবারও আমার অধিকার নেই । আজও সে তার জগতের সেই চিরস্তন সহজ ধারাটুকুকে বজায় রেখে চলছে ! সে তো বিদ্রোহী হ’তে পারে না । সে যে নারী—কল্যাণী । সে-ই না বিশ্বকে সহজ ক’রে রেখেছে, তার অনন্ত ধারাটিকে অক্ষয় সামঞ্জস্য দিয়ে ঘিরে রেখেছে ।

## রিস্কের বেদন

শুধোলাম, “আবার কবে দেখা হবে তবে? আবার কখন পাবে তোমায়?” সে বললে, “প্রভাত বেলায় ওই উদয়-পথেই।”

আজ সে বধু, তাই তার সাজের-পথে আর তাকাই নি। জানি নে, কবে কোন্ উদয়-পথে কোন্ নিশিভোরে কেমন করে’ আমাদের আবার দেখা-শুনা হবে। তবু আমার আজো আশা আছে, দেখা হবেই, তাকে পাবই!

\* \* \* \* \*

সিন্দু পেরিয়ে ঘরের আড়িনাথ যখন একা এসে ক্লাস্ত চরণে দাঁড়ালাম, তখন ভাবিজি জিজ্ঞাসা করলেন, “হাঁ ভাই, তুমি নাকি বে করেছ?” আমি মলিন হাসি হেসে বললাম ‘হাঁ!’ তিনি হেসে শুধোলেন, “তা বেশ করেছ। বধু কোথায়? নাম কি তার?”

অনেক্ষণ নিঃশব্দে বসে’ রইলাম। শ্রী-রাগের সুরে সুর-মুচ্ছিতা মলিনা সন্ধ্যার ঘোমটার কালো আবছায়া যেন সিয়াহ কাফনের মত পশ্চিমমুখী ধরণীব মুখ ঢেকে ফেলতে লাগলো। আমি অগৃঢ়িক মুখ ফিরিয়ে নিলাম।

তারপর অতিকষ্টে ঐ পশ্চিম-পারের পানে আঙুল বাড়িয়ে বললাম, “অস্তপারের সন্ধ্যা-লক্ষ্মী!”

ভাবিজ্ঞানের ডাগর আঁখিপল্লব সিক্ত হয়ে উঠলো; দৃষ্টিটুকু অব্যক্ত ব্যথায় নত হয়ে এলো। কালো সন্ধ্যা নিবিড় হয়ে নেমে এলো।





---

ରା କୁ ମୀ

---



# রান্ধুসী

( বীরভূমের বাগ্‌দীদের ভাষায় )

( ক )

“আজ এই পুরো ছুটো বছর ধ’রে ভাবছি, শুধু ভাবছি,—  
আর সব চেয়ে আশ্চর্য্য হচ্ছে, লোকে আমাকে দেখলেই এমন  
করে ছুটে পালায় কেন! পুরুষেরা, যারা সব পর্দার আড়ালে গিয়ে  
মেয়েমহলে খুব জাঁদরেলি রকমের শোরগোল আর হাল্লা করেন,  
আর যাদের সেই বিদঘুটে টেঁচানির চোটে ছেলেমেয়েরা ভয়ে ‘নফ্‌সি  
নফ্‌সি’ করে, সেই মন্দ্রাই আবার আমায় দেখলে হাঁকো হাতে  
দাওয়া হ’তে আস্তে আস্তে সরে’ পড়েন, তখন নাকি তাঁদের অন্তর  
মহলে যাবার ভয়ানক ‘হাজত’ হয়! মেয়েরা আমাকে দেখলেই কাঁক  
হতে’ ডুম্‌ করে’ কলসী ফেলে সে কি লম্বা ছুট দেয়! ছেলেমেয়েরা ত  
নাকমুখ সিঁটকে ভয়ে একেবারে আঁংকে উঠে। হাজার গজ দূরে  
থেকে বলে, “ওরে বাপ’রে, ঐ এল পাগ্‌লী রান্ধুসী মাগী, পালা—পালা!  
থলে, থলে!”—কেনে! আমি কোন্‌ উনোনমুখো স্ফুঁটকোর পাকা  
ধানে মই দিয়েছি? কোন্‌ খাল্‌ভরা ড্যাক্‌রার মুখে আগুন দিয়েছি?  
কোন্‌ চোখ্‌খাগী আবাগীর বেটির বৃকে বসে তপ্তখোলা ভেঙেছি? কা’র  
গতর আমকাঠ না কুল-কাঠের আখায় চড়িয়েছি? কোন্‌ ছেলেমেয়ের  
কাঁচা মাথাটা চিবিয়ে খেয়েছি? বলত বুন, তাদের কি ‘সরোকার’  
আছে আমায় যা’ তা’ বল্‌বার? কে তা’রা আমার?—মেরেছি?—  
বেশ করেছি, নিজের ‘সোয়ামীকে’ মেরেছি!...শুধু মেরেছি? না’

## রিস্কের বেদন

দিয়ে কেটেছি! তা'তে ওদের এত বুক চড়্‌চড়্‌ করবে কেনে? ওদের কারুর বুক থেকে ত সোয়ামীকে কেড়ে লি' নাই, আর হত্যেও করি নাই, তা'তে ওদের কথা বলবার আর সাওখুড়ি করবার কি আছে? ওরা কি আমার সাতপুরুষের কুটুম না গিয়া'ত? যদি এই বুকমই করতে থাকে, তবে আমি সত্যিকারের রাঙ্কসীই হয়ে দাঁড়াব বলে' রাখছি তখন।' এক এক দায়ের কোপে ওদের সোয়ামীর মাথাগুলো খড় থেকে আলাদা করে দিব, মেয়েগুলোর বুক ফেঁড়ে কস্‌জ্‌গুলো ধরে' পিশে পিশে দিব, তবে না সে আমার নাম সত্যি-সত্যিই রাঙ্কসী হয়ে দাঁড়াবে!

“আমায় পাগল করলে কে? এই মানুষগুলোই ত—আমি ত ফের তেমনি করেই—যেন কিছুই হয় নাই—ঘর পেতেছিলুম। রাত্তির দিন আমার কানের গোড়ায় আনাচে কাণাচে, পথে, ঘাটে, কাজকর্মে, মজলিসে জৌলুসে আমার নামে রাঙ্কসী রাঙ্কসী বলে' কুংসা ঘেমা, মুখ ব্যাকানি, চোখ রাঙানি,—এই সব মিলেই ত আমার মাথার মগজ বিগড়ে দিল? যে ব্যাথাটাকে আমি আমার মনের মাঝেই চেপে রেখেছিলুম, সেটাকে আবার জাগিয়ে তুলে চোখের সামনে সোজা করে ধরলে ত এরাই! আচ্ছা তুই-ই বলত বুন, এ পাগল হওয়ার দোষটা কার? একটা ভাল মানুষকে খোঁচা মেরে মেরে ক্ষেপিয়ে তুললে সে দোষটা কি সেই ভালমানুষের, না যে ভাল-মানুষেরা তাকে ক্ষেপিয়ে তোলে, তাদের?”—

“আমার সোয়ামী ছিল সিদেসাদা মানুষ, সে ত সোজা ছাড়া বাঁক কিছু জানত না। সে চাষ করত, কির্যাণি করত, আমি সারাটি দিন মাছ ধরে', চাল কেঁড়ে', ধান ভেনে' আনতুম। তা না হ'লে চল্বে

## রিক্তের বেদন

কি ক'রে দিদি? তখন আমাদের তিনটি পুষ্টি,—বড় ছেলে সোমখ হয়ে উঠেছে, বে'থা না দিলে উপর-নজর হবে, মেয়েটাও ঢ্যাং-টেঙিয়ে বেড়ে উঠেছিল আর আমার কোলপু'ছা' ছোট মেয়েটিরও তখন হাঁকো হাঁকো করে দু-একটি কথা ফুটছিল। ছা-পোষা মানুষ হ'লেও দিদি আমাদের সংসারে ত অভাব ছিল না কোন কিছু, তোমাদের পাঁচজনের আশীর্বাদে। এই বিন্দিই তখন নাই নাই করে' দিনের শেষে তিনটি সের চা'ল তরকারীর জগ্গে মাছ রে, শামুক রে, গুগ'লি রে, পিখিমির জিনিষ জোগাড় করে আনত। তা ছাড়া বড় ছেলেরাও তোমাদের শীচরণের আশীর্বাদে করে' কর্ণে' দু' পয়সা ঘরে আনছিল। মেয়েটাও পাড়ার বৌ-ঝিদের সঙ্গে যা দু'চারটে শাগ মাছ আনতো। তাতেও নেহাৎ কম পয়সা হ'ত না, লুণ তেলের খরচটা ওর বেশ দিবিচলে যেত। এ সবে উপর সোয়ামী বছরের শেষে চাষবাস আর কিরুশাণি করে যা ধানচাল আনত, তাতে সারা বছর খুব 'দচল বচল' ক'রে খেয়েও ফুরাত না। সংসারের তখন কি ছিরিই ছিল! লক্ষ্মী যেন মুখ তুলে চেয়েছিলেন। এত সব কার জগ্গে—ঐ ছেলে-মেয়েগুলির জগ্গেই ত? সারা দিন রেতে' একটি সেরের বেশী চাল রাখতুম না। বলি, আহা, শেষে আমার ছেলেরা কষ্ট পাবে! সোয়ামী আর ছেলেগুলোকে দিতুম ভাত, আর নিজে খেতুম মাড়—শুদ্ধ ভাতের ফেণ! মেয়ে মানুষের আবার সুখ কি, ছেলেমেয়ে যদি ঠাণ্ডা রইল তাতেই আমাদের জান ঠাণ্ডা! নাইবা হলুম জমিদার। আমরা ত কারুর কাছে ভিক্ষে করতুম না, চুরি দারিও করতুম না। নিজের মেহনতের পয়সা নেড়ে চেড়ে খেতুম। নিজে খেতুম, আর পাল্লেরে পার্কনেরে যেমন অবস্থা ছুদশটা অতিথ ফকিরকেও খাওয়াতুম।

## রিক্তের বেদন

আহা, ওতেই ত আমার বুক ভরে' ছিল দিদি! লোকে বলত আমি নাকি বড্ডো 'কির্পিণ', কারণ আমি একটি পয়সা বাজে খরচ করতুম না তা বললে আর কি করব, তাতে আমার বয়ে যেত না। তারা ত জানত না, আমার মাথায় কি বোঝা চাপানো রয়েছে। দু দুটো মেয়ে আর একটি ছেলের বিয়ে দিতে হবে, বাড়ীতে বউ আসবে, জামাই আসবে, আমার এই মাটির ঘরই আনন্দে ইন্দিরপুরি হয়ে উঠবে, দুটো সাদ আরমান আছে—তাতে কত খরচ বন্ধ দিকিনি বুন? দায়ে ঠেকলে কেউ একটা পয়সা কর্জ দিয়ে চালাবে? বাপের বাপ এই বিন্দির অজানা নেই গো, গলায় সাপ বেঁধে পড়লেও কোন বেটি একটি ক্ষুদ্রকণা দিয়ে শুধায় না। তার আবার গুমোর! আমার কাছে ও-সব শুধু কথায় চিড়ে ভিজ্জে না বাপু। তবে বুকতুম, অনেক কড়ুই রাড়ীর বুক চচ্চড় করত হিংসেয়, আমাদের এই এতটুকু স্বথ দেখে।

“এমনি করেই খুব স্বথে দিন যাচ্ছিল আমাদের! আমি মনে করতুম, আর ষ'টা দিন বাঁচি এমনি করে সোয়ামীর সেবা করে’, ছেলে-মেয়ে চরিয়ে, নাতি পুতি দেখে আমার হাতের নোওয়া অক্ষয় রেখে, মরি; কিন্তু তা আর পোড়া বিধাতার সহ্য না। আমার সাথের ঘরকন্না শ্মশানপুরী হ'য়ে গেল! আমার এত আশা ভরসা সব-তাতে চুলোর ছাই-পাঁশ পড়ল! শুনে যা দিদি, শুনে যা সব, আর যদি দোষ দেখিস্ ত তোর ঐ মুড়ো খ্যাংরা দিয়ে আমার বিষ ঝেড়ে' দিয়ে যাস্, সাত উল্লুনের বাসি ছাই আমার পোড়া মুখে দিয়ে দিস্! হায় বুন, আমার 'দুখখুর' কথা শুনলে পাথর গলে মোম হয়ে যায়, কিন্তু গাঁয়ের এই বেদিন্ মাছুষগুলো আমায় এতটুকু পেরুবোধ ত দেয়ই না, তার উপর রাত্তির দিন নানান কথা বলে' জানটাকে

ক্ষেপিয়ে তুলেছে? মনে করি আমার সব পেটের কথা কারুর কাছে তন্ন তন্ন করে বলি আর খুব একচোট কেঁদে নিয়ে মনটাকে হাল্কা করি। তা যারই কাছ ঘেঁসতে চাই সেই মনে করে এই আমার খেলে'রে! আমি যেন ডাইনি কুলুকীরও অধম! এই 'হেনেস্কা' আর ভয় করার দরুণে আমার সমস্ত মগজটা চম্‌চম্‌ করে ধরে যায়, কাজেই আমার পাগলামি তখন আরও বেড়ে যায়। সাধে কি আমার মুখ দিয়ে এত গালিগালাজ শাপমণ্ডি বেরোয় বুন! তুই সব কথা শুন্‌ আর নাথি মেরে' আমার খোঁতা মুখ ভোঁতা করে' দিয়ে যা!

( ধ )

“তু ত বরাবরই জানতিস্ দিদি, আমাদের পাঁচুর বাপ ছিল বরাবরকার সিদেসাদা মাহুঘ, সে হের-ফের বা কথার প্যাচ বুঝত না। নাকটা সোজাসুজি না দেখিয়ে হাতটা পিঠ দিক দিয়ে বাঁকিয়ে এনে দেখানোটা তার মগজে আর্দো চুকত না। কত আঁটকুড়ো নদী-ভরাই যে ওকে দিয়ে বিনি পয়সায় বেগার খাটিয়ে নেত, হাত হ'তে পয়সা ভুলিয়ে নেত, তার আর সংখ্যা নাই! ঐ নিয়ে বোচারাকে আমি কতদিন গা'লমন্দ দিয়েছি, কত বুদ্ধি দিতে চেষ্টা করেছি, কিন্তু কিছুতেই কিছু হয় নাই। কথায় বলে, 'স্বভাব যায় না মলে'—ওর আর একটা বদ্‌ অভ্যাস ছিল, ও বড্ড মদ খেত। কতদিন বলেছি, “তুমি মদ খাও ক্ষতি নেই, দেখো তোমায় মদে যেন না খায়!” কিন্তু সে তা শুন্ত না; একটু ফাঁক পেলেই যা রোজগার করত তা সব শুঁড়ির পায়ের টেলে আসত। যাক্, ওরকম ছ্চারটে বদ্‌ অভ্যাস পুরুষমাহুঘের

## শিক্তের বেদন

থাকেই থাকে—ওতে তেমন আস্ত যেত না, কিন্তু অমন শিবের মত সোয়ামী আমার শেষে এমন কাজ করে ফেললে, যা বুন, তুই কেন—আমারও বিশ্বাস হচ্ছে না। তার মত অমন সোজা লোক পেয়ে কে কি খাইয়ে দিয়ে তাকে যে অমন করে দিয়েছিল, তা আমি নিজেই বুঝতে পারি নাই।

“জানিস ওপাড়ার রঘো বাগদীর দু-তিনটে ‘শ্রাঙ্গাকরা’ ‘কডুই রাঁড়ীর মেয়েটা কি-রকম পাড়া মাথায় করে তুলেছিল। ছুঁড়ি কখনও সোয়ামীর ঘর ত করেই নাই, মাঝে থেকে পাড়ার ছেলে ছোকরাদের কাঁচা বুকে ঘুণ ধরিয়ে দিচ্ছিল। আর তার বাপ মাকেই বা কি বলব,—ছি, আমারই মনে হ’ত যে, বিষ খেয়ে মরি! মাগো মা, বাগদী জাতটার ওপর ঘেন্না ধরিয়ে দিলে!—

“তু ত জানিস মাখন-দি, বুটমুট আমাদের গাঁয়ের লোকের আর আমাদের বাগদীগুলোর বিশ্বাস ছিল যে, আমাদের হাতে অনেক টাকা আছে। আবার ‘সে কত পুতখাগীর বেটির লোকের ঘরে ঘরে রটিয়ে এসেছিল, আমরা নাকি যক্ষির টাকা পেয়েছি। বলত বুন, এতে হাসি পায় না?

“হে,—আমাদের ঐ টাকার লোভেই ঐ “রাঁড় হয়ে ষাঁড় হওয়া” ছুঁড়িটা ঐ শিবের মত সোজা ভোলানাথ সোয়ামীকে আমার পেয়ে বসল। আর সত্যি বলতে কি, মিনসের চেহারাও ত আর নেহাৎ মন্দ ছিল না! ধুতি চাদর পরিয়ে দিলে মনে হত একটি খাসা ‘ভদ্ররত্নক’।’

“ওর যেদিন আমি পেশ্বম এই কথাটি শুনলুম, তখন আমার মনটা যে কেমন হয়ে গেল; তা বুন তোকে ঠিক বুঝিয়ে বলতে পারব



না। মাথায় বাজ পড়লেও বোধ হয় লোকে অত বেথা পায় না। আমি সেদিন তাকে রাতে খুব ঝাঁটাপেটা করলুম। অ'বুন! —যে অমন মাটির মাছ, সাতচড়ে যার বা বেরোত না সেও কিনা সেদিন আমার এই বুঁট ধরে' একটা চেলাকাঠে করে' উঃ সে কি মার মারলে। কাঠটার চেয়েও বেশী ফেটে' ফেটে' আনার পিঠ দিয়ে রক্ত পড়তে লাগল! কিন্তু সত্যি বলতে কি, তখনকার এত যে বাইরের বেথা, তা'ত আমি বুঝতে পারছিলুম না, কেন না আমার বুকটা তখন আরো বেশী ফেটে' গিয়েছিল! আমি যে সেদিন স্পষ্ট বুঝলুম, আমার নিজের সোয়ামী আজ পর হ'ল! আমি দেখতে পেলুম, আমার কপাল পুড়েছে। তখন ঠিক যেন কেউ তপ্ত লোহা দিয়ে আমার বৃকের ভিতরটায় ছ্যাকা দিচ্ছিল—আমি ফুঁপিয়ে উঠলুম!

“সে সঙ্গে আমার যত রাগ হ'ল সেই হারামজাদি বেটির উপর। মনে হ'তে লাগল এখন যদি তাকে পাই, ত নখে করে' হিঁড়ে ফেলি। কিন্তু কোনদিনই তার নাগাল পাই নাই। সে আমাকে দেখলেই সরে' পড়ত।

(গ)

“ক্রমেই আমার সোয়ামী বাড়াবাড়ি আরম্ভ করলে। সে আর প্রায়ই ঘরে আনত না! মূনিব-ঘরে খাটত, খেত, আর ওদের ঘরটাতেই গিয়ে শুয়ে থাকত! আমি, আমার ছেলে, পাড়ার সব ভাল লোক মিলে কত বুঝালুম তাকে, কিন্তু হয়, তাকে আর ফিরাতে পারলুম না, ছুঁড়ি যে ওকে যাহু করেছিল! একেবারে ভেড়া বানিয়ে দিয়েছিল! তখন বুঝলুম এতদিনে মিন্‌ষের ভীমরতি ধরেছে।

## রিস্কের বেদন

ওকে 'উনপঞ্চাশে' পেয়েছে; তা নৈলে কি এমন চোখের মাথা খেয়ে বসে লোকে! একদিন পায়ে ধরে' জানালুম, সে কত বড় ভুল করতে যাচ্ছে। সে আমার মুখে লাগি মেরে চলে গেল। আমার সারা দেহ দিয়ে আগুনের মত গরম কি একটা ঠিকরে বেরুতে লাগলো; বুঝলুম সে এত বেশী এগিয়ে গিয়েছে নরকের দিকে যে, তাকে ফেরানো যায় না।

"তার উপর রাস্তায় ঘাটে ঐ বিক্রী কথটা নিয়ে আমার গল্পনা—খোঁচা। আমি ক্ষেপার মত হয়ে পেতিজ্ঞা করলুম, শোধ নেব, শোধ নেব। তবে আমার নাম বিন্দি!

"আর একদিন মাঠ হ'তে এসে শুনলুম মিন্বে নাকি আমার বাক্স ভেঙ্গে, জোর করে' যা দুচার-পয়সা জমিয়ে ছিলুম সব ছিনিয়ে নিয়ে গেছে, একটা কাণা কড়িও থুয়ে যায় নাই। আরও শুনলাম, তার দু'দিন পরেই নাকি ঐ ছুঁড়ির সঙ্গে, তার "স্যাঙ্ক হবে। সব ঠিকঠাক হ'য়ে গেছে। সে নাকি ঐ সমস্ত নগদ টাকা নিয়ে গিয়ে তার হবু-স্বস্তরের 'শ্রীপাদপদে' ঢেলেছে। হায়রে আমার রক্তের চেয়েও পিয়ারা টাকা। তার এই দশা হ'ল শেষে? মাহুষ এত নীচুদিকে যেতে পারে? তখন ভাববার ফুরসৎ ছিল না, ঐ দুদিনের মধ্যেই যা করবার একটা করে' নিতে হবে, তারপর আর সময় পাওয়া যাবে না। ভাবতে লাগলুম, কি করা যায়? একটা দেবতার মত লোক সিধা নরকে নেমে যাচ্ছে এক এক পা ক'রে আর বেশী দূর নাই, অথচ ফিরাবার কোন উপায় নাই। তখন তাকে হত্যা করলে কি পাপ হয়? তাছাড়া আমি তার 'ইঞ্জি', আমারও ত একটা কর্তব্য আছে, আমার সোয়ামী যদি বেপথে যায়, ত আমি না ফিরালে অল্প কে এসে ফিরাবে?"

## রিক্তের বেদন

আর সে এই রকম বেপথে গেলে ভগবানের কাছে ধর্মতঃ আমিই তো দায়ী। ধর আমি যদি তাকে এই সময়ে একেবারে শেষ করে' ফেলি তাহ'লে তার ত আর কোন পাপ থাকবে না। যত পাপ হবে আমার। তা হোক, সোয়ামীর পাপ তার 'ইন্দ্রি' নেবে না ত কি নেবে এসে শেঙড়াগাছের ভূত ?

“আমি মনকে শক্ত করে' ফেল্‌লুম! হাঁ, হতোই করুব যা থাকে কপালে!—ভগবান তুমি সাক্ষী রইলে, আমি আমার দেবতাকে নরকে ষাবার আগে তাঁর জানটা তোমার পায়ে জবা ফুলের মত 'উচ্চুগু' করুব, তুমি তাঁর সব সব পাপ খণ্ডন করে' আমাকে শুধু 'তথথ' আর কষ্ট দাও! আমার তাই আনন্দ!

“সেদিন সাঁঝে একটু ঝিম্‌ঝিম্ বিষ্টির পর মেঘটা বেশ পরিষ্কার হয়ে এসেছে। এমন সময় দেখতে পেলুম, আমার সোয়ামী একা ঐ আবাবীদের বাড়ীর পেছনের তেঁতুল গাছটার তলায় বসে খুব মন দিয়ে একটা খাটের খুরোয় র'গাদা বুলোচ্ছে!—কি করতে হবে ঝাঁ করে ভেবে নিলুম! চারিদিকে তাকিয়ে দেখ্‌লুম কেউ কোথাও নাই। আমি পাগ্‌লার মত ছুটে এসে দাটা বের করে' নিলুম, সাঁজের সূর্য্যটার লাল আলো দাটার উপর পড়ে চক্‌মক্ করে' উঠ্‌ল—ঐ ঝাপসা রোদেই আবার বিষ্টি নেমে এল—ঝিম্‌ ঝিম্‌ ঝিম্‌! বাড়ীর পাশে তখন একপাল ঝাংটা ছেলে জলে ভিজ্‌তে ভিজ্‌তে গাইছিল।

“রোদে রোদে বিষ্টি হয়,

খ্যাকশিয়ালের বিয়ে হয়।”

“আমি আঁচলে দাটা লুকিয়ে দৌড়ে' বাঘিনীর মত গিয়ে ওঃ কি সে জ্বরে তার বুকে চেপে বস্‌লুম! সে হাজার জ্বর করেও আমায়

## রিক্তের বেদন

উর্শ্টিয়ে ফেলতে পারলে না! তার ঘাড়ে মস্ত একটা কোপ বসিয়ে দিতেই আমার হাতটা অবশ হয়ে এল! তখন সে দৌড়ে পাশের পার্টফেতটায় গিয়ে চীৎকার করে' পড়ল! আমি তখন রক্তমুখো হয়ে উঠেছি! আমি আবার গিয়ে দুটো কোপ বসাতেই তার ঘাড় হ'তেই মাথাটা আলাদা হয়ে গেল! তারপর খালি লাল আর লাল!—আমার চারিদিকে শুধু রক্ত নেচে' বেড়াতে লাগল!—তারপর কি হয়েছিল আমার আর মনে নেই।

“যেদিন আমার বেশ জ্ঞান হ'ল সেদিন দেখলুম আমি একটা নতুন জায়গায় রয়েছি, আর তার চারিদিকে সে কতই রং বেরং এর লোক! আর সব চেয়ে আশ্চর্য্য হচ্ছিলুম এই দেখে যে আমিও তাদের মাঝে খুব জোরে জাঁতা পিশ্ছি! এতদিনের পর সূর্যের আলো—ওঃ সে কত সুন্দর সাদা হয়ে দেখালো! এর আগে চোখের পাতায় শুধু একটা লাল রং ধূ ধূ করত। জিজ্ঞাসা করে' জানলুম ওটা শিউড়ির জেলখানা। আমার সাত বছরের জেল হয়েছে! এই—মাত্র তিনমাস গিয়েছে। আমি নাকি ম্যাজিষ্ট্রর সাহেবের কাছে সব কথা নিজে মুখে স্বীকার করেছিলুম। তবে আমার শাস্তি অত হত না—দারোগাবাবু গাঁয়ে গিয়ে খুব বাড়াবাড়ি করায় আমি নাকি তাকে প্যাংরাপেটা করে' বলেছিলুম, সে যেন জোর জুলুম না করে গাঁয়ে, সে-ই নাকি সাহেবকে বলে' এত শাস্তি দিইয়ে দিয়েছে।

“মাগো মা! সে কি খাটুনি জেলে! তবু দিদি, যতদিন মনে ছিল না কিছু, ততদিন যে বেশ ভাল ছিলুম! জ্ঞান হয়ে সে কি জালা! তখন কাজের অকাজের মাঝে চোখের সামনে ভেসে উঠত সেই ফিং-দিয়ে-ওঁটা হালকা হালকা রক্ত! ওঃ কত সে রক্তের তেজ! বাপ্রে

বাপ্ সে মনে পড়লে আমি এখনও বেঁহুস হয়ে পড়ি! মাথাটা যখন কাটা গেল, তখন ঐ আলাদা ধড়টা, কাংলা মাছকে ডেকায় তুললে যেমন করে ঠিক তেমনি করে' কাংরে' কাংরে' উঠছিল! এত রক্তও থাকে গো একটা এতটুকু মাহুষের দেহে! আমি একটুকুও আঁধারে থাকতে পারতুম না ভয়ে! কেন না তখন স্পষ্ট এসে দেখা দিত সেই মাথাছাড়া দেহটা আর দেহছাড়া মাথাটা।—ওঃ—

“তারপর দিদি, কোন্ জঙ্ক' নাকি সাত সমুদ্র তের নদী পার হয়ে এসে দিল্লীর বাদসাহী তক্তে বসলেন, আর সব কয়েদীরা খালাস পেল! আমিও তাদের সাথে ছাড়া পেলুম!

“দেখ্‌লি দিদি ভগবান আছেন! তিনি ত জানেন, আমি গায় ছাড়া অগায় কিছু করি নাই। নিঞ্জের সোয়ামী দেবতাকে নরকে যাবার আগেই ও পথ থেকে সরিয়ে দিয়েছি। পুরুষেরা ভতে বাই বলুক, আমি আর আমার ভগবান এই দুই জনাতেই জান্তুম, এ একটা মস্ত সোজ্জা হুজি সত্যিকার বিচার। আর পুরুষেরা ওরকম চোঁচাবেই; —কারণ তারা দেখে আস্ছে যে সেই মাঙ্কাতার আমল থেকে শুধু মেয়েরাই কাটা পড়েছে তাদের দোষের জন্তে। মেয়েরা পেথম্ পেথম্ এই পুরুষদের মতই চোঁচিয়ে উঠেছিল কি না এই অবিচারে, তা আমি জানি না। তবে ক্রমে তাদের ধ'তে যে এ খুবই সয়ে গিয়েছে এ নিশ্চয়। আমি যদি ঐ রকম একটা কাণ্ড বাধিয়ে বসতুম আর যদি আমার সোয়ামী ঐ জন্তে আমাকে কেটে ফেলত তাহ'লে পুরুষেরা একটি কথাও বলত না। তাদের সঙ্গে মেয়েরাও বলত, “হাঁ ও-রকম ধারাপ মেয়েমাহুষের ঐ রকমেই মরা উচিত!” কারণ তারাও বরাবর দেখে আস্ছে, পুরুষদের সাত খন মাফ।

## রিস্কের বেদন

“তা ছাড়া, আমি মানুষের দেওয়ার চেয়ে অনেক বড় শাস্তি পেয়েছিলুম নিজের মনের মাঝে। আমার জ্বালাটা যে সদা সর্বদা কি রকম মোচড়ে মোচড়ে উঠত তা কে বুঝত বন্দে দেখি বুন? নিজে হাত কাটলেও সেত ছিল আমার নিজেরই সোয়ামী! কোন্ জজ নাকি তাঁর নিজের ছেলের ফাঁসির হুকুম দিয়েছিলেন, তা হ’লেও—অত শক্ত হ’লেও—তাঁর বৃকে কি একটুকুও লাগে নাই ঐ হুকুমটা দিবার সময়?—আহা, যখন তার বৃকে বসে একটা পেরকাও রাক্ষসীর মতই তার গলায় দা-টা চেপে ধরলুম, তখন আঃ, কি মিনতি ভরা গোঙানিই তার গলা থেকে বেরোচ্ছিল! চোখে কি সে একটা ভীত চাউনি আমার ক্ষমা চাইছিল।—আঃ! আঃ!

“জেলে রাত্তিরদিন কাজের মধ্যে ব্যস্ত থেকে কোন কিছু ভাববার সময় পেতুম না। মনটাকে ভাববারই সে সময় দিতুম না। কাজের উপর কাজ চাপিয়ে তাকে এত বেশী জড়িয়ে রাখতুম যে, শেষে কখন যে ঘুম এসে, আমাকে অবশ করে দিয়ে যেত, তা বুঝতেই পারতুম না। এখন, যেদিন ছাড়া পেলুম, সে দিন আমার সমস্ত বৃকটা কিসের কান্নায় হা হা করে’ চেষ্টিয়ে উঠল! এতদিন যে বেশ ছিলুম এই জেলের মাঝে! এতদিন আমার মনটা যে খুব শান্ত ছিল! এখন এই ছাড়া পেয়ে আমি যাই কোথা? ওঃ ছাড়া পাওয়ার সে কি বিষের মতন জ্বালা!

“ঘরেই এলুম!—দেখলুম আমার ছেলে বে করেছে। বেশ টুকটুকে মেণীপরা বৌটি! আমি ফিরে এসেছি শুনে’ গাঁয়ের লোকে ‘হাঁ হাঁ’ করে ছুটে’ এল; বললে “গাঁয়ে এবার মড়কচণ্ডি হবে! বাপরে সাক্ষাৎ তাড়কা রাক্ষসী এবার গাঁয়ে ফিরে এসেছে, এবার

আর রক্ষা নাই—নিঘ্ণাত যমালয়!—” পেথম্ পেথম্ আমি তাদের কথায় কাণ দিতুম না। মনে করলুম, “কাণ করেছি ঢোল, কত বল্বি বল্।” শেষে কিন্তু আর কাণ না দিয়েও যে আর পারলুম না। তাদের বলার মাঝে যে একটুও থামা ছিল না! যেন কিছুই হয় নাই এই ভেবে আমি আমার বৌ বেটা নিয়ে ঘর সংসার নতুন করে’ পাতালুম, লোকে তা লগুভগু করে’ দিলে। মেয়ের বিয়ে দিতে চাইলুম, কেউ বিয়ে করলে না, বল্লে, “রাস্কুসীর মেয়ে রাস্কুসী হবে এ ডাহা সতি্য কথা।” এতদিন যে বেথাটা আমি ছুহাত দিয়ে চাপা দিতে চাইছিলুম, সেইটাই দেশের লোক উস্কে উস্কে বের করে’ চোখের সামনে ধরতে লাগল। সোনার চাঁদ ছেলে আমার একটি কথাও শুনলে না,—আমার যে কেমন করে’ কি হ’ল তা ভুলেও কোন কথার মাঝে জিজ্ঞেস করলে না, খুসী হয়েই আমাকে সংসারের সব ভার ছেড়ে দিলে, কেন না সে বুঝেছিল যা গিয়েছে তার খেসারতের জন্তে আর একজনকে হারাব কেনে! আর এই কড়ুই রাঁড়ী আঁটকুড়িরা যারা আমার সাত পুরুষের গিয়াত্ কুটুম নয়, তারা কিনা রাত্তির দিন খেয়ে না খেয়ে লেগে’ গেল আমার পেছনে! দেবতাদের শাপের মত এসে আমাদের সব স্বথশান্তি নষ্ট করে দিলে!—আমার ছেলেকে তারা একঘরে পতিত করলে, তাতেও তাদের সাধ মিটল না। নানান্ পেকারে—নানান্ ছুঁতোয় এই দুটো বছর ধরে’ কি না কষ্টই দিয়েছে এই গাঁয়ের লোকে! দিদি, পথের কুকুরকেও এত ঘেন্না হেনস্থা করে না! এতে যে ভাল মাহুষেরই মাথা বিগড়ে যায়, আমার মত শতেক-খুয়ারী ডাইনী রাস্কুসীর ত কথাই নাই! তাও দিদি খুবই সয়ে থাকি, নিতাস্ত বিরক্ত না করে’ তুললে ওদের গাল মন্দ দিই না

## য়িস্কের বেদন

বত্রিশ নাড়ি পাক দিলে তবে কখনো লোকের মুখ দিয়ে ‘শাপমন্ত্ৰি’  
বেরোয় !

“এখন ত তুই সব স্তম্ভি দিদি, এখন বল, দোষ কার ? আর তুই  
ঐ হাতের মাল্‌সাটা আমার মাথায় ভেঙ্গে আমার মাথাটা চৌচির করে’  
দে—সব পাপের শাস্তি হোক !—ওঃ ভগবান !!”



---

“সা লে ক”

---



## “সালোক”

( ক )

আজকার প্রভাতের সঙ্গে শহরে আবির্ভূত হয়েছেন এক অচেনা দরবেশ। ‘সাগরমহনের মত হুজুগে’ লোকের কোলাহল উঠেছে পথে, ঘাটে, মাঠে,—বাইরের সব যাবগায়। অন্তঃপুরচারিণী অসুখ্যস্পষ্টা জেনানেদের হেরেম্ তেমনি নিস্তর নীরব,—যেমন রোজই থাকে দুনিয়ার সব কলরব হ-য-ব-র-ল’র একটেরে! বাইরে উঠছে কোলাহল—ভিতরে ছুটছে স্পন্দন!

সবারই মুখে এক কথা, “ইনি কে? যার এই আচম্কা আগমনে নতন করে’ আজ নিশিভোরে উষার পাখীর বৈতালিক গানে মোচড় পেয়ে পেয়ে কেঁপে উঠল আগমনীর আনন্দ-ভৈরবী আর বিভাস?”

ছুটেছে ছেলে মেয়ে বুড়ো সবই একই পথে ঘেঁসাঘেঁসি ক’রে দরবেশকে দেখতে। তবুও দেখার বিরাম নাই। ছুঃশাসন টেনেই চলেছে কোন্ দ্রৌপদীর লজ্জাভরণ এক মুক বিশ্বয়-বিষ্ফারিত-অক্ষি বিশ্বের চোখের স্মুখে, আর তা’ বেড়েই চলেছে! তার আদিও নেই, অন্তও নেই। ওগো, অলক্ষ্যে যে এমন একটি দেবতা রয়েছেন, যিনি গোপনের মর্যাদা স্কুল করেন না।

দরবেশ কথাই কয় না,—একেবারে চূপ!

অনেকে বায়না ধরলে, দীক্ষা নেবে; দরবেশ ধরা-ছোঁয়াই দেয় না। যে নিতান্তই ছাড়ে না, তাকে বলে, “কাপড় ছেড়ে আয়!” সে ময়লা

## রিস্কের বেদন

কাপড় ছেড়ে খুব 'আমিরানাশানের' জামা জোড়া পরে' আসে। দরবেশ শুধু হাসে আর হাসে, কিছুই বলে না।

সহরের কাজী শুনলেন সব কথা। তিনিও ধন্য দিতে শুরু করলেন দরবেশের কাছে! দরবেশ যতই আমল দিতে চায় না, কাজী সাহেব ততই নাছোড়বন্দী হয়ে লেগে থাকেন। দরবেশ বললেন এ ক্রমে "কম্লিই ছোড়্তা নেই" গোছের হয়ে দাঁড়াচ্ছে। তাঁর মুখে ফুটে উঠল ক্লাস্ত সদয় হাসির ঝঁষং রেখা।

(খ)

দরবেশ বললেন, "শুন কাজী সাহেব, আমি যা বলব তাই করতে পারবে?" কাজী সাহেব আশ্চর্য হয়ে উঠলেন "হাঁ হুজুর বান্দা হাজির!"

দরবেশ হাসলে, তারপর বললে, "দেখ, কাল জুম্মা মল্লুকের বাদশা' আসছেন এখানে। নামাজ পড়বার সময় তোমায় 'ইমামতি' করতে বলবেন। তুমি সেই সময় একটা কাজ করতে পারবে?" কাজী সাহেব বলে উঠলেন, "আলবৎ হুজুর, আলবৎ! কি করতে হ'বে?"

দরবেশ বললে, "তোমার ছুবগলে ছুটি মদের বোতল দাবিয়ে নিয়ে যেতে হবে, তারপর যেই নামাজে দাঁড়াবে, অগ্নি মদের বোতল ছুটি দিব্যি 'জায়নামাজের' উপর ভেঙ্গে দেবে!"

কাজী সাহেবের মুখ হয়ে গেল ভয়ে নীল! কাঁপতে কাঁপতে বললেন, "হুজুর, তাহ'লে আপনি আমা হ'তে মুক্তি পাবেন সত্যি কেননা গর পরেই আমার মাথা ধড় হ'তে আলাদা হয়ে যাবে,—কিন্তু আমার মুক্তি হবে কি?"

দরবেশ বললেন, “অনেককেই ভব-যন্ত্রণা হ’তে মুক্তি দিয়েছ তুমি, একবার নিজের মুক্তিটাও ত দেখতে হবে!”

কাজী সাহেব চলে এলেন। ভাবলেন “যা থাকে অদৃষ্টে, কাল নিয়ে যাওয়া যাবে ছোটো মদের বোতল মসজিদে। দরবেশ নিশ্চয়ই আমার চেয়ে বেশী জানে!”

( গ )

বাদশাহ এসেছেন। সঙ্গে আছে সেনা-সামন্ত উজির-নাজির সব! জুম্মার নামাজ হচ্ছে। “এমাম” ( আচার্য ) হয়েছেন কাজী সাহেব। একটু পরেই কাজী সাহেবের বগলতলা হ’তে খসে পড়ল দুটি ধেনো মদের বোতল! আর এটা বলাই বাহুল্য যে, সে বোতল সশব্দে বিদীর্ণ হয়ে যে বিশী গন্ধে মসজিদ ভরিয়ে তুললে তাতে সকলেই একবাক্যে সমর্থন করলে যে, কাজী সাহেবের মত মাতাল আর বিশ্বব্রহ্মাণ্ডে হয়নি, হবেও না! যে মদ খায় তার ক্ষমা আছে, কিন্তু যা’কে মদে খায় তার ক্ষমাও নেই, নিস্তারও নেই।

বৈঠকে বসল, এ অসমসাহসিক মাতালের কি শাস্তি দেওয়া দরকার। উজির ছাড়া সভাস্থ সকলেই বললে, “এর আর বিচার কি জাঁহাপনা? শূলে চড়ানো হোক!” মন্ত্রী উঠে বললেন, “এ বান্দার গোস্বামী মাফ করতে আজ্ঞা হয় হুজুর। আমার বিবেচনায় এর মত পাপিষ্ঠলোকের মৃত্যুদণ্ড উপযুক্ত শাস্তি নয়। সব চেয়ে বেশী শাস্তি দেওয়া হবে যদি তা’র পদ আর পদবী কেড়ে’ নেন, আর যা কিছু সম্পত্তি তা বাজেয়াপ্ত করে’ নেন। মৃত্যুদণ্ড হ’লে ত সব ল্যাঠা চুকেই গেল কিন্তু এই যে তার জীবনব্যাপী লাঞ্ছনা আর গঞ্জনা, তা তা’কে তিলে তিলে দধ্ব করে

## রিস্কের বেদন

মারবে।” বাদশা সমেত সভাস্থ সকলেই হুকুর দিয়ে উঠলেন, “তাই ভাল।”

পাশ দিয়ে উড়ে খইয়ের মত একটা পাগলা যা তা বকে যাচ্ছিল, “এই সব লাঞ্ছনা আর গঞ্জনাই ত চন্দন! আর ওতে কিছু দন্ধ হয় না ভাই, স্নিগ্ধই হয়।”

( ঘ )

বাদশার দরবারে কাজী সাহেব যখন এই রকম লাঞ্ছিত অপমানিত হ'য়ে, সব হারিয়ে একটা অন্ধকার গলির বাকে দাঁড়ালেন, তখন তাঁর দুর্দশা দেখে পথের কুকুরও কাঁদে! “হাতী আড় হ'লে চাম্‌টিকেও লাথি মারে।” তিনি যখন সহরের কাজী ছিলেন, তখন হয়ত গ্রায়ের জন্তেও যদিগে শাস্তি দিয়েছিলেন, তারাই সময় পেয়ে উত্তম মধ্যম প্রহারের সঙ্গে জানিয়ে দিলে যে চিরদিন কারুর সমান যায় না। আর 'বা'দিগে অবিচার করে' শাস্তি দিয়েছিলেন, তার প্রতিশোধ নিলে তারা যে রকম নিষ্ঠুরভাবে, তা'র চেয়ে শূলে চড়ে' মৃত্যুও ছিল শ্রেয়ঃ।

এত লাঞ্ছনা আর গঞ্জনার মধ্যেও সে কা'র স্নিগ্ধ সাস্বনা ছুঁয়ে গেল আচম্‌কা এসে, ঠিক যেন জ্বরের কপালে বাঞ্ছিতা প্রেয়সীর গাঁত করুণ পরশের মত। কাজী সাহেব বৃকের শুকনো হাড়গুলোকে আঁকড়ে' ধরে' কেঁদে উঠলেন, “খোদা, এম্‌নি করে আমার সকল অহুকুর চোখের জলে ডুবিয়ে দিলে!”

“ওগো দরবেশ কোথায় তুমি? কোন্‌ স্বদূরের পারে?”

তারপর সেই সঙ্কায় সরীসৃপের মত বৃকের উপর ভর দিয়ে অতি কষ্টে কাজী সাহেব যখন তাঁর বাঞ্ছিত পথ বেয়ে দরবেশের আন্তানান্দ

## রিক্তের বেদন

এসে পল্হচলেন, তখন একটা শাস্ত ঘূমের সোহাগভরা হোঁওয়ার  
আবেশে আঁখির পাতা জড়িয়ে আসছে! তবুও একবার প্রাণপণে  
অর্ভনাদ করে উঠলেন, “দরবেশ, দীক্ষিত কর।—আমি এসেছি, আর  
যে সময় নাই!”

পূর্ববীর মীড়ে, সন্ধ্যা গোধুলির সন্মিলনে যে একটা ব্যথার কাঁপুনি  
বয়ে গেল, তা’ কেউ লক্ষ্য করলে না।

কা’র শাস্তশীতল ক্রোড় তাঁহাকে জানিয়ে দিলে, “এই যে বাপ!  
এস! এখন তোমার মলিন বস্ত্র আর মলিন অহঙ্কার সব চোখের জলে  
ধুয়ে সাফ হয়ে গেছে!”

~~স্বপ্ন~~

দরবেশ স্মরণার্থকীয় বন্ধুর দিয়ে গেয়ে উঠলেন,

“বমে সাজ্জাদা রশ্বিন্ কুন্ গরং পীরে মার্গা গোয়েদ।

কে সালেক বেথবর না বৃদ জেরাহোরস্মে মশ্বেল হা।”

“জায়নামাজে শারাব-রডীন্ কর, মুর্শেদ বলেন যদি।

পথ দেখায় যে, জানে সে সে পথের কোথায় অন্ত আদি।”

সংমা-তাড়ানো মাতৃহারা মেয়ের মত অশ্রু আর অভিমান-আর্দ্র-মুখে  
একটা ভারী কালো মেঘ সব কাপসা, ক্রমে অন্ধকার ক’রে দিলে।

কাজী সাহেব প্রাণের বাকী সমস্ত শক্তিটুকু একত্র করে’ ভাঙা  
গলায় বললেন, “কে ? ওগো পথের সাথী! তুমি কে?”

অনেকক্ষণ কিছুই শোনা গেল না! নদীর নিস্তব্ধ তীরে তীরে হলে’  
গেল আর্ন্ত-গভীর প্রতিক্ষনি, “তু—মি—কে?”

খেয়াপার হ’তে খুব মূহু একটা আওয়াজ কাঁপতে কাঁপতে কয়ে  
গেল, “মাতাল হাফিজ!”





---

স্বা মী শ রা

---



# স্বামীহারা

( ক )

“ও! কি বুক-ফাটা পিয়াস! সলিমা! ‘একটু পানি’ খাওয়াতে পারিস্ বোন্? আমার কেন এমন হ’ল, আর কি করে’ই এ কপাল পুড়ল, তাই জিজ্ঞেস করছি—না? তা আমার সে ‘দরেগ’-মাথা ‘বোনা’ শুনে’ আর কি হবে বহিন্। দোওয়া করি, তুই চির-এদোতি হ’! এ সব পোড়াকপালীর কথা শুনলেও যে তোদের অমঙ্গল হ’বে ভাই! খোদা যেন মেয়েদের বিধবা করবার আগে মরণ দেন, তা না হলে তাদের বে’ হবার আগেই যেন তারা ‘গোরে’ যায়! তোর যদি মেয়ে হয় সলিমা, তা’হলে তখখনি আঁতুড় ঘরেই লুন খাইয়ে মেরে” দিস্, বুঝলি? নৈলে চিরটা কাল আগুনের খাপরা বুক নিয়ে কাল কাটা’তে হবে।

“তুই ত আজ দশ বছর এ গাঁ ছাড়া, তাই সব কথা জানিস না। সেই ছোটটি গিয়েছিল, আজ একেবারে খোকা কোলে ক’রে বাপের বাড়ী এসেছি!....আমি পাগল হ’য়ে গেছি ভেবে সবাই দূর হ’তে দেখেই পালায়। আচ্ছা তুইত জানিস্ ভাই আমায়, আর এখনও ত দেখছি, সত্যি বলত আমি কি পাগল হ’য়েছি? হাঁ ঠিক বলেছি, আমি পাগল হইনি,—নয়?

“সে বার—ঠিক মনে পড়ে না সে কতকাল আগে—বিধাতার অভিশাপ যেন কলেরা আর বসন্তের রূপ ধরে’ আমাদের ছোট্ট শান্ত গ্রামটির উপর এসে পড়েছিল, আর ঐ অভিশাপে পড়ে’ কত মা, কত

## রিস্কের বেদন

ভাই বোন, কত ছেলে মেয়ে যে গাঁয়ের ভরাবক্ষে শুধু একটা খাঁ খাঁ মহাশূন্যতা রেখে' কোন্‌ সে অচিন্‌ মুল্লকে উধাও হ'য়ে গেল তা মনে পড়লে—মাগো মা—জানটা যেন সাতপাক খেয়ে মোচড় দিয়ে ওঠে। কত যে ঘরকে ঘর উজাড় হ'য়ে তাতে তালাচাবি পড়ল—আর গ্রামে যেমন এক একটি ক'রে ভিটেনাশ হ'তে লাগল, তেমনি এই গোরস্থানে গোরের সংখ্যা এত বেশী বেড়ে' উঠল যে, আর তার দিকে তাকানই যেত না।

“আচ্ছা ভাই, এই যে দীঘির গোরস্থান, আর এই যে হাজার হাজার কবর, এগুলো কি তবে আমাদেরই গাঁয়ের একটা নীরব মর্ষস্তুদ বেদনা—অন্তঃমলিলা ফুল্লনিঃশ্রাব—জমাট বেঁধে' অমন গোর হ'য়ে মাটি ফুঁড়ে ফুঁড়ে বেরিয়েছে? না কি আমাদের মাটির মা তাঁ'র এই পাড়াগেঁয়ে চিরদরিদ্র জরাব্যাদি-প্রপীড়িত ছেলেমেয়েগুলির দুঃখে ব্যথিত হ'য়ে করুণ প্রগাঢ় স্নেহে বিরাম-দায়িনী জননীর মত মাটির আঁচলে ঢেকে বৃকের ভিতর লুকিয়ে রেখেছেন? তাঁ'র এই মাটির রাজ্যে ত দুঃখ ক্লেশ বা কারুর অত্যাচার আসতে পারে না! এখানে শুধু একটা বিরাট অনন্ত স্থপ্তশান্তি—কর্মক্লাস্ত মানবের নিসাড় নিষ্পন্দ স্থয়ুপ্তি! এ একটা ঘুমের দেশ, নিঝুমের রাজ্য! আহা, আজ সে কত যুগের কত লোকই যে এই গোরস্থানে ঘুমিয়ে আছে তা এখন গাঁয়ের কেউ বলতে পারবে না! আমি আর কতজনকেই বা মরতে দেখলুম? এরা যখন মরে'ছিল, আমি তখন হয়ত' এমনি একটা অ-দেখার 'কোকায় মুল্লকে' স্বুৰ্তেছিলুম, তারপর যখন আমায় কে এই দুনিয়ায় এনে' ফেলে' ছিলে—আর দুনিয়ার এই আলোকের জালাময় স্পর্শে আমার চক্ষু

বল্‌সে গেল, তখন আমি নিশ্চয় অব্যক্ত অপরিচিত ভাষায় কেঁদে উঠেছিলুম, “ওগো, এ মাটির—পাথরের হুনিয়ায় কেন আমায় আনুলে? কেন ওগো কেন?”—তারপর মায়ের কোলে শুয়ে যখন তাঁর দুধ খেলুম, তখন প্রাণে কেমন একটা গভীর সান্ধনা নেমে’ এল! আমি আমার সমস্ত অতীত এক পলকে ভুলে’ গিয়ে ঘুমিয়ে পড়লুম।

“ঐ যে বাঁধানো কবরগুলো, ওগুলো অনেক কালের পুরাণো। তখন ছিল বাদশাহী আমল, আর আমাদের এই ছোট্ট গ্রামটাই ছিল “ওলীনগর” বলে একটা মাঝারি গোছের সহর। ঐ যে সামনে ‘রাজার গড়’ আর ‘রাণীর গড়’ বলে’ দুটো ছোট্ট পাহাড় দেখতে পাচ্ছ, ওতেই থাকতেন তখনকার রাজা রাণী—রাজকুমার আর রাজকুমারীরা। লোকে বলে, তাঁরা শুভেন হীরার পালঙ্কে, আর খেতেন ‘লাল জওয়াহের’। আর, কবর-স্থানের পশ্চিমদিকে ঐ যে পীর সাহেবের ‘দরগা’ ওরই ‘বন্দোয়ায’ নাকি এমন সোণার সহর পুড়ে’ বাও হয়ে যায়। সেই সঙ্গে রাজার ঘরগুটি সব পুড়ে ছাই হ’য়ে গেছে, আজ তাঁর বংশে বাতি দিতে কেউ নেই। পশ্চিমে-হাওয়ায় তাঁদের সেই ছাই-হওয়া দেহ উড়ে’ উড়ে’ হয়ত এই গোরস্থানের উপর এসে’ পড়েছে। আচ্ছা ভাই, খোদার কি আশ্চর্য্য মহিমা! রাজা—বার অত ধন, মালমাতা, অতপ্রতাপ, সেও মরে’ মাটি হয়, আর যে ভিখারী খে’তে না পেয়ে তালপাতার কুঁড়েতে কুঁকড়ে মরে’ পড়ে’ থাকে, সেও মরে’ মাটি হয়! কি সুন্দর যায়গা এ তবে বোন্!

তুই ঠিক বলেছিস্ ভাই সলিমা, কেঁদে কি হবে, আর ভেবেই বা কি হ’বে! যা হ’বার নয় তা হ’বে না, যা পা’বার নয় তা পা’ব না। তবু পোড়া মন ত মানতে চায় না। এই যে একা কবরস্থানে এসে কভ

## রিক্তের বেদন

রাত্রির ধরে শুধু কেঁদেছি কিন্তু এত কান্না এত ব্যাকুল আস্থানেও ত  
কই তাঁর একটুকু সাড়া পাওয়া গেল না। তিনি কি এতই ঘুমুচ্ছেন ?  
কি গভীর মন্থানিদ্রা সে? আমার এত বুকফাটা কান্নার  
এত আকাশচেরা চীৎকারের এতটুকু কি তাঁর কাণে গেল না ?  
সে কোন্ মায়াবীর মায়াম্পর্শে মোহনিদ্রায় বিভোর তিনি ? আমিও  
কেন অম্মনি জড়ের মত নিঃশব্দনিপ্পন্দ হয়ে পড়ি না ? আমারও  
প্রাণে কেন মৃত্যুর ঐ রকম শাস্তশীল ছোঁওয়া লাগে না ? আমিও  
কেন ছুপুর রাতের গোরস্থানের মতই নিথর নিঝুম হয়ে পড়ি না ? তা  
হ'লে ত এ প্রাণপোড়ানো অতীতটা জগদলশিলার মত এসে' বুকটা  
চেপে' ধরে না ! সেই সে কোন্-ভুলে-যাওয়া-দিনের কুলিশকঠোর  
স্মৃতিটা তপ্তশলাকার মত এসে এই ক্ষত বক্ষটায় ছ্যাকা দেয় না।  
জ্বোবেহ্' করা জানোয়ারের মত আর কতদিন এ নিদারুণ জ্বালায়  
ছটফটু ক'রে মরুব ? কেন মৃত্যুর মাধুরী মায়ের আশীষধারার মত আমার  
উপর নেমে' আসে না ? এ হতভাগিনীকে জ্বালিয়ে কার মঙ্গল সাধন  
করছেন মঙ্গলময় ? তাই ভাবি,—আর ভাবি,—কোন কুলকিনারা পাই  
না, এর যেন আগাও নেই, গোড়াও নেই। কি ছিল—কি  
হ'ল,—এ শুধু একটা বিরাট গোলমাল !

“সেদিন সকালে ঐ পাশের চারাধানের ক্ষেতের আ'লের উপর  
দিয়ে কাঁচা আম খে'তে খে'তে একটি রাখাল বালক কোথা হ'তে শেখা  
একটা করুণ গান গে'য়ে যাচ্ছিল। গানটা আমার মনে নেই, তবে  
তার ভাবার্থটা এই রকম, “কত নিশিদিন সকাল সন্ধ্যা হ'য়ে গেল,  
কত বারমাস কত যুগযুগান্তরের অতীতে ঢ'লে পড়ল, কত নদনদী  
সাগরে গিয়ে মিশল, আবার কত সাগর শুকিয়ে মরুভূমি হ'য়ে গেল,

## রিস্তের বেদন

কত নদী পথ ভুলে' গেল, আর সে কত গিরিই না গলে' গেল, তবু  
ওগো বাঙ্কিত, তুমি তো এলে না!" গানটা শুন্ছিলুম আর ভাবছিলুম,  
কি ক'রে আমার প্রাণের ব্যাকুল কান্না এমন করে' ভাষায় মূর্ত্ত হ'য়ে  
আত্মপ্রকাশ করছিল? ওগো, ঠিক এই রকমই যে একটা মস্ত অসীম  
কাল আমার আঁখির পলকে পলকে যেন কোথা দিয়ে কোথায় চলেছে,  
আর আমি কা'কে পাবার—কি পাবার জন্তে শুধু আকুলিবিকুলি মিনতি  
করে ডাকছি, কিন্তু কই তিনি ত এলেন না—একটুকু সাড়াও দিলেন  
না। তবে ছপুর রোদ্দুরে ঘুনঘুনে মাছির মুখে ঐ যে খুব মিহি করুণ  
'গুণ্গুণ্' সুর শুনি এই গোরস্থানে, ওকি তাঁরই কান্না? দিনরাত  
ধরে সমস্ত গোরস্থান ব্যোপে প্রবল বায়ুর ঐ যে একটানা ছ ছ শব্দ,  
ওকি তাঁরই দীর্ঘশ্বাস? রাত্তিরে শিরীষফুলের পরাগমাখা ঐ যে ভেসে,  
আসে ভারি গন্ধ, ওকি তাঁরই বর অন্ধের স্বেদাস? গোরস্থানের সমস্ত  
শিরীষ, শেফালি আর হেনার গাছগুলি ভিজিয়ে, সবুজ দুর্কা আর নীল  
ভূই-কদমের গাছগুলিকে আর্দ্র করে' ঐ যে সন্ধ্যা হ'তে সকাল পর্য্যন্ত  
শিশির ক্ষরে, ওকি তাঁরই গলিত বেদনা? বিজুলির চমকে ঐ যে  
তীব্র আলোকছটা চোক বলসিবে দেয়, ওকি তাঁরই বিচ্ছেদ-উন্মাদ  
হাসি? দৌদামিনী-স্ফুরণের একটু পরেই ঐ যে মেঘের গম্ভীর গুরু  
গুরু ডাক শুনতে পাই, ওকি তার পাষণবক্ষের স্পন্দন? প্রবল ঝঞ্ঝার  
মত এসে' সময় সময় ঐ যে দম্কা বাতাস আমাকে ঘিরে তাণ্ডনৃত্য  
করতে থাকে, ওকি তাঁ'রই অশরীরি ব্যাকুল আলিঙ্গন? গোরস্থানের  
পাশ দিয়ে ঐ যে 'কুহুর' নদী ব'য়ে যাচ্ছে, আর তা'র চরের উপর  
প্রস্ফুটিত শুভ্র কাশফুলের বনে বনে দোল্দোলা দিয়ে ঘনবাতাস শন্ শন্  
করে ডেকে' যাচ্ছে, ওকি তাঁরই কম্পিতকণ্ঠের আহ্বান? আমি কেন

## রিস্কের বেদন

গুরই মত অমনি অসীম, অমনি বিরাট-ব্যাপ্ত হয়ে ঠকে পাই না? আমি কেন অমনি সবারই মাঝে থেকে ঐ অপাওয়াকে অন্তরে অন্তরে অনুভব করি না? এ সীমার মাঝে অসীমের স্থর বেজে উঠবে সে আর কখন? এখন যে দিন শেষ হ'য়ে এল, ঐ স্তন নদীপারের বিদায়গীত স্তনা যাচ্ছে খেয়াপারের ক্লাস্ত মাঝির মুখে—

“দিবস যদি সাক্ষ হ'ল, না যদি গাহে পাখী,

ক্লাস্ত বায়ু না যদি আর চলে,—

এবার তবে গভীর করে' ফেলগো মোরে ঢাকি

অতি নিবিড় ঘন তিমির তলে!”

## ( ধ )

‘এই যে গোরস্থান, যেখানে আমার জীবনসর্বস্ব দেবতা শু'য়ে স্ব'য়েছেন, শৈশব হ'তে এই যায়গাটাই ছিল আমার সব চেয়ে প্রিয়স্থান। ঐ যে অদূরে ছোট ছোট তিনটি কবর দেখতে পা'চ্ছ প্রায়ই মাটির সঞ্জে মিশে সমান হ'য়ে গেছে, আর উপরটা কচি দুর্কা ঘাসে ছে'য়ে ফেলেছে, ওগুলি আমার ছোট ভাই বোনেদের কবর! ওরা খুব ছোটতেই মারা গিয়েছিল—আমের কচি বৌল ফাণ্ডনের নিষ্ঠুর করকাম্পর্শে ঝরে' পড়ে'ছিল। ওই যে ওদের শিয়রে বকম ফুলের গাছগুলি দেখতে পাচ্ছ, ওগুলি আমিই লাগিয়েছিলুম, আমি তখন খুবই ছোট। এখন অযতনে বোয়ান ঝোঁপ আর আলগা লতায় ও যায়গাটা ভরে উঠেছে। আগে ওদের কবরের উপর ওদেরই মত কোমল আর পবিত্র বকম ও শিরিষ ফুলের হলদে' রেখু ঝরে' পড়'ত সারা বসন্ত আর শরৎকালটা



## রিক্তের বেদন

ধরে' আর তার চেয়েও বেশী বারে' পড়ত ঐ তিনটি ক্ষুদ্র সঙ্গীদের বিচ্ছেদ-ব্যথিত অন্তর-দরিয়া মথিত ক'রে আকুল অশ্রুর পাগলা-ঝোরা! বাবা আমার মাকে ধরে' ধরে' নিদাঘের বিষাদগভীর সন্ধ্যায় এই সন্ন পথ বেয়ে নিয়ে যেতেন, আর আমাদের 'টুই'র, 'তাহেরা'র আর 'আবুলে'র ঘাসে চাপা ছোট কবরগুলি দেখিয়ে বলতেন, "এইখানে তারা ঘুমিয়ে আছে, তা'রা আর উঠে আসতে পারে না। অনেক দিন বাদে আমরাও সব এসে' ওদেরই পাশে শু'ব,—আমাদেরও অম্মনি মাটির ঘর তৈরী ক'রে দেবে গায়ের লোকে।" সেই সময় সেই বেদনাপ্লুত বিয়োগ-বিধূর সন্ধ্যায় কি একটা আবছায়া আবেশ-তরুণ সুরে যে আমার সারা বক্ষ ছে'য়ে ফেলত, তা' প্রকাশ করতে পারতুম না, তাই বাবার মুখের দিকে চেয়ে কি জানি কেন ডুকরে কেঁদে উঠতুম। বাবা অপ্রতিভ হ'য়ে আমাকে কোলে তুলে নিয়ে তাঁর শিশু-কোমলস্পর্শে সান্ত্বনা দিতেন। সেই থেকে যায়গাটার উপর আমার এত মায়া জন্মে গেছিল যে, আমি রোজ মাকে লুকিয়ে এখানে পালিয়ে এসে আমার ভাই বোন্দের ঐ ছোট তিনটি কবরের দিকে ব্যাকুল বেদনায় চেয়ে থাকতুম!—আচ্ছা ভাই, রক্তের টান কি এত বেশী? যেখানে আমার কচি ভাই বোন্-গুলির ফুলের দেহ মাটির সঙ্গে মিশে মাটি হ'য়ে গেছে, সেই ভীষণ করুণ যায়গাটি দেখবার জন্তেও প্রাণে এমন ব্যাকুল আগ্রহ উপস্থিত হ'ত কেন? শুনেছি যে যায়গাটার মাটি নিয়ে খোদা আমাদের 'পয়দা' করেন, নাকি ঠিক সেই যায়গাতেই আমাদের কবর হয়, আর তাই আমরা স্বতঃই কেমন একটা নিবিড় টান অন্তরের অন্তরে অনুভব করি। এখন 'তাহেরা'র কবরটি যেমন ধসে' প'ড়েছে আর ওর মধ্যে একটি

## রিক্তের বেদন

খলা হাড় দেখা যাচ্ছে, হয়ত সে কত বছর বাদে আমারও কবর এরকম ধসে যা'বে আর আমার বিশ্রী হাড়গুলো উলঙ্গ মূর্তিতে প্রকট হ'য়ে লোকের ভয়োৎপাদন করবে!—হায়রে মানুষের পরিণতি, তবু মানুষ এত অহঙ্কার করে কেন আমি তাই ভাবি—আর ভাবি। আবার দু-এক সময় মনে হয় সুন্দর পৃথিবীটা ছেড়ে' সে কোন্ অজানা দেশে চলে' যেতে হ'বে, মনে হ'লে জানটা যেন গুণ্ণবেদনায় টন্ টন্ করে' ওঠে, পৃথিবীর প্রতি একি অন্ধ মূঢ় নাড়ীর টান আমাদের? তারপর বাবাও 'আবুলে'র পাশে গিয়ে শয়ন করলেন, বড় ঝোপের পাশের ঐ বড় কবরটা বাবার। বাবা মরে' যাবার পর আমি আরও বেশী করে' কবরস্থানে যেতুম, স্তব্ধ হয়ে বসে রইতুম আমার হারিয়ে যাওয়া বন্ধুদের মৌন সাদরের ভাষা শুনব বলে; একটা নিবিড় বেদনায় চোখের পাতা ভরে উঠত। এই সব বেদনা, অপমান, দারিদ্র্যের নিষ্পেষণে মা আমার দিন দিন রুগ্ন হয়ে পড়েছিলেন। উপযুক্ত পরি এত আঘাত তিনি আর সহিতে পারছিলেন না। ক্রমে তাঁকে ভীষণ যক্ষ্মারোগে ধরল। আমি বুঝলুম আমার কপাল পুড়েছে, মাও আমায় ছেড়ে' চলেছেন, তাঁর ডাক পড়ে'ছে। আমি আমার ভবিষ্যতের দিকে তাকাতেও সাহস করলুম না,—উঃ সে কি সৃষ্টিভেগ অন্ধকার!

“এমন সময় একদিন সন্ধ্যায় সহীমা আমাদের ঘরে এসে' মা'র শীর্ণ হাতটি নিজের হাতে নিয়ে বললেন, “সই, আমার ছেলে গরমের ছুটিতে বাড়ী এসেছে। সে তোদের দোওয়াতে এবার খুব সম্মানের সঙ্গে বি, এ, পাশ করে'ছে। এবার ছেলের বিয়েটা দিয়ে বৌকে সংসার বুঝিয়ে দিয়ে সংসার হ'তে সরে পড়ি। আর তা ছাড়া একা ঘর, বৌ নেই, বেটা নেই, দিন রাত ঘরটা যেন পোড়োবাড়ীর

## রিক্তের বেদন

মত খাঁ খাঁ করছে। খোদা ত দেননি আমার, যে দু'দিন জামাই-বেটী নিয়ে সাধ-আহ্লাদ করব। ছেলে এতদিন জেদ ধরেছিল বি, এ, পাশ করে বিয়ে। তা খোদা তার ইচ্ছা পূর্ণ করে' দিয়েছেন। এতদিন আমার ছেলে বে' করলে ছু একটি খোকা খুকী হত না কী তার ঘরে? আর আমারও ঘরটা তা হলে অনেক মানাত, তা যখনকার তখন না হ'লে তোর আমার কথায় ত কিছু হয় না। আমার হাতের কাছে লক্ষ্মী শাস্ত্র মা আমার—হীরের টুকরো বৌ থাকতে আবার কোন্ গরীবের বেটীকে আন্তে যাব ঘরে," বলেই আমার মাথাটা সম্মেহে তাঁর বুকের মধ্যে টেনে নিলেন। মা আর আমি বোকার মত শুধু অবাধ বিশ্বয়ে সইমা'র দিকে চেয়েছিলুম, একি পাগলের মত তিনি বলে যাচ্ছিলেন। মার দুর্কল বক্ষঃ স্পন্দিত করে' ঘন ঘন নিশ্বাস পড়তে লাগল। সইমা মায়ের বৃকে খানিকটা মালিশ নিয়ে মালিশ করে' দিতে দিতে তেমনি সহজভাবে বলে' যেতে লাগলেন, "আমার ছেলের উপর বরাবরই বিশ্বাস আছে, সে কখনও যে আমার একটি কথা অমান্য করেনি। যেমন বললুম, 'ওরে আজিজ, তোর সই মা যে তোর শাশুড়ী হবেরে, 'বেগম'কে আমার বৌ করে ঘরে আন্তে চাই, তোর বৌ পছন্দ হবেরে আবার! আজ কাল ত বাবা তোরা মা বাপের পছন্দে বে' করিস না কিনা তাই"—আমাকে আর বেশী বলতে হ'ল না, সে খুব খুসী হ'য়েই বলে, 'বেশত মাজান, তোমার কথার ত আর কখনও অবাধ্য হইনি, আর তুমি যে আমায় কোন জমীদার বাড়ীতে বে' না দিয়ে একটি অনাথা গরীবের মেয়েকে উদ্ধার করতে যাচ্ছ, এতে আমার এত আনন্দ হচ্ছে যে দুনিয়ার লোককে জড় ক'রে দেখাই আমার মায়ের মত উঁচু মন আর কার আছে।' আজিজ আমার জনম-পাগ লা

## রিক্তের বেদন

মা-নেওটা ছেলে কিনা, আর সে যে আবদার ধ'রেছে যখন, তখনই তাই পূর্ণ ক'রেছি কিনা, তাই ওর চোখে আমার মত মা নাকি আর বিশ্ব-ব্রহ্মাণ্ডে পাওয়া যায় না! সে যাক্ এখন বোন, আমি আজই বেগমকে দেওয়া করে যাব, কেন না হায়াত মউত গালি না, কখন কি হয় বলা ভ যায় না—তোর আবার এই রকম খাটে মাদুরে অবস্থা। আমি মনে করছি এই মাসের মধ্যেই ব্যাটাকে' বৌকে বরণ করে ঘরে তুলি, শুভকাজে বিলম্ব করা ভাল নয়, আর তাতে গ্রামের অনেকে অনর্থক কতগুলো বাধা বিপত্তি করবে, সই, মা বেগম আমার শূণ্ণপুরী পূর্ণ করুক যেয়ে!" সই মা আর কি বলেছিলেন ঠিক মনে নাই, কেননা আমার মাথা তখন বন্ বন্ করে ঘুরছিল, মস্তিষ্কের ভিতর কি একটা তীব্র উত্তেজনা ঘুরপাক খাচ্ছিল,—একটা হঠাৎ পাওয়া নিবিড়-বেদনাময় আনন্দের আঘাতে কে যেন আমার সমস্ত শরীরে নিশা করে' দিচ্ছিল।

( গ )

“খুব ধুমধামে আমাদের বে' হয়ে গেল। ধুমধাম মানে 'আতস-বাজি', 'বাজনা', 'বাইনাচ', 'থিয়েটার' প্রভৃতি যে সকল অসাপু কলুষ আনন্দের কথা বুঝ তোমরা, তার কিছুই হয়নি, আর যদি ধুমধাম মানে নির্দোষ পবিত্র আনন্দের বিনিময় বুঝায়, তা হ'লে তার কোথাও এতটুকু ক্রটি ছিল না। গ্রামের সমস্ত গরীব দুঃখীকে সাতদিন ধরে' স্কন্দরূপে ভাল ভাল খাবার খাওয়ান হ'য়েছিল। অনেকের পুরাণো ঘর নূতন ক'রে ছেয়ে দেওয়া হ'য়েছিল। যা'দের হালের গরু না থাকায় সমস্ত জমি জমা পতিত হ'য়েছিল, তাদের গরু কিনে দেওয়া

হয়েছিল! গ্রামের তাঁতি ছ' ঘরকে ছুটি তাঁতের কল কিনে দিয়ে তাদের দেশী কাপড় বুনায় উৎসাহ দেওয়া হ'য়েছিল। কল্‌কাতার অতিমথানায় পাঁচ হাজার টাকা দেওয়া হয়েছিল। সে সব আরও কত যায়গায় কত টাকা দিয়েছিলেন যে মা, তা আমার এখন সব মনে নেই।

“সই মা আমায় বধু করে’ যত খুসী হয়েছিলেন, তার চেয়ে অনেক বেশী দুঃখিত হয়েছিল গ্রামের লোকেরা, আর ওর আত্মীয় কুটুম্বেরা। তাঁদের অনেক আত্মীয় ছোট ঘরে বে’ দেওয়ার জন্তে বে’র নিমন্ত্রণে একেবারেই আসেন নি। এমন কি এই নিয়ে অনেকের সঙ্গে চিরদিনেব জন্তে ছাড়াছাড়ি হ’য়ে গেছিল। অনেক হিঁতৈবী মিত্রও শত্রু হয়ে দাঁড়াল। তবে পয়সার খাতির সব যায়গাতেই, তাই অনেক চতুর মাতলবর লোক এঁদের সঙ্গে মোখিক সন্তাব রেখে’ ভিতরে ভিতরে অনিষ্ট করতে লাগল। সমাজে পতিত না হলেও বিশেষ কাজ বনাম স্বার্থ ছাড়া আর কেউ এ বাড়ী আসত না। কিন্তু যেসব সহায়হীন গরীব বেচারারা জন্মাবধি এ বাড়ীর সাহায্যে প্রতিপালিত হ’য়ে এসেছে তা’রা সমাজের এ চোখ রাঙ্গানি দেখে’ শুধু উপরে উপরে ভয় ক’রে চলত। তা’রা জানত, সমাজ শুধু চোখ রাঙাতেই জানে। যে যত দুর্দল তা’র তত ছোরে টুঁটি চেপে ধরতেই সমাজ ওহাদ। যেখানে উটো সমাজকেই চোখ রাঙিয়ে চলবার মত শক্তিসামর্থ্যওয়াল লোক বুক ফুলিয়ে দাঁড়িয়ে আছে, সেখানে সমাজ নিতান্ত শান্ত শিষ্টের মতই তা’র সকল অনাচার আব্দার বলে’ সয়ে নিয়ে থাকে। তাই উনি আর ওর মা বল্লেন, “আমাদের সমাজই নাই ত সমাজচ্যুত করবে কে?”—সমাজ তবুও স্ববোধ শিশুর মত কোন সাড়াই দিলে না, কিন্তু

## রিস্কের বেদন

গুঁদের বাড়ীতে যে সব গরীব বেচারারা আসত তাদের খুব কড়া ভাবেই শাসন করা হ'ল, যেন কেউ গুঁদের বাড়ীর ছায়াও না মাড়ায়।

“লোকের এরূপ ব্যবহারে আদৌ দুঃখিত না হ'য়ে গুঁরা বরং হাঁফ ছেড়ে বাঁচলেন। তাছাড়া গ্রামের দরিদ্রের সেই আনন্দোত্তাসিত মুখে, অশ্রু ছলছল চোখে যে একটা মধুর স্নিগ্ধ হাসি ফুটে উঠে'ছিল, তারই জ্যোতিঃ ওদের হৃদয় আলোয় আলোময় করে' দিয়েছিল; উন্টোদিকে পরশ্রীকাতর লোকদের চোখ মুখ ভয়ানক ভাবে বল্‌সে দিয়েছিল।

“ওঃ, সে কি অমাহুষিক শক্তি ছেয়ে ফেলেছিল মায়ের ঐ বাঁজরা বুক আমার বিয়ের দিনে! মায়ের আনন্দের আকুল ধারা যেন কোথাও ধবু'ছিল না সেদিন! হাজার কাজের ভিতর হাসির মাঝে অশ্রু উখ'লে পড়'ছিল তাঁর!

“আমার জীবন কিন্তু সার্থকতায় সমুজ্জল হ'য়ে উঠেছিল সেই দিন—যে দিন বুঝ'লুম আমার হৃদয়-দেবতাও তাঁর মাতৃদত্ত আশীর্বাদ সর্কাস্তঃকরণে গ্রহণ করে'ছেন, আমার প্রাণের গোপন পূজা আরাধ্য দেবতার পায়ের বুখা নিবেদিত হয় নাই।

“আমার শুধু ইচ্ছা হ'ত আমি তাঁর পায়ের মাথা কুটি আর বলি, ওগো স্বামিন্! ওগো দেবতা! এত আনন্দ দিয়ো না এ ক্ষুধিতাকে প্রেমের এত আকাশ-ভাঙা ঘন বৃষ্টি ঢেলে' দিও না এ চিরমরময় হৃদয়ে,—সকল মন দেহ প্রাণ ছেয়ে ফেলো না তোমার ও ব্যাকুল ভালবাসার ব্যগ্র নিবিড় আলিঙ্গনে! আমার ছোট্ট বুক যে এত আনন্দ, এত ভালবাসা সহিতে পারবে না,—কিন্তু হায়, তাঁর ও ভুজ্বলনে ধরা দিয়ে আমার আর কিছুই থাকত না, আমি আমার বর্তমান ভূত ভবিষ্যৎ ভুলে

যেতুম ! এ বেন স্বপ্নে পরীস্থানে গিয়ে প্রিয়তমের অধীর বক্ষে মাথা রেখে স্থপ্ত-বধির হ'য়ে যাওয়া, প্রাণের সকল স্পন্দন, দেহের সমস্ত রুধির অবাক স্তব্ধ হ'য়ে থেমে যাওয়া,—শুধু তুমি আর আমি—অন্তভব করা, সে-কোন অসীম সিন্ধুতে বিন্দুর মত মিশে যাওয়া !

“তাঁর ঐ বিশ্বগ্রাসী ভালবাসা যখন চোখের কালোয় জ্যোতির মত হ'য়ে ফুটে উঠত, তখন শুধু ভাবতুম প্রেমে মানুষ কত উচ্চ হ'তে পারে ! এর এতটুকু ছোঁয়ায় সে কি কোমলতার সিঁদ্ধ পূত স্রব্দুণী ব'য়ে যায় সারা বিশ্বের অন্তরের অন্তর দিয়ে । দেবতা ব'লে কি কোন কথা আছে ? কথ'খনো না, মানুষই যখন এই রকম উচ্চ হ'তে পারে, অতল ভালবাসায় নিজেকে সম্পূর্ণরূপে তলিয়ে দিতে পারে, নিজের অস্তিত্ব ব'লে কোন কিছু একটা মনে থাকে না—সে দেখে, সব সুন্দর আর আনন্দ, তখনই মানুষ দেবতা হয় ! দেবতা ব'লে কোন আলাদা জীব নাই ।

\* \* \* \* \*

“যাক্ ওসব কথা এখন,—কি বল্ছিলুম ?—হাঁ, আমার বিয়ের মত এত বড় একটা অস্বাভাবিক কাণ্ডে গ্রামময় মহা হলুস্থল প'ড়ে গেল । বংশে নিকৃষ্ট, সহায়সম্বলহীন আমাদের ঘরে সৈয়দবংশের বি, এ, পাশ করা সোনার চাঁদ ছেলের বিয়ে হওয়া ঠিক যেন রূপকথায় ঘুঁটে-কুড়োনির বেটীর সাথে বাদশাজাদার বিয়ের মতই ভয়ানক আশ্চর্য্য । ঠেকছিল সকলের চোখে ! গ্রামের মেয়েরা অবাক বিস্ময়ে আমার দিকে চেয়েছিল,—‘বাপ'রে বাপ, মেয়েটার কি পাচপুয়া কপাল !’ তারা এও বলতে কস্মর করেনি' যে, আমি আবাগী নাকি রূপের ফাঁদ পেতে অমন নিঙ্কল চাঁদকে বেমালুম কয়েদ করে' ফেলেছিলুম ? এত

## রিক্তের বেদন

বলেও যখন তাঁরা একটুও ক্লান্ত হ'ল না, তখন সবাই একবাক্যে ব'লে বেড়াতে লাগল যে, বুনীয়াদি খান্দানে এমন একটা খটকা, এও কি কখন সয়? এত বাড়াবাড়ি সহিবে না, সহিবে না। কখন আমাদের কপাল পুড়ে আর তাদের দশ জনের ঐ মহাবাকাটা দৈববাণীর মত ফলে' যায়, তাই আলোচনা করে' করে' তাদের আর পেটের ভাত হজম হত না, আমার কিন্তু তখন কিছুই শুনবার আগ্রহ ছিল না,—যে-দেবতা এমন ক'রে তাঁর পরশমণির স্পর্শে আমার সকল ভূবন এমন সোনা ক'রে দিয়েছিলেন, যার মাঝে আমার সকল সত্ত্বা, সব আকাঙ্ক্ষা চাওয়া পাওয়া একাকার হ'য়ে মিশে গিয়েছিল, আমি সব ভুলে গিয়ে শুধু সেই দেবতাকেই নিত্য নূতন করে' দেখছিলুম। তখন যে আমার ভাববার আর বলবার কিছুই ছিল না। তখন যে সব পেয়েছি'র আনন্দের আনন্দময় হ'বে যাবার মাহেন্দ্রক্ষণ! কিন্তু হায়, কালের অত্যাচারে সে মাহেন্দ্রক্ষণ আসবার আগেই এই স্নন্দর বিশ্বের সে কি শব্দ দিকটা চোখে পড়ে গেল। প্রাণে বিরাট শাস্তি নেমে আসবার আগেই সে কি গোলমাল হয়ে গেল সব। আগে হতেই আমার প্রাণের নিভৃততম দেশে সে কি এক আশঙ্কা যেন শিউরে শিউরে উঠ'ত। মনে হ'ত যেন এত স্নগের পেছনে সে কি বজ্র ওত পেতে রয়েছে। কখন আমার এ আকাশ-কুসুম ভেঙ্গে যাবে! —মনে হ'ত এ ক্ষণিকের পাওয়া যেন একটি রজনীর স্বপ্নে পাওয়া ছোট্ট এক টুকরা আনন্দ, স্বপ্ন ভেঙ্গে গেলেই তেমনি ঘুটঘুটে অন্ধকার!

“মা আমায় সম্প্রদান করেই আবার শয্যা আশ্রয় করে ছিলেন, তাঁর যে তখন আর চাইবার বা কব্বার কিছুই ছিল না, তখন যে মা মুক্ত! তাই তিনিও আমায় সহিয়ার হাতে দিয়ে যে দেশের কেউ খবর



দিতে পারে না সেই কোন্ অজ্ঞানার দেশে চলে' গেলেন, বোধ হয় সেখানে আমার বাবা খোকাখুকীদের নিয়ে অশ্রু-সজল নয়নে পথের দিকে চেয়েছিলেন। যাবার সময় সে কি ভূপ্তির হাঙ্গামা ফুটে উঠেছিল মা'র পাণ্ডুর ওষ্ঠপুটে! আমি যখন মা'র বুক আছাড় খেয়ে কেঁদে উঠলুম, “মাগো যেয়েনা—আমার যে আর ছনিয়ায় কেউ নেই মা,” তখন মা আমার মুখে হাত দিয়ে বলেছিলেন, “বলিস্নে বলিস্নে যে অমন কথা বেগম, তোর অভাব কিসের? এমন মায়ের চেয়েও স্নেহময়ী স্বাস্ত্রী, দেবতার চেয়েও উচ্চ স্বামী, এত পেয়েও রাক্ষসী বুল্হিস্ন কিছুই নেই তোর? ছি মা, বলিস্নে অমন অপয়া কথা!”

“মাকে বাবার পাশেই গোর দেওয়া হল। আত্র তাহেরার আর আবুলের কবর যেমন ধুলোর সঙ্গে মিশে গিয়েছে, দুদিন বাদে মারও কবর অমনি সমান হয়ে মিশে যাবে, আত্র কিন্তু আমার বুক পুঞ্জীভূত বেদনার এই যে একটা শক্ত গেরো বেঁধে গেল, সে কি মিশাবে কখনও?

“এর পর হ'তে এই সব উপযুঁপরি শোকের আঘাতে আমার মারাত্মক মূর্ছারোগে ধরলে। প্রায় আমি অচেতন হয়ে পড়তুম, আর যখনই চেতন হ'ত তখনই দেখতুম আমার ধূলিধুসরিত শির রয়েছে তাঁর—আমার স্বামীর ঘন স্পন্দিত বিশাল বক্ষে,—তাঁর সব-ভুলানো ব্যাকুল বাহুবন্ধনের মাঝে! ওঃ, সে কি ভীত করুণাঘনদৃষ্টি তাঁর চোখে ফুটে উঠত? সহানুভূতির সে কি কোমল স্নিগ্ধছায়া ছেঁয়ে ফেলত তাঁর স্বভাব-স্বন্দর মুখখানি! আমার তখন মনে হো'ত এর চেয়ে মেয়েদের কি আর স্বথ থাকতে পারে! এর চেয়ে আকাশস্থিত ইন্দ্রিত কী সে অপার্থিব জিনিষ চাইতে পারে আমাদের মন্দভাগিনী স্ত্রী জাতির? ”

## রিক্তের বেদন

হায় সে সময়ে স্বামীর কোলে অমনি করে মাথা রেখে কেন আমার শেষ নিশ্বাসটুকু বাতাসের সঙ্গে মিশে যায়নি ?

( ঘ )

“এখন বলছি বোন তোকে আমার কাহিনীটা এও যে একটা ‘কেথ’স’। কে আমার এ কথা বিশ্বাস করবে আর কেইবা শুনবে ? তাঁর উপর নাকি আমার মগজ বিগড়ে, গিয়েছে আর তাই মাঝে মাঝে আমি খুব শক্ত বক্তিতা ঝেড়ে আমার বিগা জাহিব করি। আমার এই রকম বকর বকর করাটা কেউ পছন্দ করে না, তাই একটু শুনেই বিরক্ত হয়ে চ’লে যায়। আচ্ছা বোন বলত মেয়ে মাগুশে আবার কবে কথা গুহিয়ে বলতে পেরেছে আর খুব বেশী বলাই মেয়েদের স্বভাব কিনা ! আমি ক’ম কথায় কি করে আমার সকল কথা জানাব ? তাই হয়ত বলদি তোকে কে মাথার দিবি দিবেছে তোর কথা বলবার জগে ? তাও বটে, তবে পেটের কথা, বৃকের ব্যথা লোককে না জানালেও যে জানটা কেমন শুধু আনচান করে, বৃকটা ভারি হয়ে ওঠে, এওত একটা মস্ত জইর ‘গজব’।

\* \* \* \* \*

“সইমা এত বড় রাশভারি লোক ছিলেন যে সবাই তাঁকে ভয় ক’রে চলত, তিনিই ছিলেন ঘরের মালিক। কেউ তার কথায় ‘চু’টি করতে পারত না। তাই এত বড় একটা অঘটন,—আমার মত পাতাকুড়ুনীর বেটীকে রাজবধু করা সত্ত্বেও মুখ ফুটে’ কেউ আর কিছু বলতে পারল না তেমন। মেয়েরা প্রকারান্তরে আমার নীচু ঘরের কথা জানতে এলে তিনি জোর গলায় বলতেন, “জাত নিয়ে কি ধুয়ে

## বিস্তের বেদন

খাব? আর জাত লোকের গায়ে লেখা থাকে? যার চালচলন শরিকের মত সেই ত' আশরাফ। খোদা কিয়ামতের দিনে কথ'খনো এমন বলবেন না যে তুমি সৈয়দ সাহেব, তোমার আবার পাপ পুণিয়া কি তোমার নিঘ'ঘাত বেহেশ'ত আর তুমি 'হালগজ্জা' শেখ, অতএব তোমার সব 'সওয়াব' ( পুণ্য ) বাজেয়াপ্ত হয়ে গেছে, কাজেই তোমার কপালে ত' জাহান্নাম ধরা বাঁধা! আমি চাই শুধু গুণ তা সে যে জাতই হোক না কেন। দেখুক ত এসে আমার বৌকে—ঘর আলো করা রূপ, আশ-রাফের চেয়েও আদব তমিজ, লেখাপড়া জানা, কাজকর্মে পাকা এমন লক্ষ্মী বৌ আর কার আছে! আর কি জগুই বা বড'দের বেটীকে ঘরে আনব, সে যত না আনবে রূপ গুণ, তার চেয়ে বেশী আনবে বাপ মায়ের গরব আর অশান্তি! আমার এই সোনার চাঁদ ছেলে বেঁচে থাক, ওর ঘরে ছেলেনিলে, দেখি, তা হলেই আমি হাসতে হাসতে মরব।" মায়ের সেই স্নেহভিজা কথায় যে কতই আনন্দে বুক ভরে উঠ'ত! আমার চোখ দিয়ে টস্ টস্ কবে জল পড়'ত। রুতজ্জ'ত! আর ভক্তির ভাষা বুঝি মর্শের অশ্রু!

"স্বামী'র সত্যিকারের ভালবাসা আর সইমার মেয়ের চেয়েও নিবিড় স্নেহ আমার ত আর কিছুই অপূর্ণ রাখেনি। ছুনিয়াব যখন যা' দেখতুম, তাই সব যেন সুন্দর হয়ে ফুটে উঠ'ত। কই, ওর আগে ত এই মাটির ছুনিয়াকে এত সুন্দর ক'রে দেখিনি'। ভালবাসার অঙ্গন কি মহিমা জানে, যাতে সব অসুন্দর অত সুন্দর হ'য়ে ফুটে' ওঠে।

"এত সুখ, তবুও পোড়া মন কেন আপনা আপনিই সঙ্কুচিত হ'য়ে পড়'ত। পাড়াপড়শী লোকের ঐ একটা কথাই যেন শাখচিল্লির মত কানের কাছে এসে বাজ'ত, "সইবে না, সইবে না!" চোরের মন

## রিস্কের বেদন

বোঁচকার দিকে, তাই আমার মত হতভাগীর মনে যে শুধুই অমঙ্গলের বাঁশী বাজবে, তাতে আর আশ্চর্য্য কি?—ঐ অত গভীর ভালবাসার আঘাতেই যে আমাকে বিব্রত ক'রে তুলেছিল! মধু খুবই মিষ্টি, কিন্তু বেশী খাওয়ালেই গা জ্বালা করে। তাই আমার মনে হ'ত ওদের পায়ে মাথা কুটে বলি, “ওগো দেবতা, ওগো স্বর্গের দেবী, তোমরা এত স্নেহ এত ভালবাসা দিয়ে ছেয়ে ফেলোনা আমায়, আমি যে আর সহিতে পারছি না! স্নেহের ঘায়ে যে আমার হৃদয় ভেঙ্গে পড়ল! একটু স্থগা কর, খারাপ বল, আমায় খুব ব্যথা দাও, তা নৈলে আমার বক্ষ নুয়ে যাবে যে!” আর অমনি আবার সেই ভীষণ মূর্ত্তি চোখের সামনে ভেসে উঠত “নইবে না”

“এমনি করে, দেখতে দেখতে ছুটো বছর কোথায় দিয়ে যে কোথায় চলে গেল, তা জানতে পারলুম না। এমন সময় ঐ যে প্রথমে বলেছিলুম, কলেরা আর বসন্ত জ্বোট করে' রাক্ষসের মত হাঁ করে আমাদের গ্রামটা গ্রাস ক'রে ফেললে। তা'দের উদর যেন আর কিছুতেই পরতে চায় না। সে কি ভীষণ বুভুক্ষা নিয়ে এসেছিল তা'রা! সমস্ত গ্রামটা যেন গোরস্থানেরই মত খাঁ খাঁ করতে লাগল। গ্রামের সকল যে যেদিকে পারুলে মৃত্যুকে এড়িয়ে যেতে ছুটল। ভেড়ার দলে যখন নেকড়ে বাঘ প্রবেশ করে তখন সমস্ত ভেড়া একসঙ্গে জুটে চারিদিকে গোল হয়ে দাঁড়িয়ে চক্ষু বুজে মাথা গুঁজে থাকে, মনে করে তাদের আর কেউ দেখতে পাচ্ছে না। কিন্তু মানুষ যারা, তাঁরা ত আর মানুষকে এমন অবস্থায় ফেলে যেতে পারে না। তাঁদের একই রক্ত মাংসের শরীর, তবে ভিতরে কোন কিছু একটা বোধ হয় বড় জিনিষ থাকবে। সবারই সঙ্গে সমান দুঃখে দুঃখী, সবারই দুঃখ ক্লেশের ভাগ

নিজের ঘাড়ে খুব বেশী করে চাপানতেই ওদের আনন্দ। ঐ বুঝি তাদের মুক্তি।

“যখন সবাই চলে’ গেল গ্রাম ছেড়ে’, তখন গেলুম না কেবল আমরা, উনি বললেন “মৃত্যু, নাই, এরূপ দেশ কোথা, যে গিয়ে লুকুব?” সবাই যখন মহামারীর ভয়ে রাস্তায় চলা পর্যন্ত বন্ধ করে’ দিলে’ তখন কোমর বেঁধে উনি পথে বেরিয়ে পড়লেন, বললেন, “এই ত আমার কাজ, আমায় ডাক দিয়েছে!” সে কি হাদিমুখে আর্ন্তের সেবার ভার নিলেন তিনি। তখন তিনি এম, এ, পাশ করে’ আইন পড়ছিলেন। কলকাতায় খুব গরম পড়াতে দেশে এসেছিলেন। কি গরীয়নী শক্তির শ্রী ফুটে’ উঠেছিল তাঁর প্রতিভা-উজ্জ্বল মুখে সেদিন।

“আবার সেই বাণী, “সইবে না, সইবে না!”

“দিন নেই, রাত নেই, খাওয়া নেই, দাওয়া নেই, আর্ন্তের চেয়ে ও অধীর হ’য়ে তিনি ছুটে’ বেড়াতে লাগলেন কলেরা আর বসন্ত রোগী নিয়ে। আমি পায়ের ধরে বললুম, ওগো দেবতা! থাম, থাম, তুমি অনেকের হ’তে পার, কিন্তু আমার যে, আর কেউ নেই। ওগো আমার অবলম্বন থাম, থাম। হায়, যাকে চলায় পেয়েছে তাঁকে আর থামায় কে? বিশ্বের কল্যাণের জন্য ছুটছিল তাঁর প্রাণ! তাঁর সে দুনিয়া ভরা বিছানো প্রাণে আমার এ ক্ষুদ্র প্রাণের কান্নার স্পন্দন ধ্বনিত হ’ত কি? যদি হ’ত তবে সে শুধু ছুঁয়ে যে’ত হুয়ে যেত না।

“যে অমঙ্গলের একটু আভাব আমার অন্তরের নিভৃততম কোণে লুকিয়ে থেকে আমার সারা বক্ষ শঙ্কাকুল করে তুলেছিল, সেই ছোট্ট ছায়া যেন সেদিন কায়া হ’য়ে আমার চোখের সামনে বিকট মূর্তিতে এসে’ দাঁড়া’ল। সে কি বিশী চেহারা তার!

## রিক্তের বেদন

“মা কখন ওর কাজে বাধা দেন নি’। শুধু একদিন সাজের নামাজ শেষে অশ্রু ছলছল চোখে তাঁর শ্রেষ্ঠধন একমাত্র পুত্রকে খোদার “রাহায়” উৎসর্গ করে গিয়েছিলেন। ওঃ, ত্যাগের মহিমায়, বিজয়ের ভাস্বর-জ্যোতিতে কি আলোময় হ’য়ে উঠেছিল তাঁর সেই অশ্রুস্নাত মুখ সেদিন! মনে হ’ল যেন শতধারায় খোদার আশীষ অঘুত পাগলা ঝোঁরার বেগে মাগের শিরে ঝাঁপিয়ে পড়ল। আমারও বক্ষ একটা মুচ বেদনা-মাথা গৌরবে যেন উথলে পড়ছিল।

“এই রকম লোককেই দেবতা বলে,—মা ?

( ৬ )

“সে দিন সকাল হ’তেই আমার ডান চোখটা নাচতে লাগল, বাড়ীর পিছনে অশ্বখ গাছটায় একটা প্যাচা দিন দুপুরেই তিন তিন বার ডেকে উঠল, মাথার উপর একটা কালো টিক্‌টিকি অনবরত টিক্‌ টিক্‌ করে’ আমার মনটাকে আরও অস্থির চঞ্চল করে’ তুলছিল। আমার অদৃষ্টের সঙ্গে ওদের কি সংযোগ ছিল ?

“উনি সেই যে ভোরে বেরিয়ে গিয়েছিলেন একটা লাশ কাঁধে করে নিয়ে, সারাদিন আর ফেরেন নি। আমি কেবল ঘর আর বা’র করেছিলুম।

“বিকাল বেলায় খুব ঘনঘটা ক’রে মেঘ এল, সঙ্গে সঙ্গে তুমুল ঝড় আর বৃষ্টি। সে যেন মস্ত দুটো শক্তির হৃদয়যুদ্ধ! ওঃ এত জল আর পাথরও ছিল সেদিনকার মেঘে! সামনে বিশ হাত দূরে বজ্র পড়ায় মত কি একটা মস্ত কঠোর আওয়াজ শুনে আমার মাথা ঘু’রে গেল, আমি অচেতন হ’য়ে পড়ে’ গেলুম।

\* \* \* \*

“যখন চেতন হ’ল, তখন বাড়ীময় একটা বাড় ব’য়ে যাচ্ছে, চারিদিকে হাহাকার, আর জল পড়ার ঝন্ ঝন্ শব্দ। একটা মস্ত বড় বজ্র ঠিক আমার কপাল লক্ষ্য করে ছুটে আসছে !

“আমার স্বামী দেবতা তখন বিছানায় শুয়ে ছট্ফট্ করছেন, আর মা পাষণ-প্রতিমার মত তাঁর দিকে শুধু চেয়ে র’য়েছেন। চোখে এক ফোঁটা অশ্রু নেই, যেন হৃদয়ের সমস্ত অশ্রু জমাট বেঁধে গেছে। দৃষ্টিতে কি এক যেন অতীন্দ্রিয় ঔচ্ছল্য। সে কি বিরাট নির্ভয়তা।

“শুনলুম সে দিন আমাদের পাশের গাঁয়ের দশ বার জন কলেরা রোগীকে গোর দিয়ে কয়েক জনকে ঔষধ পথ্য দিয়ে উনি বাড়ী ফিরছিলেন। পথে তাঁকে ঐ রোগে আক্রমণ করলে। একটা পুবাণো বটগাছের তলায় তিনি অজ্ঞান হ’য়ে পড়েছিলেন, একটু আগে উঠিয়ে আনা হয়েছে।—আবার বুষ্টি এল, সমস্ত আকাশ ভেঙ্গে ঝন্ ঝন্ ঝন্ !...

“তাকে ধ’রে রাখবার ক্ষমতা আর কারুর ছিল না—তাঁর কাজ শেষ হ’য়ে গেছিল, আর থাকবেন কেন ? তিনি চলে’ গেলেন ! যার যতটা ইচ্ছা গেল কাঁদলে। আমাদের ঘরের আঙিনার নিমগাছটার পাতা ঝ’রে পড়ল, ঝন্ ঝন্ ঝন্ ! গোয়ালের গরু দড়ি ছিঁড়ে গোঁড়াতে গোঁড়াতে ছুটল। দ্বারে কাকাতুয়াটি শুধু একবার একটা বিকট চীংকার করে অসাড় হ’য়ে নীচের দিকে মুখ ক’রে ঝুলে পড়ল। চারিদিকে মুমূর্ষুর স্কীত একটা আহা আহা শব্দ রহিয়ে রহিয়ে উঠতে লাগল। ‘সব ব্যোপে’ উঠতে লাগল শুধু একটা বীভৎস কান্নার রব ! কান্নায় যেন সারা বিশ্বের বত্রিশ নাড়ী পাক দিয়ে অশ্রু ঝন্ছিল, ঝন্ ঝন্ ঝন্ ।

## রিক্তের বেদন

“শুধু তেমনি অচল অটল হ’য়ে একটা বিরাট পাহাড়ের মত দাঁড়িয়েছিলেন মা!

“শুধু তাঁর শেষ সময় বলেছিলেন, “বাপ্‌রে, আমাকে ত’ কঁাদতে নেই’ তুই ত আর আমার নস’, তোকে খোদার কাছে কোরবাণী দিয়েছি! খোদার নামে উৎসর্গীকৃত জ্বিনিষে ত আমার অধিকার নেই!—তবে চল্‌ বাপ, তুই ত আমায় ছেড়ে এক মুহূর্ত্তও থাকতে পারিস্‌ নি, আমিও তোকে কখনও চোখের আড়াল করিনি’। তোর কাজ ফুরিয়েছে, আমারও কাজ ফুরাল আজ।”

“কতকগুলো লোকের মগজ নাকি এমনি খারাপ হ’য়ে যায় যে, তারা এক একটা ছোট্ট মুহূর্ত্তকেই একটা অথও কাল বলে ভাবে, তবে কি আমারও মাথা সেই রকম খারাপ হ’য়ে গেছে, তা না হ’লে আমার বোধ হচ্ছে কেন, যে এসব ঘটনা যেন বাবা আদমের কালে ঘটে’ গেছে, আর আমি এমনি ক’রে গোরস্থানে বসেই আছি। তুই কিন্তু বল্‌ছিস, এই দে দিন তাঁরা মারা গেছেন! তবে ত আমি সত্যিই পাগল হ’য়ে গেছি!

“কি বল্‌ছিস, এ গোরস্থানে এলুম কেন?—আহা কথার ছিঁরি দেখ! এই গোরস্থানে যেখানে সব সত্যিকার মানুষ শু’য়ে র’য়েছেন, সেখানে না এসে, যা’ব কি তবে বন জঙ্গলে যেখানে এক রকম জন্তু আছে, যা’দের শুধু মানুষের মত হাত পা’ আর অন্তরটা শয়তানের চেয়েও কুৎসিত কালো?—আমার বেশ মনে পড়ে, যখন তাঁ’র লাশ কাঁধে করে বাইরে আনা হ’ল, তখন ওদের কে একজন আত্মীয় আমার চুল ধরে’ বল্লে, যা শয়তানী, বেরো ঘর থেকে এখনি! তখনি বলেছিলুম, বুনিসাদী খানদানের উপর নাগ চড়ান, এ



সইবে কেন? তোকে ঘরে এনে শেষে বংশে বাতি দিতে পর্যন্ত রইল না কেউ; বেরো রাফুসী, আর গাঁয়ের লোকের সামনে মুখ দেখাস্ না! আর ইচ্ছা হয় চল, তোর আর একটা নেকা দিয়ে দি!”—অত মার গা’ল কিছুই বাজে নাই আমার প্রাণে, যত বেজেছিল ঐ একটা নেকার কথায়। ঐ বিশ্রী কথাটা একটা মস্ত আঘাতের মত বেজেছিল আমার চূর্ণ বক্ষে।—ওগো নেকা কি? সে কি দুবার অস্ত্রের গলায় মালা দেওয়া? শাস্ত্রে নেকার কথা আছে, সে কাদের জগ্গে? আচ্ছা ভাই, যারা বাধ্য হ’য়ে অন্নবস্ত্রাভাবে বা আকাঙ্ক্ষার বশবর্তী হ’য়ে ওরকম করে ভালবাসার অপমান করে’ তাদের কি হৃদয় ব’লে কোন একটা জিনিষ নাই? তা হ’লেও তাদের ক্ষমা করা যেতে পারে, কিন্তু যারা শুধু কামনার বশবর্তী হ’য়ে পবিত্রতাকে, নারীত্বকে ওরকম মাড়িয়ে চলে’ যায় তাদের কোথাও ক্ষমা নাই। ভালবাসা—স্বর্গের এমন পবিত্র ফুলকে কামনার শ্বাসে যে কলঙ্কিত করে’ তার উপযুক্ত বোধ হয় এখনও কোন নরকের সৃষ্টি হয় নাই।

“মৌলবী সাহেবরা হয়ত খুব চটে আমার ‘জানাজা’র নামাজই পড়বেন না, কিন্তু মানুষ আর মৌলবীতে অনেক তফাৎ—শাস্ত্র আর হৃদয় অনেকটা তফাৎ।

( ৮ )

“যেখানে শুধু এই রকম অবমাননা, সেখান থেকে সরে এসে এই মরার দেশে থাকাই ভাল।

\* \* \* \*

## রিক্তের বেদন

“ওকি তুমি এমন ক’রে জাঁতকে উঠলে কেন? আমি মুচ্ছা গেছলুম বলে?—কি বল্চ, আমি বিষ খেয়েছি? তা হ’লে তুমিও পাগল হয়েছ! আমার চেহারা এমন নীল হ’য়ে গেছে দেখে তুমি হয়ত মনে করেছ আমি বিষ খেয়েছি। না গো না, আমি পাগল হই আর যাই হই ওরকম দুৰ্বলতা আমার মধ্যে নেই। কেবাসিনে পোড়া, জলে ভোবা, গলায় দড়ি দেওয়া, বিষ খাওয়া মেয়েদের জাতটার যেন রোগের মধ্যে দাঁড়িয়েছে! আমার কপাল পুড়লেও আমি ওরকম ‘হারামি মওয়াত’কে প্রাণ থেকে ঘৃণা করি। এ মরায় যে এ-দুনিয়া ও আখের উভয়ের খারাবি বোন!

“কাল রাত্রে ভয় পেয়ে যখন তুই আমার কাছ হ’তে চলে গেলি, তার একটু পর থেকেই আমার ভেদবমি আরম্ভ হয়েছে। এই একটু আগে আমার জ্ঞান হ’ল।

“আমি বুঝতে পেরেছি বোন, আমার আর সময় নাই। আর কারুর চোখের জলের বাধা আমায় বেঁধে রাখতে পারবে না। ওঃ এত দিনে ঐ নদী পারের অলস-ঘুমে ভরা সুরটা আমার প্রাণে গভীর স্পর্শ করে গেল। সে কত গভীর দুঃখ-ভরা! পানি আমার চোখের কোল ছেয়ে ফেলেছে দিদি। তার কোমল স্পর্শ আমার চোখের পাতায় পাতায় অল্পভব করছি। কি শিহরণ আমার প্রতি লোমকূপে খেলে বেড়াচ্ছে!

“কি পিপাসা, কি বুক ফাটা তৃষ্ণা! একটু পানি দেত বোন!—না না, আর চাই না। ঐ দেখতে পাচ্ছ “শরাবানু তহরা” ভরা পেয়াল। হাতে আমার স্বামী হৃদয়-সর্কস্ব দাঁড়িয়ে র’য়েছেন! কি সহানুভূতি-আর্দ্র করণ স্নেহময় গভীরদৃষ্টি তাঁর! আঃ! মাগো! আঃ!”

---

ছ র ন্ত প থি ক

---



## দুরন্ত পথিক

( কথিকা )

সে চলিতেছিল দুর্গম কাঁটা-ভরা পথ দিয়ে। চলিতে চলিতে সে একবার পিছন ফিরিয়া দেখিল, লক্ষ আঁখি অনিমেঘে তাহার দিকে চাহিয়া আছে। সে দৃষ্টিতে আশা উন্মাদনার ভাঙ্গর জ্যোতিঃ ঠিকরাইয়া পড়িতেছিল। তাহাই ঐ দুরন্ত পথিকের বক্ষ এক মাদকতা-ভরা গৌরবে ভরপুর করিয়া দিল; সে প্রাণ-ভরা তৃপ্তির হাসি হাসিয়া বলিল, “হা ভাই! তোমাদের এমন শক্তি-ভরা দৃষ্টি পেলে কোথায়?” অযুত আঁখির অযুত দীপ্ত চাউনি বলিয়া উঠিল,—“ওগো সাহসী পথিক, এ দৃষ্টি পেয়েছি তোমারই চলার পথ চেয়ে!” উহারই মধ্যে কাহার— স্নেহ-করণ চাউনি বাণীতে ফুটিয়া উঠিল,—“হায় এ দুর্গম পথে তরুণ পথিকের মৃত্যু যে অনিবার্য।” অমনি লক্ষ কণ্ঠের আর্ত ঝঙ্কার গর্জন করিয়া উঠিল, “চোপরাও ভীরা! এইত মানবজ্বার সত্য শাখত পথ!” পথিক ছুচোখ পুরিয়া এই কল্যাণ-দৃষ্টির শক্তি হরণ করিয়া লইল তাহার স্তম্ভ যত কিছু অন্তরের সত্য, এক অঙ্গুলি-পরশে সাধা বীণার ঝঙ্কার মত সাগ্রহে সাড়া দিয়া উঠিল,—“আগে চল!” বনের সবুজ তাহার অবুঝ তারুণ্য দিয়া পথিকের প্রাণ ভরিয়া দিয়া বলিল—“এই তোমার যৌবনের রাজটীকা পরিয়ে দিলাম; তুমি চির-যৌবন, চির অমর হ’লে।” দুবের আকাশ আনত হইয়া তাহার শিরশ্চুম্বন করিয়া গেল। দুবের দিগ্বলয় তাহাকে মুক্তির সীমারেখার আবছায়া দেখাইতে লাগিল। দুই পাশে তাহার বনের শাখী শাখার পতাকা ঢুলাইয়া তাহাকে

## বিশ্বের বেদন

অভিনন্দন করিতে লাগিল। স্বাধীন দেশের তোরণ দ্বার পারাইয়া বোধন-বীণী অগ্নি-সুর হরিণের মত তাহাকে মুগ্ধ মাতাল করিয়া ডাক দিতেছিল। বীণীর টানে মুক্তির পথ লক্ষ্য করিয়া সে ছুটতে লাগিল। “ওগো কোথায় তোমায় সিংহদ্বার ? দ্বার খোলো, দ্বার খোলো, —আলো দেখাও, পথ দেখাও !”...বিশ্বের কল্যাণের মন্ত্র তাহাকে ঘিরিয়া বলিল,— “এখনও অনেক দেবী, পথ চল !” পথিক চমকিয়া উঠিয়া বলিল,— “ওগো আমি যে তোমাকেই চাই !” সে অচিন সাথী বলিয়া উঠিল, —“আমাকে পেতে হ’লে ঐ সামনের বুলন্দ-দরওয়াজা পার হ’তে হয় !” দুঃস্থ পথিক তাহার চলায় দুর্বীর বেগের গতি আনিয়া বলিল—“হাঁ ভাই, তাহাই আমার লক্ষ্য !” দূরের বনের ফাঁকে মুক্ত গগন একবার চমকাইয়া গেল, পেছন হইতে নিযুক্ত তরুণ কণ্ঠের বিপুল বাণী শোর করিয়া বলিয়া উঠিল,—“আমাদেরও লক্ষ্য ঐ, চল ভাই আগে চল,— তোমারই পায়ে চলা পথ ধরে আমরা চলেছি ” পথিক আগে চলার গৌরবের তৃপ্তি তাহার কণ্ঠে ফুটাইয়া ইাকিয়া উঠিল, “এ পথে যে মরণের ভয় আছে।” বিক্ষুব্ধ তরুণ কণ্ঠে প্রদীপ্ত আগুন যেন গজিয়া উঠিল,...“কুছ পব্ণ নেই ! ও ত মরণ নয় ওয়ে জীবনের আরম্ভ !...” অনেক পিছনে পাজর-ভাঙ্গা বৃদ্ধেরা মরণের ভয়ে কাঁপিয়া মরিতেছিল ! তাহাদের স্কন্ধদেশে চড়িয়া একজন মুখ চোখ ভাঙ্গচাইয়া বলিতেছিল, —“এই দেখ মরণ !” একটু দূরে চন্দন-কুণ্ডলী ধোঁগুয়া ভরা আগুন জ্বলাইয়া বৃদ্ধের দৃষ্টি-চাহনী প্রতারিত করার চেষ্টা হইতেছিল ! হাসি চাপিতে চাপিতে একজন ইহাদিগকে সম্মুখের ধলায় আগুনের দিকে খেদাইয়া লইয়া যাইতে যাইতে বলিতেছিল,—“ঐ ত সামনে তোমাদের নির্বাণ কুণ্ড ; এ বৃদ্ধ বয়সে কেন বন্ধুর পথে ছুটতে গিয়ে প্রাণ হারাবে ?

## রিক্তের বেদন

ও ছুরস্ত পথিকদল ম'ল বলে !” বৃদ্ধের দল দুই হাত উপরে উঠাইয়া বলিল,—“হাঁ ছজুর আলবৎ !” তাহার আশে পাশে কাহার দুষ্ট কণ্ঠ বারে-বারে সতর্ক করিতেছিল,—“ওহো বেকুবদল, ভিক্ষায়াং নৈব চ নৈব চ ! তোদের এরা নিকীর্ণ-কুণ্ডে পুড়িয়ে তিল তিল করে মারবে !” তাদের রাখাল হাসি চাপিয়া বলিয়া উঠিল,—“না না, ওদের কথা শুনো না . ওদের পথ ভীতি-সঙ্কুল আর অনেক দূর, তাও আবার দুঃখ-কষ্ট-কাঁটা-পাথর-ভরা তোমাদের মুক্তি ঐ সাম্নে ।”

ছুরস্ত পথিক চলিয়াছিল, সেই মুক্ত দেশের উদ্বোধন বাঁশীর সুর ধরিয়া ।...এইবার তাহার পথের বিভীষিকা জুলুম আরম্ভ করিল । পথিক দেখিল ঐ পথ বাহিয়া যাওয়ায় এক-আধটুকু অক্ষুট পদচিহ্ন এখনও যেন জাগিয়া রহিয়াছে । পথের বিভীষিকা তাহাদেরই মাথার খুলি এই নূতন পথিকের সাম্নে ধরিয়া বলিল,—“এই দেখ এদের পরিণাম ।” সেই খুলি মাথায় করিয়া নূতন পথিক আর্জনাৎ করিয়া উঠিল,—“আহা এরাই ত আমায় ডাক দিয়েছে ! আমি এমনই পরিণাম চাই—আমার মৃত্যুতেই ত আমার শেষ নয়, আমার পশ্চাতে ঐ যে তরুণ যাত্রীর দল, ওদের মাঝখানেই আমি বেঁচে থাকব ।” বিভীষিকা বল্লে—“তুমি কে ?” পথিক হেসে ব'ললে,—“আমি চিরন্তন মুক্তি-কামী । এই যাদের খুলি প'ড়ে রয়েছে তার কেউ মরেনি, আমার মাঝেই তারা নূতন শক্তি, নূতন জীবন নূতন আলোক নিয়ে এসেছে । এ মুক্তের দল অমর ।” বিভীষিকা কাঁপিয়া উঠিয়া বলিল,—আমায় চেন না ? আমি শৃঙ্খল । তুমি যাই বল, তোমাকে হত্যা করাই আমার ব্রত, মুক্তিকে বন্ধন দেওয়াই আমার লক্ষ্য । তোমাকে মবুতে হ'বে ।” ছুরস্ত পথিক দাঁড়াইয়া বলিল,—“মারো,—বাধো,—কিন্তু

## বিস্তার বেদন

আমাকে বাঁধতে পারবে না , আমার ত মৃত্যু নাই । আমি আবার আসবো ।” বিভীষিকা পথ আগুলিয়া বলিল,—“আমাব যতক্ষণ শক্তি আছে, ততক্ষণ তুমি যতবারই আসো তোমাকে বধ করুবো । শক্তি থাকে আমায় মারো, নতুবা আমার মার সহ্য করতে হবে ।”

অনেক দূরে মুক্ত দেশের অলিন্দে এই পথেরই বিগত সঙ্গদেরা চির তরুণ জ্যোতির্শয় দেহ লইয়া দাঁড়াইয়া তাহাকে আহ্বান করিতে লাগিল ! পথিক বলিল,—কিন্তু এই জীবন দেওঘটাই কি জীবনের সার্থকতা ?” মুক্ত বাতায়ন হইতে মুক্ত আত্মা স্নিগ্ধ-আর্দ্র কণ্ঠে কহিয়া উঠিল,—“হাঁ ভাই ! যুগ যুগ জীবন ত এই মৃত্যুরই বন্দনা গান গাইছে । সহস্র প্রাণেব উদ্বোধনইত তোমাব মবণেব সার্থকতা । নিজে মরিয়া জাগানোতেই তোমাব মৃত্যু যে চিবজাগ্রত অমর ।” নবীন পথিক তাহার তরুণ বিশাল বক্ষ উন্মোচন করিয়া অগ্রে বাড়াইয়া দিয়া কহিল,—“তবে চালাও খঞ্জর !” পিছন হইতে তরুণ যাত্রীব দল ছুবস্ত পথিকেব প্রাণশূন্য দেহ মাথায় তুলিয়া লইয়া কাঁদিয়া উঠিল—“তুমি আবাব এসো ।” অনেক দূবে দিখলয়ের কোলে কাহাদের একতান-সঙ্গীত ধ্বনিয়া উঠিতে লাগিল,—

“দেশ দেশ নন্দিত করি’ মন্ত্রিত তব ভেরী  
আসিল যত বীরবৃন্দ আসন তব ঘেরি !”